


ŐKHS' I TSĨN IK SĨN  
NI ST. MATTHEW OT  
SĨN AI PI.



The Gospel According to St. Matthew in the Blackfoot  
language of Canada

**ŐKHS' I TSĨN IK SĨN NI ST. MATTHEW OT SĨN AI PI.  
The Gospel According to St. Matthew in the Blackfoot language of Canada**

Public Domain

Language: Siksiká (Blackfoot)

Translation by: Rev. John William Tims

This C. M. S. publication by the British and Foreign Bible Society in 1890 is in the PUBLIC DOMAIN (not copyrighted). Conversion to USFM was courtesy of the Digital Bible Society.

2017-10-09

---

PDF generated using Haiola and XeLaTeX on 20 Apr 2023 from source files dated 30 Nov 2021  
0a409c18-61ef-5282-961d-ef2aa587bd17

## Contents

ST. MATTHEW . . . . .	1
-----------------------	---

# ŐKHS' I TSİN IK SİN NI

## ST. MATTHEW

### OT SİN AI PI.

**1** SIN AK'SIN Jesus Christ David okkuai' Abraham okkuai' un'ix o s̄inaks' oaiěxěsts.  
**2** Abraham ikuyiu' Isaac; ki Isaac ikuyiu' Jacob; ki Jacob ikuyiau' Judas ki omu' pappiipix; **3** Ki Judas ikuyiu' Phares ki Zara, Thamar ipau'kaiimmiuax; ki Phares ikuyiu' Esrom; ki Esrom ikuyiu' Aram; **4** Ki Aram ikuyiu' Aminadab; ki Aminadab ikuyiu' Naasson; ki Naasson ikuyiu' Salmon; **5** Ki Salmon ikuyiu' Booz, Rachab ipau'kaiimmiuaie; ki Booz ikuyiu' Obed, Ruth ipau'kaiimmiuaie; ki Obed ikuyiu' Jesse; **6** Ki Jesse ikuyiu' David oműx'nin'a; ki David oműx'ina ikuyiu' Solomon, annök' ake'uök itom'itomiuök Urias man'itotsipokaiimmiuaie; **7** Ki Solomon ikuyiu'. Roboam; ki Roboam ikuyiu' Abia; ki Abia ikuyiu' Asa; **8** Ki Asa ikuyiu' Josaphat; ki Josaphat ikuyiu' Joram; ki Joram ikuyiu' Ozias; **9** Ki Ozias ikuyiu' Joatham; ki Joatham ikuyiu' Achaz; ki Achaz ikuyiu' Ezekias; **10** Ki Ezekias ikuyiu' Manasses; ki Manasses ikuyiu' Amon; ki Amon ikuyiu' Josias; **11** Ki Josias ikuyiu' Jechonias ki o mu' pap piipix, annik' ito'toöpikau Babylon; **12** Ki ot'sitotos au Babylon, Jechonias ikuyiu' Salathiel; ki Salathiel ikuyiu' Zorobabel; **13** Ki Zorobabel ikuyiu' Abiud; ki Abiud ikuyiu' Eliakim; ki Eliakim ikuyiu' Azor; **14** Ki Azor ikuyiu' Sadoc; ki Sadoc ikuyiu' Achim; ki Achim ikuyiu' Eliud; **15** Ki Eliud ikuyi u' Eleazar; ki Eleazar ikuyiu' Matthan; ki Matthan ikuyiu' Jacob; **16** Ki Jacob ikuyiu' Joseph, Mary om'i, annok ipau'kaiimmiuök Jesus, anistau Christ. **17** David otsis'tsits'unoauai Abraham itsipuk' süpokosinimotseiiau ke'pitappiau nisskoputtsi; ki ot'sitotosau Babylon omats'istsits'unoauai David mats'itsipuksüpokosimmotseiiau, matsisse'koputtsi; Christ omats'istsits'unoauai ot'sitotosau Babylon mats'itsipuksüpokosimmotseiiau matsisse'koputtsi. **18** Jesus Christ, otsipokai'isinni ün'niniitsiu: Annik' Mary, Jesus oksis'tsi, Joseph otak'okemattösaie itop itappi'inai, otse'kosatsok Atsim'istaaw. **19** Joseph om'i moköm'motsitappi, ki matsitsitau'ats mök'aiitsinniköttösaie; osime'tsitau möksisim'ianistüpskoösaie. **20** Ki otai'ksimstatosaie, Satsit, Ap'istotokiuaoto'tokatatsis otsipopök'toakaie ki otan'ikaie, Joseph, David okku'i, pinstünnos Mary kök'okemattosi, otse'kosatsok Atsim'istaaw. **21** Ki ai'aksipokaiimmiuaie okku'yi, ki kitak'anistsinnikötttau Jesus: tükka, otsitappim'ix otsauum'itsitappi'isuauësts aiakitaikömötse'piuax. **22** Itün'nitsiuai mök'itsenüpanistösi Ap'istotokiua otse'poawsists, otsipropheti itotse'poawsinësts, ki an'ímai, **23** Satsik, mokök'iate ai'akopitappi, ki ai'aksipokaiimmiuaie okku'yi, ki ak'anistsinniköttisiauaie Emmanuel, ito'kisasattop Ap'istotokiua ipokai'tappiimmau. **24** Joseph otsipuawk'si otso'kani, ün'niitsitappi Ap'istotokiua oto'tokatatsis otan'iipiaie, ki ito'tuyiuiae otokem'an: **25** Ki ototom'okkuyi otsauomai'pokaiisaie matpoksokamiu'atsaie: kinitsin'nikötttsiuiae JESUS.

## 2

**1** JESUS otai'pokaiisi Bethlehem, auösin'ím Judæa, annists'isk ksistsiku'istsk, Herod otsitsinaiipi, Satsik, mokök'ietappix umut'autstsipi apinök'kuyi itsipuk'sipuiau Jerusalem, **2** An'iau, ünan'ök manipok'auök Jews otsin'aimoaiauaie? Tükka, annim' apinök'kuyi stai'tappiosi nitsino'ünan okökatosim, ki nimut'otopinan nök'itauatsimmimmösinan. **3** Herod oműx'ina otokh'tsisaie, otap'itsi-tanaie, ki Jerusalem istokónai'tappix ikono-nokap'aitsitamiuax. **4** Ikonaumoi'piüsax omük'atoiapiekua ki ai'sinakix, süppoöttsesattsiuax Christ mök'itsipokaiipiaie.

<sup>5</sup> Ki an'istsiauaie, Bethlehem, Judaea istauosin'im, un'nimaie; un'anistappi prophet osin'aksin; <sup>6</sup> Ki ks esto'a Bethlehem, Judaea istauosin'im, kimats'inukstsipuaua, Judah istsin'ax; Nin'auok, ksesto'a ak'itsistauasiu ki osto'i ai'akaukokitsimau nitsitappim'ix Israel. <sup>7</sup> Herod, simi'nikotussax mokok'ietappix, sokap'suppootsesattsiuax otsokap'inkuyisaie kókatosi. <sup>8</sup> Ki ituput'okottsiuax Bethlehem; kian'iu, kükko' sokap'apsummok pokau'ök; ki ikonoainoeniki, itum'utskitsnikokik nök'itsitotosi nök'it a tsim mím mosi. <sup>9</sup> Otokh'tsisau omúxina otan'iapiaie, itsis'tapuiau; ki satisk, anni'isk kók'atosiisk otsitsinoauaiisk umut'autstispi apinök'uyi otsitom'akoaiuaie, ki otai'totosi inük'sipokai ot'sitaupipiaie itots'iketsipuyiuiae. <sup>10</sup> Otsinno'ossauaie kók'atosi, eks'kamük otse'tametüksuui. <sup>11</sup> Ki otaitsipis'sau nap'ioyis, Mary oksis'tsi ipinnu'yiauaie pokai'isk, ki innissi'iau, ki itatsim'mimmiau: ki otaipasuk'innissauests otakomütskotuksuauests, issak'okotsiauaie gold ki frankincense ki myrrh. <sup>12</sup> Ap'istotokiua papaukokianistcsax mokstaiskito'tosau, noke'tsi moksokui itup'akaiiau. <sup>13</sup> Ki otai'mattosau, satsik, Ap'istotokiua sto'tokatatscs papauta'atsiuiae Joseph, an'isitouiae, Nipuat', ki mattos'au pokau' ki oksis'tsi ki iküm'itappoat Egypt, ki stau'pit ki kitak'otumanisto; tük'ka, Herod ai'akapsummuaie inük'sipokau möks'enitosaie. <sup>14</sup> Otai'puawksi, sepiai'akotuyiuax inük'sipokau ki oksis'tsi ki Egypt itup'itappoiau: <sup>15</sup> Ki itau'piuaie otai'insiae Herod, möksenüp'anistosi Ap'istotokiua otse'poawsin, otsiprophet i totsi'uaie, Egypt, un'nimaie nitsit'utümmau noko'a. <sup>16</sup> Herod, otai'noösax mokok'ietappix otap'apistotoyisax, eks'kaiistsetükkiu, ki itup'otokottsiuax (otsen'nakemix) Bethlehem ki sa'akapotsim, ai'stokistuyimix sök'umappix ikön'ainittsiauax; küttaistoki'stuyimix sök'umappix mat'okönainittsiauax, umut'otsksinippi otsokap'suppootsesattüsax mokok'ietappix. <sup>17</sup> Itum'enüpanistomaie Jeremy prophet otse'poawsin otan'ipi, <sup>18</sup> Epo'awsinni itsik'kitokhtsip Rama, asain'sinni ki aiim'motseisinni ki omükoyesinni, Rachel o'kosix itau'asuniu ki matokuikiawpiketükkiu'ats, tükka, itsen'iau. <sup>19</sup> Herod otse'insi, sat'sik, Ap'istotokiua oto'tokatatsis Joseph otsipapau'takaie, Egypt otsitai'tappiisaie. <sup>20</sup> An'istsiuiae, Nipuat'ki mattos'au inük'sipokau ki oksis'tsi, ki itup'itappoat Israel istau'ösiniim; tük'ka ini'au anniks'isk ap'ussummiiskaie otsipai'tappiisinni. <sup>21</sup> Ki itsipuau ki aiako'tuyiuax pokau'a ki o ksis'tsi, ki Israel istauosin'im ito'to. <sup>22</sup> Ki otokh'tssi Archelaus otai'atsuaitapai'naiisi un'ni otsin'naiisinni, isstün'imaie mök'ittappoaie; ki Ap'istotokiua otsipapauanistosaie, Galilee itanis'tüpítappo: <sup>23</sup> Ki akapioyis, Nazareth anistau, ito'to kiioko'yi; mökenüpanistosaie prophetix otan'iapiax, akanistai'nikottau Nazaren'aikuün.

### 3

<sup>1</sup> ANNISTS'ISK ksistsiku'istsk John Baptist ito'to Judaea istoksis'tapiksökkui, itüs'-ksinimatstokiu, <sup>2</sup> Ki an'iu sauai'tsitak, spots'im istsin'naiisinni aststsii'. <sup>3</sup> Am'auk annök' matap'piuök Isaiah prophet an'iu Nitsitätppiuä ksistapitaosinim sokse'puyiu, Sëppoatsistotokh'sattoat Nin'a oksokui, oksoku'ists mokom'otstsiseests. <sup>4</sup> Ki John, Camel oku'yists, itsis'totosiu, ki istsikop'okui itsep'siu; ki otso'össinests tsikatsix ki namap'inii. <sup>5</sup> Jerusalem istokönai'tappix otokönitota'akax, ki Judaea istokönai'tappix, ki Jordan istauössin'im istokönai'tappix mat'okönitautaakax. <sup>6</sup> Ki nie'tuktai Jordan (an'istop), otsit'ütapinopiax, ki otsauum'itsitappiisuests aiinüp'anistomiauests. <sup>7</sup> Ki otsinno'ossax otas'taaïssax akai'tappiiax Pharisees ki Saducees, otsittüp'auauökössax otsitusta'pinükipi, an'istsiuax, Pïtseksinau'kosix, tükka' kitän'ikoau kókanistüpistüpiksatossuai annik' istse'tüksinik astai'tsiik? <sup>8</sup> Ai'süsksattok matsiin'ists mok'itanistosi kïtsauai'tsitani: <sup>9</sup> Pini'tsitsiikasik kïtsitsi' tanauests kok'kitünissuai Kïn'un Abrahami; kitän'istopuau Ap'istotokiua, am'oxim okotokix ikotsistauatomoaiau Abraham pokax. <sup>10</sup> Kiannok' kôts'eksists

kaxa'kin itsipo'toau: kōnai'īstsīs saiīnasīsi ak'aikakiaiau ki ak'aututsaiau.  
<sup>11</sup> Okke' kimut'sitūstapinopuau kökkitsisauai'tsitasuai: apatots'ik annök' ai'aksakootoök aiis'skunitapsiu, nimatsikökotopa'tomoauats matsikists': Ostoi' kimutak'istapinokoau Atsim'istaaw ki īs'tsi: <sup>12</sup> Ose'kotükkiatsis ai'īnimaie, kiaupūx'ixtoxixi otsit'aisuisuitsipik'iakipi aiaksokapse'maie, osos'tsipikiapioyis aiakitsiptspotomests otapaiēn'īnsimmanists; ki istotox'ksiists ītsi'i matakatsiu'ats ai'aketsinsimests. <sup>13</sup> Jesus Galilee itūm'aumatto, Jordani nie'tuktai ito'to, John mökitsistapiniisaie. <sup>14</sup> Ki John paiau'tsimiuiae, ki otan'ikaie, ksēsto'a īs ta' pīn o kit, kitaketak'sipuksipat to kōkokotsis'tapinnöksi, ki kumauksipuksipaakiks?  
<sup>15</sup> Jesus an'ītsiuiae pokitse'tsīt annok': nōks'istutsisīnan moköm'motsitappiisīnni. Itūmipaio'kits etomoyiuiae. <sup>16</sup> Ki Jesus aiis'tapinnössi, itopitsissoa'tomaie okke': ki, sat'sik, spots'im kau'opiu, ki nan'nuyiuiae Ap'istotokiua otatsim'istaaw itutui'süpīnūmaie sītsi'i itsīnauūni'īnai, ki itokhitopi'īnai: <sup>17</sup> Ki, satsik, epo'awsīnni spots'im itunni'u amok'auk nītük'omīmokoa, nitsekōkh'sīmāu.

## 4

<sup>1</sup> ATSIM'ISTAAW ksīs'tapiksökkui itūmitüppip'iuaie Jesus, sauum'itsitappiuua mōk saksksinnoōsaie. <sup>2</sup> Ki nīsīp'puyi koku'īsts, ki nīsīp'puyi ksīstsikuists otsit'saiyipists, itsakoo'notsiu. <sup>3</sup> Ki Issaks'ksīnīmaitappii itoto'yīnaie an'īnai, Ikūm'ūmeniki Ap'istotokiua okku'i, am'oxim ok'otokixim sītsīp'satsisau mökitapaiēnasau. <sup>4</sup> Ki itūnīs'ītsiuiae, Sīnaip Matap'pi matokot'otsipaitappi'iuaats napaiēn, Ap'istotokiua maoi'i umutokönai'poawsists aiakotsepatappiuu. <sup>5</sup> Sauum'itsitappiuā otsitsitapippiok Atsim'akapioyis, ki itokhit'sipotoyeik Nato'iapioyis, <sup>6</sup> Ki an'ītsiuiae, Ikūm'ūmeniki Ap'istotokiua okku'i, īnīs'suiauūnit: sīn'aip, akanītsiuax oto'tokatatsix ksēsto'a: ki otsu'auěsts kitakitotsiketsi'enokiau, koköt'sists kökstai'tükökhsau ok'otoki. <sup>7</sup> Jesus itūnīs'ītsiuiae, mat'sīnaip, kimataksaksksīnoau'ats Nin'a, kitap'istotokā. <sup>8</sup> Sauum'itsitappiuā spaīstükki otsittūmmi'piokae itaiistummüt'tsiikaie kōnauau'ōsinists ki istsap'inatsiikiests; <sup>9</sup> Ki anītsiuiae, am'ostsim kōnauau'ōsīnists kitak'okoto, apīs'tuksīsanopieniki, atsim'mīmmokeniki. <sup>10</sup> Jesus itūman'ītsiuiae, Mīs'taput, Satan: sīn'aip, Nina Ap'istotokiua kitak'atsīmmīmmau, ki kitak'aitanīstaitoau. <sup>11</sup> Ki Sauum'itsitappiuā otai'skikaie ki, sat'sik, oto'tokatatsix ito'toyikiax ki otspum 'okax. <sup>12</sup> Jesus otokh'tsīmsi John ēen'ōsaie itsitap'po Galilee: <sup>13</sup> Ki otūništūpa'atosiae Nazareth, Capernaum ito'to ki itoko'iyu, īssoots'i omük'sikimi ai'aketsksökkui Zebulon ki Nephtalim: <sup>14</sup> Isaiah otse'poawsin möksenüpanīstosi otanipi, <sup>15</sup> Zebulon īstau'ossīnni ki Nephthalim īstau'ossīnni o mūk'sikimi īsta'potsim, Jordan ap'ümmotsim, Galilee īstok'auaax; <sup>16</sup> Anniks'isk matap'pixk, ski'natsi itau'pix omük'anatsi nan'immiau: ki anniks'isk matap'pixk auōssin'ni eīnsin'ni itstsi'ipi ki eīniu'tükissīnni itstsi'ipi, itau'pixk, ksīstsikui'natsiu otsūs'köpsiu. <sup>17</sup> Annik' Jesus aumütüpokse'puyiu, ki an'iu, Sauai'itsitak; Spots' īmistokök'itsimani āststsīu'. <sup>18</sup> Ki Jesus, auau'ōkassi, Galilee īstomük'sikimi, itsīnnu'yiuaax aiis'kūnnīmotseiyyix, Simon, an'īstau Peter; ki oskūn' anīstau Andrew, īksīmmatük'kiomikatsis omük'sikimi itai'suiapiximiauaie, tük'ka itomik'aitappiisau. <sup>19</sup> Ki itūnīs'ītsiuax, noksūppa'akik, ki kitakitaumik'ottaiau matap'pix. <sup>20</sup> Ki atomik'atsuai itskim'miau ki itopokiuo'iauaie. <sup>21</sup> O mūt'tükkiisi matsitsīnnuyeuax mat'toskūnīmmotseiix, James, Zebedee o ku'yi, ki John oskūn', ipit'süpīnnuyiuax ak'iosatsis, Zebedee, iīn'oauaie, aip'simiax otomik'atsuauax: ki itsīn'niköttisuax. <sup>22</sup> Ki ipit'skittsīauaie un'oauaie ki ak'iosatsis, ki itopokiuo'iauaie. <sup>23</sup> Ki Jesus Galilee īstokönau'ossīnni itap'auauōkau, otatoiapioko'auěsts itai'pīstsksīnimatstokiu ki aisokse'puyiu spots' im istsetam'itsīniksīnni; ki matap'pix opūs'tsīmmesuai ki otok'tokossīnuauěsts

ikön an'kuttutuyiuax. <sup>24</sup> Ki otap'istutüksinni ikönauanetünistopae Syria istau'össinni; ki ikönai'oktokosix, ki amianistsipüs'tsimisix, ki anniks'isk matap' pixk sauumitsitappiuä itsips'tokoyiau, ki mat'tsapsix, ki an'auxenix, ikönitautsippotoaiax; ki ikönau'kuttutuyiuax <sup>25</sup> Ki Galilee istokönai'tappix ikönawk'pokiuoiauaie, ki Decapolis, ki Jeiusalem, ki Judæa, ki Jordan ap'ümmotsim istökönai'tappix matsekönawkpokiu'oiaue.

## 5

<sup>1</sup> Kí otsinno'ossax akai'tappix ni tum'mo ita'miśso: ki otau'pissi otsitappim'ix ototaakax: <sup>2</sup> Ki itsipa'kuiakiu ki itüsksinim'atsiuax, ki itüniu, <sup>3</sup> Anniks'isk matap'pixk oskëttsipöppuauexk ikikin'etükkiisk, etam'etükkiu: spots'im ıstsın'naiisinni osto'auai otsinan'oiau. <sup>4</sup> Au'yesix etam'etükkiu: aiaksikiawpiksıstotoaiau. <sup>5</sup> Ikkınap'itappix etam'etükkiu: ksök'kum otaksınan'oiau. <sup>6</sup> Ino'tattomix moköm'motsipaitappiisinni ki inäk'attomix moköm'motsipaitappiisinni etam'etükkiu: ai'akokuyian. <sup>7</sup> Kimapı'itappix etam'etükkiu: otak'sikimokiau <sup>8</sup> Ksikus'skëttsipöppix etam'etükkiu: ai'aksınnuyiauaie Ap'ıstotokiua. <sup>9</sup> Inüs'tsetappix etam'etükkiu: akanıstainiköttaiau Ap'ıstotokiua o'kosix. <sup>10</sup> Anniks'isk matap'pixk itsikim'atsıstotoaiau otökommo'tsitappiuösoauěsts etam'etükkiu; otsinan'oiau spots' im ıstsın'naiisinni. <sup>11</sup> Oksıs'totokoeniki ki maka'pi sıtsıp'sükoeniki, ki aisımmım'motsenikiau, tükka kıtük'omımmokoau kitse'tametüksuai. <sup>12</sup> So poke'tametükkik, spopai'piik; kitakitakai'sakınnosuko spots'im: apatots'ik neto'yık ünninetoksıstotoyiuax Ap'ıstotokiua otsiprophetix. <sup>13</sup> Késtö'akauk ksök'kum ıstsıstısixipoku: atstosai'e umut'aiawxipi itsıx'ipokuyi, tsanıstapiu ksök'kum umutaiaksıtsısixipokuıstutusip? Matütokoapi'uats, ki aksıs'tapıxi, ki akıtsıautütsamıai'osi. <sup>14</sup> Késtö'akauk ksök'kum ıstün'natsii. Akap'ioyıs aitokittokhi netum'moyi matokotsıksısatıtop'ats. <sup>15</sup> Matap'pix matotstsım'axauaie anak'imatsıs mökıtsıtaıstakhtotosauaie assuyın'i, itai'süppatomiau itai'süpanakımatsoyi, ki matap'pix itsips'taupix napiyoys itokonnauan'akımaiau. <sup>16</sup> Neto'yık kitan'akimatsıs ıstot'ünnasayit matap'pix mök'itsınnıısau kitawx'ıstutusipists mök'ıtstsaküttoısaue kin'a spots'im. <sup>17</sup> Pinstak nimut'otopi nökıtünnıstupipotsısaı okök'itsımani, ki prophet ix otün' issuuı: nimatütoto'pa nökıtünnıstupipotsısaı, nimut'oto mökıtsıpanıı'ıstutusisau. <sup>18</sup> Kitau'münıstopuau spots'im ki ksök'kum otsauomai'ıtsınikasi, ki okök'itsımani otsıtsauomsüpanıstsıopi tük'skai sikük'sınakısin okök'itsımani itstsi'ipi mat'akıtsınikauatsaie. <sup>19</sup> Annök tukskai am'ostsim inüxe'poawsısts küttaı'aksıstutısmökaie, ki ai'aksıksınmatsokax matap'pix mök'staiıstutısaıxaie, ak'anıstainiköttau inüks'ısm spots' im; annök' ai'aksıstutısimests ki ai'aksıksınmatsokax matap'pix möks'ıstutısmests, ak'anıstainiköttau omük'sım spots'im. <sup>20</sup> Kit an'ıstopuau kitokömotıspaitappiisinni saiıs'tüpükuiıkhıssı Scribes ki Pharisees ot'okömotıspaitappiisıuěsts kimatakıtsıpipıuaıats spots'im ıstsın'naiisinni. <sup>21</sup> Kikai'okhtıpuau ükkaiiap'ix otan'ikoiau, Pinuye'nikik: ki annök'ai'akoyenikiuok ai'akesetsımaie okök'itsımani: <sup>22</sup> Ki kitan'ıstopuau annök' ksıstapıstsım'iüök ox'okoä ai'akesetsımaie okök'itsımani; ki annök' ak'anıstısuok ox'okoä Raca, aiakesetsımaie okok'itsımani: ki annök' ak'anıstısuok, kıtüt'tsapsı, ai'akesetsımaie Ghenni ots'tsıimıaie. <sup>23</sup> Puksıpıp'potomınikı kitak'ıksıstomütskotüksınni natoı'apıyoys, ki ıskısnım'ıñiki kixokoa kıtsıs'ıtsımmok, <sup>24</sup> Ün'nım altar ıstsskit' kitakıksıstomütskotüksınni, ki matskot'; matom'ots matsın'nüstseik ksısto'a ki kixokoa, ki tüm'ütsipıkuıspıput ki sakumüts'kotoat kitsıksıst'omütskotüksınni. <sup>25</sup> Kipınnüs'tseimıs kikakhtum'o, kitsakiokhpokau'pımoysi: kökstaiıstapıpiok au'kökıtsımai, ki au'kökıtsımai ök'stakotsei eeñake'nai, ki kitakıtsıps'tapıxi itai'ıñukiopi, <sup>26</sup> Kitau' münısto

kitsauomai'ponitatossi kitak'sakookotossi, kimataksuxpa. <sup>27</sup> Kikai'okhtsipau otanipuauests ükkaiiap'ix, Kimatakauökotapuaua: <sup>28</sup> Ki nestoa kitan'istopuau, annök' ūs'sümmiuök ake'uök mök'sta tossaie, ükaukhtauauökautättseuaie u'skëttsipöppi. <sup>29</sup> Kinet'oopspi itsuyisseeniki, sauau'tos ki mís'tüpapiksistsis: ökh'siu tüks'küma mök'saiänakuaiissi koöpspi, ökstaiis'tüpapiksits kostüm Gehenna. <sup>30</sup> Kinet'otsis itsuyisse'eniki kawksiinnit', ki mís'tüpapixit: ökh'siu tuks'kaii kotsis'i mök'saiänakuaiissi, ökstaiis'tüpapiksits kostüm Gehenna. <sup>31</sup> Ük'auanistop annök' aiaksiksiuatsiuök otokem'ani ünnianist'okotsis iksiuo'isänaksin: <sup>32</sup> Ki kitan'istopuau annök' aiaksiksiuatsiuök otokem'ani, otsauomauau'ökotasi, nokets'ınai otauökotäts'okaie; ki annök' aiakokkem'iuök otai'ksiuatai'isk itau'ökatau. <sup>33</sup> Stsik'i, kikai'okhtsipau otan'ipuauests ük'kaiiap'ix, kimataksiksistapatauuni'pa, ki, kitakitauanistau Ap'istotokiua kitatauün'issinni: <sup>34</sup> Ki kitan'istopuau, Pinüt'auünik; spots'im pinitüpütauünik; tük'ka Ap'istotokiua ospiso'pötsisaie: <sup>35</sup> Ksök'kum pini'üpütauünik; itsissuikau'piu: Jerusalem pini'üpütauünik; tükka Omüx'ina ot'akapioyimaie. <sup>36</sup> Kimat'akitüpütauunipa kotokön', kimatkotsiksixstutispats nitu'kuyekai ki kimatkotsiksixstutispats. <sup>37</sup> Ki anik' A, A; Sa, Sa; mato'ketauanieniki, mat'ökhsiu. <sup>38</sup> Kikai'okhtsipau, ük'auanistop sauau'toainiki moöps'pi, kitak'okötanistotoko: ki sauau'tsiminiki mokhpe'kinni, kitak'okötanistotoko. <sup>39</sup> Ki kitan'istopuau pinstsimmim'motsemis sauum'itsitappiuä: ki annök' kitakauaiak'iokök kitsets'stoksits matoko'tsits ki mat'stoksits'. <sup>40</sup> Ki matap'pi makitotsissip'puyissaie au'kökitsimaii, ki stakhts'isokösim mök'otsisaie, mat ün'nistotsis kisau'tütsisokösim. <sup>41</sup> Ki annök' kïtsitappa'atsokök tuks'ka üskskak'sinni, pokom'is na'toki iskskaksinni. <sup>42</sup> Annök' kitau'kömönikök, ko'tsis, ki annök' kitai'akükkumatükok, pino'tükaatsis. <sup>43</sup> Kikai'okhtsipau ük'auanistop kitak'ükömmimmau kitopokau 'pimokä ki kitak'aukimaukikakhtum'o. <sup>44</sup> Ki kitan'istopuau ükomim'misau kikakhtum'ix, Atsim'mimmisau anniks'isk matap'pixk kitai'pakosinikokoauaxk ökhs'istutossau anniks'isk matap'pixk kitse'ksistotokoauaxk, ki aua'tsimoiikatomosau anniks'isk matap'pixk kitse'ksistotokoauaxk, ki kitai'kimsatsistotokoauaxk; <sup>45</sup> Kokaukosimmi'issuai Kín'oau spots'im: tük'ka ikkünats'iuiae natos'i sauum'itsitappix ki ökh'sitappix, ki soio'tümstuyiuax moköm'otsitappix ki sau'okömotsitappix. <sup>46</sup> Ukomim'mainoainikiau anniks'isk matap'pixk kitük'omimmokoauixk, tsaak'anistappiuats kisa'kinosuai? Kütтомün'istauükömmotsein'axau publicanix? <sup>47</sup> Ki namiksematsim'mainoainikiau kixokoax, tsanistapiu'ats kumutaumotsapiau stsik'ix? Kütтомün'istaiksematsimmotseiu'axau publicanix? <sup>48</sup> Ki süp-puiap'sik manist'süppuiapspi kín'oau spots'im.

## 6

<sup>1</sup> ISKSKATS'IK kökstau'kömmotsitappiuai matap'pix kökainu'yissi; ikümits'tsiki kín'oau spots'im kimataksakinosükoauats. <sup>2</sup> Mak'aumütskotükkieniki pinik'it manistsik'ipi aiksistapokömotsitappikasix itai'puyissax natoi'apioyists ki moksoku'ists, matappix möksinnu'yissax. Kitau'mün'istopuau sakino'sattaiau. <sup>3</sup> Ki aumüts'kotükkieniki pinsksinisi' i'aksissautsits kinet'otsisi otai'istutspip; <sup>4</sup> Möksisimis'si kitaumüts'kotüksinni; ki Kín'a, aisimmiüs'süppiuök, kitaksinnoam'sakinosük. <sup>5</sup> Ki atsimoi'ikainoeniki pinet'omanistsik aiksistap'okömotsitappikasix: otük'ometsimanoiau mökauatsimoiikasau otsitai'puyisau natoi'apioyists ki moksoku'ists itsi'kokeists, matap'pix möksinnu'yissau. Kitau'mün'istopuau, sakino'sattaiau. <sup>6</sup> Ki Ksësto'a, a'tsimoiikainiki, ıstsipi koko'ai, okim'iniki, a'tsimoiikamis kín'a ai'simmiapsiuä; ki kín'a, aisimmiüs'süppiuök, kitaksinnoam'sakinosük. <sup>7</sup> Ki atsimoi'ikainoeniki piniksistape'puawtsits, manistaiksistapepoattopiauiae saie'tükkix: tük'ka

ūs'taiāu ak'aiokhtokiau otakai'puyiissau. 8 Pinet'omanistsik, tükka Kin'oau īksinim'ests kitsipu'īnakitsipists kitsauomauan'istopi. 9 Ūn'anistütsimoiikak: Nīn'an spots' im kitsitau'pipi, ūnanistatsim'metsis kitsin'ikōsim: 10 Ūnanisto'tos Kitotūmap'sinni: spots'im Kitsitsi'tan kanis'tutsipi, annom' ksük'kum noküt'anistutisit: 11 Annok' ksistsiku'ik nokkok'inan aa'u'össin: 12 Ki unniksksinīt'au nitsauum'itsitappiisinanests, manistüs'ksinoawpi anniks'isk matap'pix nitsauum'itsistotokinanixk: 13 Ki pinistskim'ükinan, ki nokitsikömotse'piökinan Sauum'itsitappiuă; kitusk'sainaniau nīn'naiisinni, ki otünmap'sinni, ki istsapina'sinni. Amen. 14 Unniksksinno'ainoeniki matap'pix otsauum'itsitappiisuauests, Kin'oau spots' im kitak'oksksinokoau. 15 Ki sauok-sksin'ainoemki matap'pix otsauum'itsitappiisuauests, Kīn'oau Spots'im kimatakoksksinokoau'ats. 16 Küttaioyienoeniki pinomüs'süppik manist'omüssüppipiau ksistapokömotsitappikasix: tükka iksistuts'imiau ostokso'auests, matap'pix möks'ksinoösax küttaau'yiau. Kitau'münistopuauuk'otsimiau saiakinosattopiau. 17 Ki ksēsto'a, küttaiau'yeniki pu'ikiniit, ki issis'kiosit; 18 Matap'pix kökstai'īksinokiau kikütauyi, köksksinnu'yissi Kīn'a aisimmiüssüppiuă: ki Kīn'a aisimmiüs'süppiuă kitaksinnoam'sakinosük. 19 Pinaumoi'potosik akau'tsapsinni annom' ksök kum, apün'ix ki apissu'yei otsits'oyipi, ki küm os'iepitsix otsipis'sax ki otsikömos'sax: 20 Ki aumoi'potosik akau'tsapsinni spots'im, apün'ix ki apissu'yei otsitsau'oyipiau, ki kōmosiepitsix otsitsauaisisüppokatün'akiapiau ki otsitsauai'kōmospiau: 21 Itstsi'piau kitsinan'ists, ūn'nimauk ku'skëttsipöppi. 22 Mostüm'i ista'natsii moöps'piina; nituks'küssi koopspis, kostüm' ak'otuitsiu anat'sii: 23 Ki koöps'pi minix'issi, kostüm'i ak'otuitsiu ski'natsii. Anat'sii annik'i tsispsts'tsiik kostüm'i ski'natsissi maum'aumüko ski'natsinni! 24 Tuksküm matap'pi matokotsapotomoyiuatsax na'tokümix nīn'ax: aksikümokkimi tukskum ki aks'ikümükommimiu stsik'i; akiküme'eniu tuks'küm ki aksiküm'istsimmimmiu stsik'i. Kimatokotapotomoauaxau Ap'istotokiua ki sauum'itsitappiuă. 25 Unnikaie kitan'istopuau pinap'itsitatoat kitsipai'tappiisinni kitaks'oattoppi ki kitak'simattoppi: ki pinap'itsitatoat kostüm'i kitai'aksüpksawsattoppi. Tse'ka isskits'tau opai'tappiisinni ki aa'u'össin, mostüm'i ki istotos'ists? 26 Süm'mokau paitotax: mat'omaiinsimmauaxau ki matomaipokiakuaxau, ki matomaumoipotükki'axau īnsim'apioyists; ki Kīn'oau spots'im ai'lissoyiux. Tükka' isskits'tau, ksēsto'a ki osto'auai? 27 Ūs'tainoeniki kök'spitappiisuai, tsiksım a' ak'aatspitappiui? 28 Kumauk'apaitsitatoppuaisksistsaii istotos'ists? Sat'sikau anat'suiopokists itai'suskiau; matapotükkiu'astsau, matapis tutükkiu 'ästs'au istotos'ists. 29 Ki kitan'istopuau Solomon ottsap'istotossi mat skit stom'atsests annists'isk suio'pokistsk. 30 Is'totosatstopiests saiüs'kiysts manistis'totosatstopiests annists'isk annok' ksistsikuik na'paitappiisk ki apinök'wisi apittüp'apixipiau istsi'i: kiküttomaiakstaiisttüpistotosatskokoauats, kitsenük'aumaitükkipuau. 31 Ūn'nikiae pinapai'tsitatoak kök'anissuai Tse'a nöks'auattopinan? Ki, Tse'a nök'simattopinan; ki; Tse'a nöks'istotosattopinan? 32 (Tük'ka annists'isk, Gentiles ap'üssatsim'ests:) Kīn'oau spots'im īksinim'aie kitsim'mükitatosests. 33 Ki Matom'apsatsik Ap'istotokiua otsin'naiisinni ki otokömotsitappiisinni ki annists'isk kitak'ütokönokokests. 34 Ūn'nikiae pin ap'itsitatok apinok'wis; api'nok'wis ak'apitsasiu. Tuks'kai ksistsikui, maka'pi sup'anistsiu.

3 Ki kumauk'satsiks kēskūn' osūppa'kōmosinni, ki kimatstatopats kitomūksūppa'kōmosinni? <sup>4</sup> Ki kiküttaukot'anistau kēskūn' nōk'sauautsissi kitsūppa'kōmosinni; ki sat'sit, omük'o kitauūtsūppa'kōmosinni? <sup>5</sup> Kitsiksistapo'komotsitappiansi, Matom'-sauautsitsit kitomük'sūppakōmosinni, ki kitakotūmsokapsatsip kōksauautsissi kēskūn' o sūppa'kōmosinni. <sup>6</sup> Annists'isk natoap'istsk piniko'tokau imitax, ki pearls pinitüp'istüpapixikau ak'sinix, öksikkümitauau'ōkaiau ki akotümotükau'ayiau ki kitak'otümsixipok. <sup>7</sup> Anik: ki kitak'okoko; apsatsik, ki kitak'okonip; istok'iakik, ki kitaksikauai'pixik. <sup>8</sup> Anniks'isk matap'pixk au'kōmōnixk au'kuyiau; ki annök' ap'satsimök, au'konimaie: annök istok'iakiuöök, otak'sikauaipixikaie. <sup>9</sup> Tükka' nín'naua, auköm'önistüssi okku'i napaien, aiakokotsiuaiokotoki? <sup>10</sup> Ki auköm'önistüssi mammi', aiakikotsiuaiokotosi? <sup>11</sup> Ksěsto'au, kitsauum'itsitappiipau, isksinim'enoainiki kōk'okotosuai ko'kosoauax ökh'sists, Kín'oau spots'im küttomaiakokotsiu'atsax ökh'sists anniks'isk matap'pixk otau'kōmōnikixk? <sup>12</sup> Kanist'sitsitatopnai matap'pix kōkünistsitsitaiissuaiau, kitak'ünistsitsitattaiau: ünnianistap'piu okök'itsimani ki prophetix otse'puawsuai. <sup>13</sup> Apüt'okitsimi pi'ik; sokokit'simi apük'oksokui itüp'itsiau akotap'sinni, ki akai'tappii itsipim'ix: <sup>14</sup> Annik' kītsim'ik, ki annik' moksoku'ik itüp'itsiikiau opai'tappiisinni, aput'itsiau; ki unna'tsitappii ikon'imix. <sup>15</sup> Stim'nokau ksīs'tapatoiapiekuax kit'sitotaakixk emük'ikinaistotosixk, ki o'pistokini itapis'onotsiau. <sup>16</sup> Kit-aks'ksinoiau otsin'asoauësts. Matap'pix küttomautuyiu'atsauax ksissi'ix mǐn'ists, ki ksīs'tapsüskiists küttomautsím'axau figs? <sup>17</sup> Neto'i kōnai'ökhsistsix ai'ökhsinasiau: ki makap'istsix makap'inasiau. <sup>18</sup> Ökhsistsis matokotokapinasiu'ats, ki makap'istsis matokot'ökhsinasiuats. <sup>19</sup> Kōnai'istsix küttaökhsinasiix kakiok'au, ki is'tsi itsis'tüpapiksistaiu. <sup>20</sup> Ün'nikaie kitaks'ksinoiau otsin'asoauësts. <sup>21</sup> Kōnai'tappixk nitan'ikixk, Nin'a, Nin'a, matakokonitaipim'axau spots'im ists'in'naiisinni: annök' ap'istutsimök Nin'a spots' im otsitsi'taniaie, ai'akitsipim. <sup>22</sup> Annik' ksistsiku'ik akai'tappii nitak'anikiau, Nin'a, Nin'a, niküttomaisitsipspinanats kītsin'ikösim? Ki niküttomaisuskounaniauaxau sauum'itsistaawx kītsin'ikösim? Niküttommutaipissatskaspinana kītsin'ikösim? <sup>23</sup> Ki nitakotümanistaiau, kimats'ksinopu aua; Mǐstüpa'akik, ksěsto'au kitsauum'itsistutsipuaii. <sup>24</sup> Annök' aiokh'tsimiuöök annists'isk nitse'poawsistsk aks'istutsiu mokökiiñ'ai annök itokhit'okoiskauük ok'otoki: <sup>25</sup> Ki ai'sotau, ki ai'sauksikimskau, ki ai'sopu, ki annik' napioyis itot'suppu; ki matsistokhopiu'ats; tük'ka, itokhit'okoiskauük ok'otoki. <sup>26</sup> Ki annök' aiokh'tsimiuöök annists'isk nitse'poawsistsk, ki matsistutsim'atsests aks'istutsiu mattsapsin'ai, annök' itokhit'okoiskauük spōts' ikui: <sup>27</sup> Ki ai'sotau, ki ai'sauksikimskau, ki ai'sopu, ki annik' nap'ioyis itot'suppu; ki istokhopi'u; ki omük'o otsis'tokhopiisinni. <sup>28</sup> Ki ün'nitsiu, Jesus otaiksiste'poattosësts annists'isk epo'awsistsk, matap'pix skaie'tükkiau otsksinimats'tüksinni; <sup>29</sup> Ototümap'sinni itüs'ksinimatsiuax, ki sinak'ix manistüs'ksinimatsawpiax, matüsksinimatsiu'atsax.

## 8

1 OTSİN'NİSAATOSSI nitum'mo akai'tappii itopokiuo'iauaie <sup>2</sup> Ki, satsik, nínuau leper otsittotaakaie ki otsit'atsimmimmokaie, Id otsit'anikaie, Nin'a, atsi'tatominiki kitokotsiksixistotok. <sup>3</sup> Ki Jesus itsau'ksikinstsiakiu, ki itsixen'iauaie, ki an'iu, nitak'anistutsip; ksiksit'. Ki soksiksik'siuiae. <sup>4</sup> Ki Jesus anistsiuiae, Sat'sit, pinaiitsinikos matap'pi; mǐs'taput, annis'tsinnosattsis natoi'apieküün, ki aniiik' otan'ipik Moses issa'kumütskotoat möks'ksiniīsau. <sup>5</sup> Ki Jesus otsito'taipiissi Capernaum, eën'aken'ai otsitto'taakaie, ki otau'kōmōnikaie, <sup>6</sup> Ki otan'ikaie Nin'a, anrök' nitapotomokök noko'ai itsis'tokhaitsiu, ai'papuyiu, eks'kaaipuinum. <sup>7</sup> Ki

Jesus an'istsiuiae, nitak'ittappo nitak'okuttutoau. <sup>8</sup> Eénaken'ai an'istsiuiae, Nin'a, nimat'sipumapspa kökitsipissi noko'ai: kakse'puyit, ki annök' nitapotomokök ak'okuttutoau. <sup>9</sup> Něsto'a nitap'otomoki, ki eën'akex nitap'otomokiau; ki nitan'istau am'ok mís'taput, ki ai'istapu; ki nitan'istau stsík'i, puk'siput ki ai'paksipu; ki annök' nitap'otomokök nitan'istau, am'oi ünnianis'tutsit, ki au'anistutsimaie. <sup>10</sup> Jesus otokh'tsimsaie, skai'etükkiu, ki an'istsiuax anniks'isk matap'pixk ipokiuo'ixk, Kitau'münistopua manist'omükopi otaumai'tüksinni nimatünistokonip'ats Israel istauösin'im. <sup>11</sup> Ki kitan'istopua akai'tappii umutautstsipi apinök'kuyi ki otsit'tistükköpiti ak'ütotoiau, ki akopokau'pimiuax Abraham ki Isaac ki Jacob spots' im istsin'naiisinni. <sup>12</sup> Ki nín'naiisinni istokos'ix ak'satüpiksistsiuax ski'natsii; annim asain'sinni ki satse'kinan ak'itsiiian. <sup>13</sup> Jesus an'istsiuiae eénaken'ai mís'taput, kanist'aumaitükköpiti kitakünistttutoko ki annök' otap'otomokök itsok'okuttutoau. <sup>14</sup> Ki Jesus otsitsipissaie Peter oko'aiae, nannuyiuiae otokem'ani o'ksistsiaie itsis'tokhaitsiinaie, ai'okhtokim püs'tsimesinni. <sup>15</sup> Ki kaien'imaie otsissi, ki püs'tsimesinni itskimaie: ki itsipuau', ki ito'yiuax, <sup>16</sup> Autükkus'si ito'tsipotuyiuaie akai'tappiau sauum'itsistaawx pakh'tokinattsiikiauax: ki otse'poawsinni itsa'tüpiksistsiuax staawx, ki ikut'tutuyiuax ikönai'okhtokosix: <sup>17</sup> Möks'enüpanistosi otan'ipiae Esias prophet, ki an'iu, Osto'i mat'simësts kïtsauüt' tsikotsapsinunists, ki ipa'tomësts kitokh'tokosinunists. <sup>18</sup> Jesus otsinno'össax akai'tappiix oto'tüksipuyimokax, ikök'itsimau mök'opümmosau. <sup>19</sup> Ki tukskümäni aisinaki'ina itoto'yinaie ki an'istsiuiae, Nin'a kitak'ittappopi nitak'opokiuo. <sup>20</sup> Jesus an'istsiuiae, ota'tuyix au'öttsimaniau, ki paui'tax au'yiiiau; ki Nín'nau okku'yi matsistokhotom'atsaie otokön'. <sup>21</sup> Ki stsík'i otüksinimats'aie an'istsiuiae Nin'a, nök'otomitappo nök'akitsösi nín'a. <sup>22</sup> Ki Jesus an'istsiuiae, súppa'kit; ki enix ünanistak'itsösauax enix. <sup>23</sup> Ki otsüppopis'si akh'iosatsüs, otüs'ksiñimatsax ipokitsüppo'piiay. <sup>24</sup> Ki satsit iek'opaikimskau, ki ai'sikopaikimskau akh'iosatsüs; ki ai'okau. <sup>25</sup> Ki otüs'ksiñimatsax otsit'totaakikax ki otsitsiksekenokikax, ki an'istsiikiauaie, Nin'a kömotse'piokinan: nitaks'inetspinan. <sup>26</sup> Ki an'istsiuax kumauk'sikopupuauaisks kitsenükumaitükkipuan? Itümit'sipuau, ki ai'sitsipsattomësts sopu'ists ki pai'kimskaiists; ki ikönau' maitsiests. <sup>27</sup> Ki nín'ax skai'etükkiu, ki an'iau, Tsökhtanistap'inanökhtaute, sopu'ists ki omük' sikimi manistse'tokësts? <sup>28</sup> Ki otopümmo'si Gergesenes istauösin'im ito'tatsemiauaie natsitappii sauumitsistaawx pakh'tokinattsiikiax, aken'imanists itsüxi'ax, eks'kainixiikiax, matap'pi matokottotsitsko'pats. <sup>29</sup> Ki satsit, aiskose'puyiau, ki an'iau, Tsaakanistappikitsimattopinan, ksësto'ä ki nëstünan, Jesus, Ap'istotokiuä okku'yi? Kiküt'tautotopa kökkitsikimatsistotoksinan otsauomo'tosi itaiksistsikumiopi kök'kitsikimatsistotoksinan? <sup>30</sup> Ki Pistsíksi'pio akaiëm ak'sinix itau'yiau. <sup>31</sup> Ki sauum'itsistaawx au'kömöniestsiauaie ki an'istsiauaie, saiai'pixikinaniki, nök'itsipisänaniau ak'sinix. <sup>32</sup> Ki an'istsiuax kükku'. Ki otsüksax, ak'sinix itsipim'iax: ki, satsit, könak'sinix itsin'aukskasiau inno'tsistüppakui, ki omük'sikimi suioks'kasattomiau, ki inets'iau. <sup>33</sup> Ki anniks'isk matap'pixk üsks'kümiiskax itsis'tüpaukskasiau, ki akap'ioyis itsipim'iau ki ai'itsiniköttsiauax, ki anniks'isk matap'pixk pakhtokkinattsixk sauum'itsistaawx mats'itsinniköttsiauax. <sup>34</sup> Ki, sat'sit, Könai'tappix ikönai'süxkitsimiau akap'ioyis mökittotatsemösau Jesus: ki otsinno'össauiae, au'kömöniestsiauaie möks'istapusaie otau'össuai.

## 9

<sup>1</sup> Ki itsüppo'piu akh'iosatsüs, ki ito'pümmo ki otautakap'ioyim ito'to. <sup>2</sup> Ki, sat'sit, itotsip'iauaie nín'nau, ai'pakhpuyiu, istokhai'tsiu üksin': Ki Jesus otsinis'siae otaumai'tüksuiaax anistsiuiae ai'pakhpuyiuä, Noko'a, ökh'sitükkit;

kitsauum'itsitappiisists īksśinip'iau. <sup>3</sup> Ki, sat'sit, stsčik'ix ai'sinakix īstai'au am'o (nin'nau) makapie'puyiu. <sup>4</sup> Ki Jesus īksśinim'ests otūs'tapauaests ki an'iu, kumauk'itsitatopuauaisks maka'pi ku'skēttsipöppuauaests? <sup>5</sup> Tsim'a ksistspa'pi, kōk'ansi, kit sauum' itsitappiisistsksśinip'iau; ki kōk'anisi, Nipuat' ki auōkat'? <sup>6</sup> Ki kōks'ksiniisuai Nin'a okku'yi ikōts'ksinim'ests sauum'itsitappiisists annom' ksökkum (itūm'anistsiuiae aipakhpuyii) Nipuat', matsit' kitük'sin, koko'ai is'taput. <sup>7</sup> Ki itsipuau' ki oko'ai itsitap'po. <sup>8</sup> Ki akai'tappiisists otsin'sax, skai'etükkiau, ki a'tsimmimmiauaie Ap'istotokiua annök' ikotsiu'ök matap'pix otūmap'sinni. <sup>9</sup> Ki Jesus otaumatto'si, nannuyiuuaie nin'nau, an'istau Matthew, itaupii'īnai itai'ponitatopiaie, ki an'istsiuiae Sūppa'kit. Ki itsipuau' ki pokio'attsiuiae. <sup>10</sup> Ki ūn'niitsiu Jesus otsitsips'taupissi nap'iyōs, otau'yissi, sat'sit akai'tappiiau publicanix ki sauum'itsitappix, itsito'taipimiau ki ipokau'pimiauax (Jesus) ki otūs'ksinimatsax. <sup>11</sup> Ki Pharisees otsinno'ōssax, itūnis'tsiauax otūksinimats'axaie. Kitsin'aimoau maukopoks'oyimiax publicanix ki sauum'itsitappix? <sup>12</sup> Jesus otokh'tsisaie, an'istsiuax, anniks'isk matap'pixk ikut'totoaxk matsimmuki tappi'uaxau assokinakki, anniks'isk matap'pixk ai'okhtokosixk kīmük'ittappiiau. <sup>13</sup> Is'tapuk, ūs'ksinik mani'stap'ipi, nitōkh'sitsip kīm'apiisinni, ki nimatōkhsitsipats ikit'stūksinni: tük'ka nimat'ütotopa nōk'ainiköttosau mokōm'otsitappix möks'isauaitsitasau, sauum'itsitappix nimut'oto. <sup>14</sup> John otūs'ksinimatsax otsitūm'ittotaakax, ki an'iau, Tsanistapiu'ats nimutsauau'yipinan nestün'an ki Pharisees, ki kitūksinimatsax küttaisauauyu'axau? <sup>15</sup> Ki Jesus anistsiuax küttaukotau'yesiuaxau man'okkemiuök oko'ai istokos'ix, itsa'kiitawpissi man'okkemiuök? Ki annists'isk ksistsiku'ists ak'otoiau man'okkemiuök otai' akitotoawpistskiae, ki akotūmsauau'yiau. <sup>16</sup> Kimatanipsospau makap'isokösists; annik' psak'sinik aksokskipinikau ki saku'apinikan aksistüpapinikau. <sup>17</sup> Matap'pix matomaisüppasuyinim'ests mani'ists mīn'iokkeists ükautokeissuyinists, öks'kakümipinikau ük'autokeissuyinists, ki mīn'iokke ak'saikimsskau, ki aks'iksistsuyinasiau: Manin'iokkeists itsüppa'suyinimiau man'otokeissuyinists ki ai'aketöksiau. <sup>18</sup> Otsakiaisitsip'sattosax annists'isk epo'awsists, tukskūm'īni eenakin'ai itoto'īnai ki a'tsimmimmiaue, ki an'iu, Nitün'na ük'ainiu; puk'siput ki kotsis'i tsixen'is, ki aks'ipui tappiu. <sup>19</sup> Ki Jesus itsipuau', ki itopokom'iuiae, ki otūksinimatsax mat'opokomiauaie. <sup>20</sup> Ki sat'sit ake'uā, au'atūnikau ūksaumawksaikimskau otok'tokossinni na'tsikoputtuyi stuyi'ists, itsüp'paatsiuiae, ki itsix'enimaie opekakün'īmaniaie: <sup>21</sup> Tük'ka, ūs'tau, ksen'īminki opekakün'īmani, nītak'okuttotoko. <sup>22</sup> Ki Jesus ito'tükka; ki otsinno'ōssaie, itūni'u, Nitün'na, ökh'sitükkit, kitaumai'tüksinni kumut'okuttotoko. Ki ake'uā annik' itokut'totoau. <sup>23</sup> Ki Jesus otsitto'taipiisi eenakin'ai oko'ai, ki otsinno'ōssax au'yesix ki matap'pix eis'tsekiniu, <sup>24</sup> An'istsiuax, anis'tapaauk, ake'kuün matseniu'ats, ai'okau. Ki itai'īmiauaie. <sup>25</sup> Ki otsis'tüpskoōsax matap'pix, itsipim, ki ito'tsimaie, otsis'aie, ki ake'kuün itsipuau. <sup>26</sup> Ki otap'istutsipi, annik' auōsın'ik, motüs'ksinipaie. <sup>27</sup> Ki Jesus otsistüpamatta'atossi, na'tokümi naps' tsix nin'ax ipokiuo'iax, ki aisokse'puyiax ki an'iau, David okkui', Kīm'okinan. <sup>28</sup> Ki otsitsipis'si nap'iyōs, naps'tsix itoto'īliauaie: ki Jesus an'istsiuax kikütau'maitsipuan nōk'okotünistutsis? An'istsiiuaie A, Nin'a. <sup>29</sup> Itūm'itsixeniuaax oöps'puauax, ki itūni'u, kanisto'maitsipuai, ünnianistsis'. <sup>30</sup> Ki itsikau'opiii oöps'puauax: ki Jesus saiemiuax mōkstanis'tosax matap'pix. <sup>31</sup> Ki ostoa'uai, otsis'tapusau ikönai'tsinnikoyiauax matap'pix annik'auōsın'ik. <sup>32</sup> Ki otsüksax, sat'sit ito'tsipiauaie küttaiai'puyiau sauum'itsistaaw pakto'kīnattsiuaie. <sup>33</sup> Ki sannm'itsistaaw otsai'piksistössaie, küttaiai'puyinä itse'puyiu: ki kōnaitappix skai'etükkiau, ki an'iau, matsikainip'ats Israel īstauōsın'im. <sup>34</sup> Ki Pharisees an'iau sauum'itsistaawx otsin'aimoauai itai'saipiksistsiuaax sauum'itsistaawx. <sup>35</sup> Ki Jesus

itap'auauōkau kōnau'akapioyists, ki inūk'akapioyists, ki itūs'ksinimastokiu ota'toapiyimoauests, ki ai'semokiu nin'naiisinni īstōkhs'itsiniksinni, ki ök'kuttutsimests matap'pix otokönai'oktokosuauests ki otokönau'atūnikauests.  
<sup>36</sup> Ki otsinno'ōssaie otappiisìn'na, kaiim'iuaie, tükka ūs'tsimsiu, aneto'manistau'anetopiax emük'ikinax saiits'tsissi ūsks'kümokiuă. <sup>37</sup> Ituman'ītsiuax otüsksinimatsax, akauo'yi insin'manists, ki ap'otükkix unna'tosimiau;  
<sup>38</sup> Atsim'oiiküttok īnsim'manists ītsin'nau mök'itüpskoösax otinsimmanists apotükkix.

## 10

<sup>1</sup> OTSIPUK'SÜPINNIKÖTÜSAX na'tsikoputtsiau otüsksinimatsax, ikotsiu'ax otuma'sinni mök'saipiksistosauax sauum'itsistaax, ki mok'ökuttutsisax amian'īstokhtokosists ki amian'īstatünikests. <sup>2</sup> Na'tsikoputtsixk itoköt'tsiuax otsin'ikösoauests am'ostsiaukiests; Matom'itappiu, Simon, mat'anistau Peter, ki Andrew oskün: James, Zebedee okku'i ki John oskün'; <sup>3</sup> Philip, ki Bartholemew; Thomas, ki Matthew, annök' publicanök; James, Alphæus okku'i. Ki Lebbæus, mat'anistau Thaddæus; <sup>4</sup> Simon, Canaanite; Ki Judas Iscariot annök' aien'üpänistsiuökaie. <sup>5</sup> Anniks'isk natsikoputtsixk Jesus itoköt'tsiuax ki saiem'iuaax ki an'ītsiuax, Gentiles oksoku'auests pinitap'pok, ki Samaritans otakap'ioyimoauests pinüt'sitsipik: <sup>6</sup> Ki Israel oko'au otomük'ikinaumix ats'ax īs'tapuk. <sup>7</sup> Ki auau'ökainoniki sem'okik, ki anik', spots'im ītsin'naiisinni aststsisi'. <sup>8</sup> Ai'oktokosix kut'tutokau, leperix īssin'nomokau, enix' nipua'atsokau, sauum'itsistaawx sai'aipiksistokau; Kitsiksist'okoko, ksistoko'tükkik. <sup>9</sup> Gold ki silver ki brass pinitsüp'pitükkik kitsitai'süpopumatsopuauests, <sup>10</sup> Assuia'tsiman pinots'ik aumatto'ainoainiki, pinots'ikau na'tokaists spiks'isokösists, ki a'tsikists, ki otoats'ists; ap'otükkiuă ak'otsimaie otso'ösin. <sup>11</sup> Annik' akap'ioyisk kitai'akitsipipika sūppo'öttsesatsik annok' oks'apsiuok; ki annim' stau'pik kitsauomai'sükskitsissuai. <sup>12</sup> Ki pim'īnnoainiki nap'ioyis, ksematsim'attok. <sup>13</sup> Ki ökhs'issi nap'ioyis ünnianistsito'tos kitsin'nüstseisuauests; ki sauökh's'issi ünnianistsska'atok kitsin'nüstseisuauests. <sup>14</sup> Ki annök' kiküt'tautokök, ki küt'tauotsimikök kitse'poawsists, sükskitsim'īnnoainiki annik' akap'ioyisk sostsik'asattok. <sup>15</sup> Kitau'münistopuau akök'itsimaiksistsikuik Sodom ki Gomorrha ak'skitstom annik' akap'ioyisk. <sup>16</sup> Sat'sik emük'ikinax mís'tüpskoawkiapis'ix neto'yik kanistsis'tüpskopuau: mokök'ik manistsokökipi pitse'ksinax, ki īkkinaps'ik manistik'kinapspı kükku'ix, <sup>17</sup> Ki ūsks'kümokau matap'pix; kitakaumüts'kaukoau akök'itsimani, ki otatoi'apiyimoauests kitakitaipstüsistsipis'okoau; <sup>18</sup> Kinin'ax ki omux'īnax kitakittüp'p'okoai, něsto'a kumut'aiakaitüp'piokoai, kökkite'nüpanistosau ki Gentiles. <sup>19</sup> Ki aumüts'kaukuīnnoainiki pinstak kökünistse'puyisuai; annik' kitak'okokoau kitai'akanipuui. <sup>20</sup> Kimats'epuyipuau, Kín'oau osta'aw ksěsto'au itsipstai'puyiu. <sup>21</sup> Ki umu'pappiipi akumüts'kaiuaie umu'pappiipi moks'einsi, ki nin' a akumüts'kaiuaie okku'i; ki pokax aksenüpanistaiau un'oauax ki oksis'toaauax moks'enitösauax. <sup>22</sup> Ki kōnai' tappix kumut'akaukimokoiau něsto'i; ki annök' eikak'imaük umuts'ipaitappiuaspi akitsikömötse'piauaie. <sup>23</sup> Kim'atsistototsenoainiki tuks'kai akap'ioyis, mís'tüpokskasik stsik'i: kitau'münistopuau kimatakokönitopuau Israel īstokönau'akapiyists otsauomai'akotosi Nín'au okku'i. <sup>24</sup> Ūsksinimats'au matskitsimiu'ats otüsksinimats'tokiuă, ki apotük'kiuă matskitsimiu'ats otsin'aim. <sup>25</sup> Ökh'siu ūsksinimats'au mōketüm'anistsau otüsksinimats'tokiuă, ki apotük'kiuă mōketüm'anistsau otsin'aim. Anistsin'niköttusaiae nap'ioyis otsin'aim Beelzebub, ak'staiianistsiniköttaiau itsipstaupixk oko'ai? <sup>26</sup> Pin stün'nokau; matsekipats

akstaisaiipasokinn̄s; matsitsiks̄'pats ak'staisaiīks̄nīs. <sup>27</sup> K̄tse'its̄nikopuasi' natsii matai'its̄nikok ks̄istsiku'inatsii: ki kitai'okhtsipuai kotokh̄'suai, sem'ik spots' im nap'ioȳsts. <sup>28</sup> Ki pinstūn'nokau anniks̄'isk akenitomixk mostūm', ki sta'aw matokotseñtsiau'ats: stūn'nok annök' i kots'en̄ts iuökax mostūm' ki staaw stakhts'im. <sup>29</sup> Natokümix s̄istsix küttonǖtaiponita'atsax nitsipün'asaini? Ki tuks'küm matakittotstsiu'ats ks̄ök'kum sauüs'ks̄inoüssi Kin'oau. <sup>30</sup> Kitoku'yikins̄sts ikönüks'topiau. <sup>31</sup> Piniko'puk; kitots'itskükaiixkümipuau akaīem'ix s̄istsix'. <sup>32</sup> Annök'aie'nüpänītsiuȫk matap'ii n̄esto'i, osto'i nitaks'enüpänīstau n̄in'a spots'im. <sup>33</sup> Annök' n̄it'saietokök matap'piuȫk, osto'i n̄itak'saietoau n̄in'a spots'im. <sup>34</sup> Pinstak nimut'oto innǖst'sinni nökitsit'apixīīs̄ ks̄ök'kum: nimat'otopa nökitsit'apixīīs̄ innǖst'sinni, innu'stoan nimut'oto (nökitsit'apiks̄istos ks̄ök'kum). <sup>35</sup> Nimut'oto n̄in'au ki un'ni mök'itsipots̄s̄immotsēsau, ki otün'ni ki oks̄'tsi, ki äum'si ki maawks'i mök'itsipots̄s̄immotsēsau. <sup>36</sup> Ki n̄in'au aks'ikatumǖmmiuax otopokau'pimix anniks̄'isk matap'pixk oko'ai itsipsts' taupixk. <sup>37</sup> Annök' aīs'tüpükȫmimmiuȫk un'ni n̄esto'i nimatokotsinanük'ats: ki annök' aīstüpükȫmimmiuȫk oku'yi ki otün'ni n̄esto'i nimatokotsinanük'ats. <sup>38</sup> Ki annök' sauots'issi otauiñan'i sauopokiuo'osi n̄esto'ä, nimatokotsinanük'ats. <sup>39</sup> Annök' ikon'ämök opai'tappiisinni, ak'atstomaie; annök' at'stomök opai'tappiisinni, n̄esto'i itat'stomaie, ai'akokonimaie. <sup>40</sup> Annök' k̄ito'tokök nito'tok; ki annök' nito'tokök ito'toyeuiae annök' nitse'tokükök. <sup>41</sup> Annök' ito'toyeuök prophet otsiprophetisaie otak'okuȳssi prophet osa'kinosinniaie; ki annök' ito'toyeuök moköm'otsitappiuä oto'kömotsitappiisae, otak'okuȳssi moköm'otsitappiuä osa'kinosinniaie. <sup>42</sup> Ki annök' ai'akutükkuyiuȫk sto'kimi tuks'küm anniks̄'isk inüks'tsimixk otüs'ks̄inimatsȫssaie, kitau'mün̄stopuau matakatstom'ats osa'kinosinniaie.

## 11

<sup>1</sup> KI un'niniitsiu otai'ks̄istanistössax na'tsikoputsix otüsks̄inimats'ax itsistüpa'atomaie möküsks̄inimatstoksi ki mökatsim'semöksi ot'akapioyimoauësts. <sup>2</sup> Annok' John itsipsts'taupiissi itai'okiakiopi otokh'ts̄ests Christ oiapistutsipists'aie, itoköt'tsiuax na'tokümix otüsks̄inimats'ax, <sup>3</sup> Ki an'istsiuiae, kikütami'pa annök' aiakoto'ök, ki nök'apsümmös̄nan noke'tsimi? <sup>4</sup> Jesus an'istsiuax, m̄is'tapuk, matan'istsinnomok John annists'isk k̄itokh'tsipuauësts sk ki kitüs'satsipuauësts sk: <sup>5</sup> Naps' tsix üs'sǖpiau, üs'tsekaiix iköm'otauauȫkaiau, leperix issin'aiau, küttaiai'okhtsimix ai'okhtsimiau, enix' aipuau'iau ki k̄im'atapsix atsimsem'aiau ökhs'itsiniks̄nni. <sup>6</sup> Ki atsim'siu annök' küttaid'itskümks̄küliȫk n̄esto'i. <sup>7</sup> Ki otsis'tapusax, Jesus otaumütüpäiitsinikoösauaie akai'tappix John, Tsanistappiuä kumutsitappopuai ks̄is'tapsksökkum kök'satsipuai? Küttaid'itsip'a apai' sopu'yi itau'ütopäpokaiiu? <sup>8</sup> Ki tsan'istappiuä kumut'sitappopuai kök'satsipuai? Küttaid'itsip'a n̄in'naii ikikin'istotosiu? Anniks'isk ikikin'istotosixk itot'okoyiau Omüx'inx oko'auësts. <sup>9</sup> Ki tsan'istappiuä kumut'sitappopuai kök'satsipuai? Küttaid'itsip'a prophet? A, kitan'istopuau skitsim'iuaie prophet. <sup>10</sup> Annök s̄inai', sat'sit, nitse'tomotoküttau nito'tokatatsisau kostoks̄s', ki ake'tomsokapapistutsimai koksoku'i. <sup>11</sup> Kitau'mün̄stopuau anniks'isk itsipokai'immokixk akex, mats'itsipsa ök'skitsimiaie John Baptist: ki annök' inüks'tsimök spots' im istsin'naiisinni ai'skitsimiaie. <sup>12</sup> John Baptist istsiks̄'tsikuists, puk'sǖpiks̄istsikuists spots'im istsin'naiisinni itusk'o tuitipiop, ki üskotui'tsipimix itusk'otuitsipimiau. <sup>13</sup> Konai'prophetix ki okök'itsimani aie'nüpänītostomiauësts otsauomo'tosi John. <sup>14</sup> Ki mak'otsimenoainiki, am'auk Elias annök' ai'akoto'ök. <sup>15</sup> Annök itokh'iuȫk mök'okhtsimi ünaniststokh'ts̄is. <sup>16</sup> Tsa nitai'akanipa annök' o'tappiisinnök manistsin'naiipuaiau? Netoinitsi'au pokax annim' itawk'pumauawpim itau'pix ki ai'sitsipsattsiau otük'auauax, <sup>17</sup> Ki an'istsiuax, kitsik'üttomopinān ki

kimat'spiipua; kitau'yimopinan ki kimau'kaiisuauěsts kimatakipuauěstsau. <sup>18</sup> John oto'tosi matauyiu'ats ki mataisimiu'ats, ki an'iop pakh'toknatsiu sauum'itsistaaw. <sup>19</sup> Nň'au okku'i oto'tosi, au'yiу ki ai'simiu, ki an'iop, süm'miš, aistoks'oyiu ki aistok'simiu, publicanix ki sauum'itsitappix otük'auauax. Ki mokök'sinni o'kosix oto'kömotsistutokaie. <sup>20</sup> Itau'mütüpsitsipsattoměsts akap'ioyists annim' otsit'apistutsipists ot'apistutüksists otsauomai'sauaitsitüsax. <sup>21</sup> Kitak'oksinip maka'pi, Chorazin! Kitak'oksinip maka'pi Bethsaida! Nitsit' tsipstsapistutsipists kitakap'ioyimoauěsts nitsittsipstsapistutükkitopiau Tyre ki Sidon istak'apioyists is'taisümmisauaitsitaupiau īksim'matükkiapistsists ki makh'skitsists, <sup>22</sup> Ki kitan'istopua Okök'itsimani istsiks'stsikui manistaksiksists'papsipi ksěsto'a, aks'isiksistspapiau Tyre ki Sidon. <sup>23</sup> Ki ksěsto'a Capernaum, kitspin'noko spots'im, hades kitaks'innissimoko; omük'apotüksists kitakap'ioyim itap'istutipiau ittsipstsapistutükkioapiau Sodom, īs'taisakiaitaitsiopi. <sup>24</sup> Ki kitan'istopua, Okök'itsimani istsiks'stsikui manistaksiksists'papsipi ksěsto'au, aks'isiksistspapiu Sodom. <sup>25</sup> Annik' Jesus an'iu, nitökh'sitükki nň'a, spots'im ki ksök'kum istsin'aimi, kitai'ksisattokiauests annists'isk mokok'ietappix ki kitaipaso'kinomoaiau inük'sipokax. <sup>26</sup> Ünnianists'it Nin'a; manistökh'sipi kitsitsi'tan. <sup>27</sup> Nin'a otokönai'nanists nitokok: ki matsitsipa īksinnu'yuuaie okku'iaie Nin'a nits'ksinnuyuuaie; matsitsipa īksinnu'yuuaie Un'ni, okku'i nits'ksinnuyuuaie, ki annök īksinimats'stoköttseuök Un'ni. <sup>28</sup> Puksipa'akik kónai'ikapotükkix ki ikönüs'soksistsix, ki kitak'okotopua ūssik'sistsikosin. <sup>29</sup> Nokhkín'ni kín'attok, ki īksin'o'kik; nitsik'kínapsi nimat'omükimuspa; ki kitak'okonipua ku'skëttsipöppuauěsts ūssik'sistsikosin. <sup>30</sup> Nokhkín'ni ksists'papiu, ki nitopa'tüksin sök'otsiu.

## 12

<sup>1</sup> AN NIK' Jesus Issik'opiiksistsikui itsisüp-poka'atoměsts napaiěninsimmanists; ki otüsksinimats'ax au'notsiax, ki aiin'asists aumütüp'otsimiax ki itaumütüp'ioattomiax. <sup>2</sup> Ki Pharisees otsinno'össauax, anistsiauaie, süm'misau kitüsksinimatsax mat'ökhsiu otap'istutipuauests annok' issik'opiiksistsikuik. <sup>3</sup> Ki anis'tsiuax kiküttanistopua'ats David otap'istutipiau'ats David otap'istutipiau'ats annok' issik'opiiksistsikuik. <sup>4</sup> Manist'sipipi Ap'istotokiua'oko'ai, manistau'attopiau otsitau'pipi istske'tani annik' küt'taökhsii moks'auattosi ki otopokom'ix moks'auattosaxaie, ki kak'ökhsiu natoi'apiekua moksauattosauaie? <sup>5</sup> Ki kiküttanistopua'ats okök'itsimani natoi'apiekua manistap'otükkipiau ūssik'opiiksistsikui otsitsips'taupisau omük'atoiapoyis kimatsikiu'ats. <sup>6</sup> Ki kitan'istopua annom' itstsiu' tuks'küm ki skit'stom omük'atoiapoyis. <sup>7</sup> Ki kitsksini'topi manistap'ipi nitak'ökh-sitsip kím'apiisinni, ki nimatakökhsitsipats ikit'stüksinni, kis'taisauotui'mauopiau küt-tautuitiiaixk. <sup>8</sup> Nin'a okku'i itsin'auattominaai ūssik'opiiksistsikiii. <sup>9</sup> Ota'atsistapusi, otatoi'apiyimoai itsipim; <sup>10</sup> Ki sat'sit, nň'au itsips'taupiinai, ki otsis'i ipo'kötsiuiae. Ki aisüppo'ötsesattsiauiae, Kütai'ökhsiuats ūssik'opiiksistsikuists ök'okuttotoösi? Moks'enüpäistüssauiae. <sup>11</sup> Ki an'istsiuax, Ün'nats nň'au kitopokittappi'immoa maksiinan'si tuks'kumi emük'ikina, ūtsüp'popiissaie atün'iaksin ūssik'opiiksistsikui, Kütтомai'akstaisautuyiuatsaie? <sup>12</sup> Nň'au kütтомai'skitsimiats emük'ikina? Ün'nikiae itökh'siu mok'ökhsapistutüksi ūssik'opiiksistsikuists. <sup>13</sup> Itüman'istsiuiae nň'au, Sauksikins'tsiak. Ki itsauksikins'tsiak; ki ikut'tutsipaie netoi'nitsiuiae otat'otsisi. <sup>14</sup> I tümit'süksiau Pharisees, ki ikönau'kök-itsimattsiuiae manistaks'enitawpiauiae. <sup>15</sup> Ki Jesus otsksinissaie, itsistapu': ki akai'tappix ipokiuo'iauaie, ki ikönau'kuttutuyiuax; <sup>16</sup> Ki sokap'anistsiuax mokstaiitsinnikoösax'aie: <sup>17</sup> Moks'enüpäistosi Esias

otan'ipi, ki an'iu, <sup>18</sup> Sūm'mok, nitap'otomok, annök' nitse'niniwattauč; nitük'omímmau, nu'skëttsipöppi nimut'ökhsímmau: nitakitsipotoai'īnai nitsista'awi kiakanis'tsínmomoyiuax Gentiles okök'itsimani. <sup>19</sup> Mataketskau'ats mataksoksipüppisüm'ats; mat'akitsipa matap'pi mök'okhtsísae otse'poawsists moksoku'ists. <sup>20</sup> Apai' otük'itsissi mataksinukiu'ats: flax setsis'si matakütsím'atsaie otsauomai'tüpskisaie okök'itsimani mök'itsskitsstani. <sup>21</sup> Ki otsin'ikösim Gentiles ak'aumaitsímiau. <sup>22</sup> Tüks'küm ito'tsipotoau pakhts'istümmattseu Sauum'itsiStaaw, naps'tsiu, ki mataipuyiu'ats: ki ikut'tutuyiuiae, ki naps'tsiuă it'süppiu ki kütta'i puyiuă itse'puyiu. <sup>23</sup> Ki kónai'tappix it'skaietükkiau ki aniau kütamiu'ats David okkiu? <sup>24</sup> Pharisees otokh'tsimsau, an'iau, Am'o nin'au, matomaisaipiksistsiu'atsax Sauum'itsiStaawx, Beelzebub Sauum'itsistaawx otsin'aimoai, umutai'saipiksistopiax <sup>25</sup> Ki Jesus isksinnu'yuax otüs'tapiax ki an'istsiuax, Nín'naiisinni ai'aketotoki ak'eitsinikau; ki akap'ioyis ki nap'ioyis aiaketotokiau mataksipuitsiuats: <sup>26</sup> Sauum'itsitappiuă satüp'iksistussi Sauum'itsitappiuă, aiakestsistotosiu; ki otsin'naiisinni küttomaksipuitsiu'atsaie? <sup>27</sup> Satüp'iksistainikiau Sauum'itsiStaawx, Beelzebub nimut'satüpiksistaiau, Tükka'ko'kosix itsatüpiksistsiu'atsax? Ün'nikaie osto'auai kitak'okökitsimükoau. <sup>28</sup> Ki Satüp'iksistainikiau Sauum'itsistaawx Ap'istotokiuă otsista'awmi nimut'satüpiksistaiau Apistotokiuă otsin'aiisinni kito'taakoai'ini. <sup>29</sup> Misköpin'ai oko'ai Tsa'akanistokotsitsipim'atsaie, mök'itaufsistutsisaie ope'kanistsaie, sauotüm'ıksipistusaie misköpin'ai? Ki ak'otümoksistutsimaie oko'ai. <sup>30</sup> Annök' niküt'taispiimmokök, niköttum'a: annök' niküttaupokomoawk'iakimauök auanit'apiksistükkiiu. <sup>31</sup> Ün'nikaie kitan'istopuaau, amian'ıstsauummitsitappiisinni ki amian'istitüpsauokömötse'poawsists Apistotokiuă akitsksinoaiau matap'pi; ki annök' akitüpsauo'kömotsepuyiuök Atsim'istaaw matakitsksinoau'ats. <sup>32</sup> Annök' itüp'sauokömötsepuyiuök Nín'au Okku'i ak'itsksinoau, ki annök' itüp'sauokömötsepuyiuök Atsim'iStaaw mat'akitsksinoau'ats annom' ksök'kum ki aie'nissi otsis'tüpipuitappiisinni, mat'akitsksinoauats. <sup>33</sup> Ökhs'apistutos mistsis', mök'ökhsinasiii: ki makap'istutos mistsis mök'okapinasi: mistsis' ıksino'au otsin'assinni. <sup>34</sup> Pitse'ksinaipokax! Sauum'itsitappiinoainiki Tsa'a kitakokotünistse'poattopuaau'astsaai ökh'sists? Manista'kauoopi u'skëttsipöppi, maoi' itai'puyiu. <sup>35</sup> Ökhsin'auă manista'kauoopi ökh'si u'skëttsipöppi sau'otsiměsts ökh'siists: Sauumitsin'nauă manista'kauoopi maka'pi u'skëttsipöppi sau'otsiměsts makap'ists. <sup>36</sup> Ki Kitan'istopuaau Kônai'ksistapitse'poawsists otakse'puyisau matap'pix aksenüp'anistomiauests Okök'itsimani istsiksitsikui: <sup>37</sup> Kitse'poawsists kitakökötomsitappierts'okoiau ki kitse'poawsists kitak'saietokoiau. <sup>38</sup> Stsik ix Sínak'ix ki Pharisees noküt'anistsiauaie ki an'iau, Nin'a nök'okapipinan itots'tsipi ksěsto'a. <sup>39</sup> Ki noküt'anistsiuax osauum'itsitappiisinnna ki otau'ökotaitappiisinnna itok'apsatsímiau; ki mat'akitsipa ak'okotawpiau. Tuks'kai ak'okotapiau Jonas prophet. <sup>40</sup> Manists'itaupišae Jonas mammi' o'koanniae nioks'kai ksistsikuists ki nioks'kai koko'ists; ünniak'anistsitaupiuiae Nínau Okku'i ksök'kum u'skëttsipöppi nioks'kai ksistsikuists ki nioks'kai koko'ists. <sup>41</sup> Nineveh istsin'ax, akopoksipapomiuax o'tappiisinnna istots'tsissi Okök'itsimani ki akitsautütsepuyiopiau; aisauai'tsitaiau otatśim'semössax Jonas; ki sat'sit, annök' skitsim'iuök Jonas annom' itau'piu. <sup>42</sup> Amskap'iksökkui ıtsin'nauake akopoksipapomiuiae o'tappiisinnna istots'tsissi okök'itsimani, ki akitsauotütsepoyiopiau: umuk'itsipi ksök'kui ito'to mökitokhtsissi Solomon otokök'siniaie; ki annök' skitsim'iuök Solomon annom' itau'piu. <sup>43</sup> Sauum'itsistaaw otsai'piksistüssi nín'au, ikitäksök'kuyim itap'auauökau issik'opissinni itap'satsim ki matokonim'atsaie. <sup>44</sup> Itümau'aniu nitak'ätsko noko'ai numut'sux; ki oto'si

ikon'ím nam'itaitsiiu, namokh'ipaie, ki a'natsistutsipae. <sup>45</sup> Ki itüm'itappo ki mat'tuyiuax ikit'sikümiäx sta'awx, itsis'tüpokapsiax, ki itsipim'inx ki itoko'attomiax: ki otsako'itappiisinni eikis'tüpokapiuaie ototom'itappiisinni. Neto'i ak'anistsiuiae ot'okapitappiisinnna. <sup>46</sup> Otsa'kiaisitsipsattosax matap'pix, Sat'sit, Oksis'tsi, ki omu'pappiipix sääuauts'im itai'puyiax, ai'puinümiau mök'sitsipsattösauiae. <sup>47</sup> Tuks'küm an'istsiuiae, Sat'sit, Kiks's'ta ki kumu'päppiipix sauauts'im itai'puyiau, ki ai'puinümiau koksiiipsaiisau. <sup>48</sup> Ki anni'isk otan'ikisk, an'istsiuiae, Tükka'niks's'ta? Tükka' numu'päppiipix? <sup>49</sup> Ki itas'kotuyiuax otsis' otüs'ksinimatsax ki an'iu Süm'mokau niksi'stsi ki numu'päppiipix! <sup>50</sup> Annök' ai'aksistutsimöknini Spots' im otsitsi'tani aie, osto'i numu'päppiipa, neskün', nit'akem, ki niksi'sta.

## 13

<sup>1</sup> ETO'IK ksistsiku'ik Jesus it sük's ki tsim nap'ioyis, ki omük'sikimi issoots'i itakau' piu. <sup>2</sup> Isto'tuitappiix oto'taakax, ki akh'iosasis itsitsuppo'piu, ki itakau'piu; ki isto'tuitap-piix ikön'itüssuipuyiau issoots'i. <sup>3</sup> Ki an'istsiuax akauo'iau parables ki an'iu, Sat'sit, aisüppipum'auä itui'süppipummau: <sup>4</sup> Ki otai'süppipummössi, moksoku'yi stsik'ists itsin'nissiests, ki paitax itotoiax'ests ki itau'attomiax'ests. <sup>5</sup> Stsik'ists okotoksskui itsin'nissiests otsits'inüxksökkuaaspi; ki otsai'spixksökkuaaspi itsik'kümsüskiau: <sup>6</sup> Oto'tümisköpsi natos'i, itse'tsinitiau; ki otsau'okötseksau itopo'kötsiau. <sup>7</sup> Stsik'ists itsin'nissiiau ksissi'ix: ki ksissi'ix itsüskiau ki ito'satsiiauax: <sup>8</sup> Stsik'ists ökhs'ksökkui itsin'nissiau, kiitsin'asiau, stsik'ists kepip'pui, stsik'ists nai'ippui stsik'ists niip'pui. <sup>9</sup> Annök' ito'kiuök, ünanistokh'tsims. <sup>10</sup> Ki; üksinimats'ax ito'toyiauaie, ki an'istsiuiae, Kumauk'sitsipsattaiäksixau parables? <sup>11</sup> Noküt'anistsiuax, kitokokoau kök'itsksiniisuai spots'im istsin'naiisinni itse'kipi, ki osto'auai matokotau'axau. <sup>12</sup> Annök' nan'naniuök, ak'okotauiae, ki akakai'naniu: annök küttainan'iiuök, otsinanattopi ak'otsipaie. <sup>13</sup> Ün'nikaie numut'ünistsitsipsattaiau parables, issüppis'au möksta'apsau; okh'tsimsau mökstau'okhtsimsau, mökstai'isksinnisau. <sup>14</sup> Aien'üpanistom'ests Esaias, otan'ipi, okh'tsimeniki kitak'okhtsim, ki kimat'akoksiniipa; ki süppi'niki kitaküts'api, ki kimat'aksiniipa: <sup>15</sup> Am'o o'tappiisinnna u'skëttsipöppists mi'ests, ki okhtok'oauests matomaipumokhtsimu'axau, ki oöps'puauax naps'tsiiax; möksta'apsax moöps'pix, möksta'okhtsimests mokhtok'ists, mökstau'okhtsimests mu' skëttsipöppists, mökstaisauai'tsitasau, nok'staukuttutuawsau. <sup>16</sup> Atsim'siau koöps'puauax, aiapiau; ki kokhtok'ists, ai'okhtsimiau. <sup>17</sup> Kit au'münistopuau, akaiäm'ix prophetix ki moköm'otsitappiix ai'puinümiau mök'satsisauests annists'isk kitai'nipuauistsk ki matsiinium'axauests; ki mök'okhtsisauests annists'isk kitai'okhtsipuauistsk, ki matokhtsim'axauests. <sup>18</sup> Okhtok ai'süppipummauä parable. <sup>19</sup> Ma tap' pi okhts'si nín'naiisinni istse'poawsin, ki sauo'kómotokhtsissi, itüm'ipuksipu Sauum'itsitappiuä ki ito'kasattomaie annik' itsüp'ipumattopik u'skëttsipöppi. Annök'auk mat'simaie istsüppipum'ani moksoku'i. <sup>20</sup> Annök' mat'simök istsüppipum'ani ok'otokskui, ai'okhtsimu epo'awsinu, ki otse'tametüksinni mat'simaie; <sup>21</sup> Mat'auütsitstsipa kök'seksi, ki matakisümsu'ats; iki'kin'etüksinni ki ükksistutük'sinni otos'au, atsim'epoawsinni ün'nikaie ito'toiau, ists'kimskuki. <sup>22</sup> Annök' mat'simök istsüppipum'ani ksissi'ix, ai'okhtsimu atsim'epoawsin; ki annok' pai'tappiisinni istap'aitsitani, ki spükis'sists ito'satstomiauaie atsim'epoawsinni, ki matsinasiu'ats. <sup>23</sup> Annök' mat'simök istsüppipum'ani ökhs'ksökkui, ai'okhtsimu Atsim'epoawsinni, ki moköm'otokhtsimae; ki itsin'asiu, stsikix, kepip'puyi, stsik'ix nai'ippuyi, stsik'ix niip'puyi. <sup>24</sup> Stsik'i parable an'istsiuax, ki an'iu, Spots'üm'istsinnaiisinni netum'anistsiu Nín'au, annök' ai'süppipumauök ökh'sisüppipum'ani otsin'simman;

25 otai'okasax otap'automokix, okatum'i ito'toyiuiae, ki ökh'sisüpipumani ipa'soksüp'pipumau makap'süpipumani, ki itsüs'tapu. <sup>26</sup> Ki otsüs'kissi mattuyis, ki otsin'assi, itümän'akuo makap'süpipumani. <sup>27</sup> Ki Nin'au otapautomokix otsito'taakax ki an'ıstsiauaie, Nin'a, Kiküt'taiınsımattop'a ökhsisüpipumani kıtsınsımmam? Tsema ito'to makap'süpipumani? <sup>28</sup> An'ıstsiauax, Katum'a otap'ıstntüksınaie. Ap'automokix otan'ıkax kiküt'ökhsitükkipa nök'ittotosınan nök'sauotsısinanıa? <sup>29</sup> Ki an'iu, Sa; sauau'tsımınoainikiau, makap'süpipnmani, kökskaküm'sanotsipnaii ökh'sisüpipumani. <sup>30</sup> Unnianıst'süskeisan mök'itotosi pokiak'sinni: Ki pokiak'sinni oto'si, nitak'otümanistaiau ai'pokiakix, matom'omoipotokan makap'süpipumani, ki ıs'ksipikan kök'ksıetsınsıssuaiau; ki ıstüp'omoipotokan napaien'insımmam nitapaien'iokoai. <sup>31</sup> Stsik'i parable an'ıstsiauax, ki an'iu, Spots' im ıstsın'naiisınni netüm'anıstsıu mustard ıstsın'sımmam, annik' mat'sımök nınaıu, ki ai'süpipumau ıtsın'sımmam; <sup>32</sup> Itsıs'tüpskaiinükotsıuaie könai'insımmamısts; ki süs'kiissi, itsıs'tüpomükkuiau insım'mansts, ki itsıs'tsısasiu, ki paiu'tax itotoiau ki itoko'attomiax ısto'küniksısts. <sup>33</sup> Stsik'i parable an'ıstsiauax; Spots' im ıstsın'naiisınni nitüm'anıstsıin itai'kopütstaupi, annik' mat'sımök ake'u, ki kaias'attom niuks' kumi omük'okosix, napaien'itui'tsiau, ki ikönai'kopütstopiau. <sup>34</sup> Am'ostsk Jesus ikönai'sıtsıpsattsıuästs matap'pix parables itai'sıtsıpsattsıu; ki sauomai'sıtsıpsıssi parable matomaisıtsıpsatsıuatsax: <sup>35</sup> Mökseñüp'anıstossi Prophet otanipi, ki an'iu, nimutaksipa'kuiaki parables; nitakse'poattopiau annısts'isk kai'sattop'ıstsk ksök'kumä sauomap'ästotoawsi. <sup>36</sup> Ki Jesus aiıs'tüpskuyiuax matap'pix, ki itsıt'sipim nap'ioyis: ki otüsksınmıats ax otsitota'akax, ki an'iau noksksınm'atsokınan parable makap'itaisüppipumaupi insım'man. <sup>37</sup> Noküt'anıstsıuax, Annök' itai'süpipumauök ökh'si insımmamı Nıñ'au okku'yi am'ıni; <sup>38</sup> Insım'man konai'tappiua; ökh'si insımmamı, nıñ'naiisınni ısto'kos'ix; ki makap'ıinsımmamı, Sauum'itsitappiuă o'kosix; <sup>39</sup> Katum'a annök' ai'süppipumattomästs, Sauum'itsitappiuă itamiu; pokiak'sinni ksökkum aiksiuo'si; ki aipo'kiakix, atsım'otokatatsısaıu, <sup>40</sup> Manısts'aumoipitükkipiau makap'insımmamısts ki manıstse'tsıniıtspıau; ak'ünıststsıu aiksiuo'si annom' ksök'kum. <sup>41</sup> Nıñ'au okku'i aks'ıstüpskuyiuax otatsım'otokatatsıx, ki ak'omoipotsımiauests ikönau'kapiısts ki annıks'isk matap'pix, sauum'itsitappiau ak'omoipotoiyiuax; <sup>42</sup> Ki akıtsıpst'apiksıstsıuax omük'tsi; annım' ak'itstsıu a sain'sınni, ki satse'kınani. <sup>43</sup> Moköm'otsitappıx akotümök'künasuyeıau, manıstsık'künasuyıpi nato' si, un'oauai ıtsın'naiisınni, akotsık' künasuyıauaie. Annök' itokh'iuök ünanistokh'tsıms. <sup>44</sup> Stsiki, Spots'im ıstsın'naiisınni nitüm'anıstsıu treasure kaias'attomaie insım'man; kon'ıssi nıñ'au, mat'aikasattomaie, ki otsetam'etüksınni itsıs'tapu ki ipum'attopięsts otokönai'nanısts, ki ipum'attomaie annik' insım'manık. <sup>45</sup> Stsik'i, Spots'im ıstsın'naiisınni nitüm'anıstsıu awkh'pumapiekıuün otap'sümmössi ökh'six pearls: <sup>46</sup> Kon'ıssi tuks'kumi pearl akai'ııxkımasıu, itsıs'tapu, ki ipum'attopięsts otokönai'nanısts ki ipum'attau. <sup>47</sup> Stsik'i, spots' im ıstsın'naiisınni nitüm'anıststsıu itau'mikaupi, annök itsıu'apixmökaie omük'sikimi, ki itomian'ıstomoipitükkiu: <sup>48</sup> Itui'tsissaie, itopıts'üssköpattomıauaie ıssoots'i, ki ito'pıiau, ki ökh'six itaisüppitsi'ıau ıskıx; ki makaps'ix ıstsıs'tapıksıstsıu. <sup>49</sup> Ak'otümanıstsıu aiksiuos'i ksök'kum: atsım'otokatatsıx ak'sipuksüpüsüxiu, ki akai'aketaipıksıstsıuau Sauum'itsitappıx ki moköm'otsitappıx; <sup>50</sup> Ki akıtsıpst'apiksıstsıuau (sauum'itsitappıx) omük'tsii; annım' ak'itstsıu a sain'sınni ki satse'kınani. <sup>51</sup> Jesus an'ıstsıuax kikai'okhtısimipuauastsıu annısts'isk? An'ıstsıuuaie, A, nıñ'an. <sup>52</sup> Itüm'anıstsıuax Annök' ai'sınakiuök üksınmıats'au spots'im ıstsın'naiisınni, nitüm'anıststsıu nıñ'au, iko'yuök, sauauts'ıměsts treasure manısts' ki ük'aisısts. <sup>53</sup> Ki itünısts'ıtsıu, Jesus otaiksiu'attosěsts annısts'isk parables, itsıstüp'a'atomıae.

<sup>54</sup> Ki otsito'tosi otau'ütauösini otat'oiapiroymoai itsipst'üsksünimatsiuax, ki ek'skaietükkiau, ki, an'iau, Tse'ma itotsim'atsests am'ok mokök'sünik, ki am'ostsk ot'omükapistutüksists? <sup>55</sup> Kütтомай'sauamiu'ats ai'satsakiua okku'i? Kütтомaisauainiköttsiu'ats Oksistsi, Mary? Ki omu'pappiipix kütтомaisauainiköttsiu'atsax James, ki Joses, ki Simon, ki Judas? <sup>56</sup> Ki ot'akemix okütтомaisaiiokönopokomok'atsax? Am'o Nřn'au, Tse'ma itotsim'atsests annists'isk? <sup>57</sup> Ki its'tsskimskükiax osto'i. Ki Jesus an'istsiuax, prophet itüs'tsaköttau, sauomai'tapposiests otau'ösini ki otauüt'okoai. <sup>58</sup> Otsauomai'tuksuai ün'nikaie itsauomapistutükkii annim' akatio'yiests ükkük'umapotüksists.

## 14

<sup>1</sup> ANNIK' Herod tetrarch okhtsim'attomests Jesus otap'istutsipists, <sup>2</sup> Ki an'istsiuax otap'otomokix am'omauk John Baptist; enio'sinni mat'sipuau; ün'nikaie ükkük'umapotüksists itap'itutsimests. <sup>3</sup> Herod ükai'eěniuaie John, ki ai's'ksipistsiuiae, ki itsok'iuiae osto'iae Herodias, us Philip otokeman'inaai. <sup>4</sup> Tük'ka John an'istsiuiae matökhxiu'ats kök'otoössi. <sup>5</sup> Ki otai'aksenitossaie, stun'nujiuax matap' pix, tük'ka üksinno'yuaxauiae prophet. <sup>6</sup> Ki otai'totstsissi Herod otsit'sipokaiipi, Herodias otün'ni itüt'sikipiu, ki itsüp'istutuyiuiae Herod. <sup>7</sup> Itsiks's'toatsiuiae atoün'issinni mök'ittokotossaie otan'istopiaie. <sup>8</sup> Ki oksis'tsi otsis'tok, ki an'iu, John Baptist otokön' istsüp'potoat omük'okos ki annom' istoko'kit. <sup>9</sup> Ki omük'ina itsik'oketükkii: ki otütoanis'si ki otopokau'yemix, ün'nikaie itani'u mök'okotosaie. <sup>10</sup> Ki itüp'skökiu, ki itsi'kawkokitsiauaie John itsipsts'okiawpiae. <sup>11</sup> Ki otokön'itsipuk'sipippotopae, omük'okos itsüp'potopae, ki ikotauai'e ake'kuün: ki ito'tsippotuyiuiae oksis'tsi. <sup>12</sup> Ki otüs'ksünimatsax itoto'iau ki mat'simiau mostüm' i, ki ai'akotomiau, ki i'tappoiau ki itünis'tsiau Jesus. <sup>13</sup> Jesus otokh'tsimsi, itsis'tüpaatomaie akli'iosatsis itsui'akhiosiu, ki ksis'tapsksökkum itüpanistappo'aie: ki matap'pix otokh'tsisau itsiksiuopokiuo'iauiae, otakap'ioyimoauests súx'iau. <sup>14</sup> Ki Jesus itopitsissa'atomaie, ki nan'nujiuax akai'tappix, ki kaiim'iuax, ki ikut'tutuyiuax otai'oktokosimoauax. <sup>15</sup> Ki otai'istükköpsi, otüs'ksünimatsax otsitota'akax, ki an'istsiauaie, annom' ksis'tapsksökkumasiu, ki au'mütüputükku; o'tappiisinnna ünnistüp'skos, mök'ittapposi akap'ioyists, mök'opumattosi aau'ösin. <sup>16</sup> Ki Jesus an'istsiuax, matokuiistapu'iauats; kotok' möks'auatopiau. <sup>17</sup> Ki an'istsiauaie, annom' nitsinan'anists nisittu'yi ke'tanists ki na'tokumi mammix'. <sup>18</sup> An'iu, puk'sipippotokikau. <sup>19</sup> Ki an'istsiuax känai'tappix mök'opasax mattu'yikui; ki mat'simests nisittu'yists ke'tanists ki na'tokumi mam mix', ki, otspisüp'si itatsim'etsimests, ki itau'minotsimests; ki ikotsiu'ax otüs'ksünimatsax ke'tanists, ki otüs'ksünimatsax ikotsiu'ästs o'tappiisinnna. <sup>20</sup> Ki ikönau'yiau, ki itoku'yiau: ki mat'simests iau pi'nikests itsitsi'ists na'tsikoputtuyi üksimmatük'iissokaiists. <sup>21</sup> Ki aiiniks'isk au'yixk nisitsi' omük'sikepippix nřn'ax, ki akex, ki pokax'. <sup>22</sup> Ki Jesus eikak'imatsiuax otüs'ksüninatsax mökit'süppopisax akh'iosatsis, mökotom'apümmosax, otsakiaisi'süpskoösaie tappiisìn'na. <sup>23</sup> Ki otsis'tüpskoösaax otappiisìn'nä, itsitamisso' nitum'mo mökatsimoiikasi; ki otau'tükkussi itsittau'piu. <sup>24</sup> Ki akli'iosatsis ait'ütsikioo, ki ipawkh'paikimskawp: tük'ka, umut'totsüppopi. <sup>25</sup> Ki nissoo'yi ükska'tüksinni koku'yi Jesus itsitappo'ax, omük'sikimi itokh'itauauökau. <sup>26</sup> Ki otüs'ksünimatsax otsinno'ossauiae umuttokhitauau'okani omük'sikimi, ap'aitsitaiau, ki an'iau, Sta'awina; ki oko'pusuai itokum'iau. <sup>27</sup> Ki Jesus kaiip'sitsipsatsiuax, ki an'iu, Ökh'sitükkik; nitam'i; Piniko'puk. <sup>28</sup> Ki Peter noküt'anistsiuiae, Nin'a küm'ämieniki ani'kit ksësto'a nök'itotosi nök'itsitüpauauökasi omük'sikimi. <sup>29</sup> Ki an'iu, Puk'siput. Ki Peter otinnisa'atossi

akh'iosatsis, itokh'itauauökau omük'sikimi mök'ittapposi Jesus. <sup>30</sup> Ki otsin'si eik'sopuyi, itsiko'pum: ki otaumutüp'süppopiisi omük'sikimi ita'sainiepuyiu, ki au'aniu Nin'a, Kömötse'piokit. <sup>31</sup> Ki Jesus itüp'sauksikins'tsakiuiae ki itsen'iuaie, ki an'istsiuiae, ksësto'a enükaumai'tükkiua, kumauk'saietükkiks? <sup>32</sup> Otsito'tosau akh'iosatsis, itsiksist'sopu. <sup>33</sup> Anniks'isk itsüp'popixk akh'iosatsis itoto'iauaie ki atsimmim'miauaie ki an'iaiu, E'müni kitam'i Ap'istotok'iuă okku'i. <sup>34</sup> Ki otau'pümmossau, itoto'iau Gennesaret istau'össini. <sup>35</sup> Ki annim' istsin'ax, ots'ksinuoössau, itüp'skükiau könüs'ksökkum sa'akapotsi, ki itotsip'iauaie ikönai'oktokosix: <sup>36</sup> Ki au'kömöniestsiauaie (Jesus) mökskaks'ixenisax oso'kösim itssaiin'ikaists: ki manists'eipi kaien'ümix ün'nineetsimi sokap'okuttotoax.

## 15

<sup>1</sup> AI'SINAKIX ki Pharisees, Jerusalem istsitappimix otsit'totaakax Jesus, ki an'iau, <sup>2</sup> Tsanistapiuats umut'ünistüpaipixipiau ükaitappix otün'issuaiaeests? Oyis'sax ke'tan, matüstsämu'ax. <sup>3</sup> Noküt'anistsiuax ku'maukanistüpaipixipuuiisks Ap'istotokiuă otse'poawsinni kök'satsisaai kiksits'tapünissuai? <sup>4</sup> Ap'istotokiuă an'iu, atsimmim'misau kín'a ki kiksits'ta; ki, annök' ai'pakosinikuyiuök un'ni ki oksits'tsi, unniänistse'insä. <sup>5</sup> Ki kitan'ipuau annök' an'istsiuök un'ni ki oksits'tsi, kotük'sinaie, kitak'ototokuinanipi něsto'a, <sup>6</sup> Ki küt'atsimmimmiuax un'ni ki oksits'tsi, paio'toau. Kitse'poawsuauests kumut'saiepumapistutsipaie Ap'istotokiuă otse'poawsän. <sup>7</sup> Kitsiksits'tapokömmotsitappiansuai! Esaias prophet kit'sokapenüpanikoau, ki an'iu, <sup>8</sup> Am' ox matap'pix nimut'astokokiau maau'ests, ki nimut'atsimmimmokiau oto'üniuauests: ki u'skëttsipöppuanests nitsip'piokokiests. <sup>9</sup> Nitsiksits'tapatsimmimmokiau, ök'aumaitsipists äts'uaii'sksinimats'iauax nín'ax otan'ipuauests. <sup>10</sup> Ki nan'niköttsiuax o'tappiisänna ki an'istsiuax, Okh'tok, ki sokap'okhtok; <sup>11</sup> Annik' itsüp'popiik maoi'i matokapistotok'atsaie nín'aii; annik' sük'siik maoi'i itokapistutuyiu'iu'aie nínaii. <sup>12</sup> Ki otükssinimats'ax otsitota'akax ki otan'ikax kiküt'üsksinipa Pharisees otsis'küksau otokh'tsisaau annik' epo'awsänik? <sup>13</sup> Ki noküt'üniu, könai'süpipumanists Nin'a spots'im oküt'taisüpipumattopistsi ak'süsököpattropiests. <sup>14</sup> Amau'patokau; naps'tsiotüppiñükiau naps'tsix. Ki naps'tsiuä ätüppin'nüssi napstsi'i, atün'iaksin'ni akai'akitsüppopiiau. <sup>15</sup> Peter itüman'istsiuiae, noksksinim'atsokinan am'om parable. <sup>16</sup> Ki Jesus an'iu, kiküttaisakiaisaauaiokhtsimipiuaua? <sup>17</sup> Kiküttaisauaioklitsimipiuaua, annik' itsüp'opiiik maoi'i, itüp'süppopiu mo'koanni ki ipsai'piosop? <sup>18</sup> Ki annists'isk itsüks'isk maoi'i u'skëttsipöppi itsüks'iax; ki itokap'istutuyiauaie nín'aii. <sup>19</sup> U'skëttsipöppi itsüks'ests sauum'itsitsitanists, inik'sists, auök'otanists kömos'ists, istüp'saiepitsin'ni, atauün'issists; <sup>20</sup> Am'ostsk itokap'istutuyiauaie nín'ai'i; ki maks'oyissi otsauomüs'tsimissi matokapistutuyiuats nín'aii. <sup>21</sup> Jesus itümistüpa'atomaiae, ki Tyre ki Sidon istssoots'ists itsitap'po. <sup>22</sup> Ki sat' sit, Canaan ista'ke itsux'iu annists'isk issoots'istsk, ki itasaine'poattsuiae, ki an'iu, Käm'okit Nin'a, David okku'i! Nitün'na eiko'ksistutoau maka'pistaaw. <sup>23</sup> Ki matsitsipsattsiuatsiae. Ki otükssinimatsax otsitota'akax ki otau'kömönikax ki an'iax Ünnistüp'skös; nitüksauasaine'poükinan. <sup>24</sup> Ki noküt'anistsiuax, nikak'itüpskoko Israeli ıstat'stanix emük'ikinaiix. <sup>25</sup> Otsitümitota'akaie ki otatsim'mimmokaie, ki an'iu, Nin'a Spum'mokit! <sup>26</sup> Ki noküt'anistsiuiae, matökhsiu'ats mök'otsissi pokax otsau'ösinoaaii mökitüp'apixsests imitax'. <sup>27</sup> Ki (ake'uă) an'iu, E'müniu, Nin'a; ki imitax' au'attomiau pinikests innissi'ists otsin'aimoauai otsitau'yipiae. <sup>28</sup> Jesus itümok'anistsiuiae, Ake', omük'o kitaumai'tüksin'ni: Ünnianistsits'tsüs kitsitsi'tatopi. Ki otün'ni ikuttotoai'ina annik' itai'ksistsikumiopik. <sup>29</sup> Ki Jesus itsis'tüpaatomaiae annim', ki itast'toto Galilee istomük'sikimi; ki ita'miss

nitum'mo ki itau'piu annim'. <sup>30</sup> Ki akai'tappix otsito'taakax, ki ipokom'iauax ū'stsekaiix, naps'tsix, küttaiai'puyix, iko'müksix, ki akai'äm'ix stsük'ix ki Jesus okt'sists itsin'apiksistsiauax; ki ikut'tutuyiuax: <sup>31</sup> Ki könai'tappix ek'skaietükkiau, otsinno'össauax küttaiai'puyix otse'puyissax, ki iko'müksix otokut'totoösax, ki ū'stsekaiix otauau'ökäasax, ki naps'tsix otsaps'ax: ki ū'stsaköttsiau Israel istap'istotokii. <sup>32</sup> Jesus itümän'niköttsiuax otüsksinimats'ax, ki an'iu, nitai'kimaiau o'tappiisinnna nioks'kai ksistsiku'ists nitopokau'pimokiau, ki matokoyiu'axau: ki nimat'aksistüpskoauaxau otau'notssau ökskakümitseni'au moksoku'i. <sup>33</sup> Ki otüsksinimatsax an'istsiauaie Tse'ma nøkitotsipinan'a ke'tani manisto'mükopiau mök'otkuisests o'tappiisinnna? <sup>34</sup> Ki Jesus anistsiuax, Tsanetso'a ke'tanists kitsinan'oauests? Ki an'iu, Ikit'sikaiau, ki unna'tosimi inük'umix. <sup>35</sup> Ki an'istsiuax o'tappiisinnna, ksök'kum mökittopasax'ax. <sup>36</sup> Ki mat'simests ikit'sikaiests ke'tanists ki mammix', ki a'tsimoiikau, ki a'minotsimests, ki ikotsiuax otüsksinimats'ax, ki üsksinimats'ax ikotsiu'ax o'tappiisinnna. <sup>37</sup> Ki ikönau'yiau, ki ikuyi'au; ki mat'simiau pinikests itskim'iauests ikit'sikaii isksimmatük'isokaiists itui' tsists. <sup>38</sup> Anniks'isk au'yixk nissoyim'i omük'sikepippix nin'ax, ki akex, ki pokai. <sup>39</sup> Ki itsis'tüpskuyiu o'tappiisinnna, ki itsit'süppopiu akh'iosatsis, ki ito'to Magdala istssootsists'i.

## 16

<sup>1</sup> PHARISEES ki Saducees ipok'itotoiau ki as'saksksinnuyiauaie, ai'puinümiau mōkanis'tsinnomooösax spots'im istap'stosinni. <sup>2</sup> Noküt'anistsiuax, autükkus' si, kitan'ipuan ak'etameksistsi ku; ämawk'issoksistsikuists. <sup>3</sup> Ki ksiskünna'tünnissi, ak'akapiksistsiku annok' ksistsikui, amawkissoksistsikuists ki ikit'inatsiu. Kitsiks'tapokämotsitappiansu! Kitokot'ainipuau assoksits'ksikuists ostokso'auests; ki kimatokot'ainipuau annists'isk ksistsiku'istsk istsap'stosists. <sup>4</sup> Otsauum'itsitappiisinnna ki otau'ökotaitappiisinnna ap'satsimiau apsto'sinni; ki matakokotau'axau apsto'sinni; prophet Jonas otap'stosinni akokotauaie'. Ki skitsiu'ax ki itsis'tapu. <sup>5</sup> Ki otüs'ksinimatsax otau'pümmosau pakhts'esaii'ksinimiau mök'atüksau ke'tani. <sup>6</sup> Jesus itüm'anistsiuax Mokök'ik ki iskskats'ik Pharisees ki Saducees istsi'kopütsketatsisau. <sup>7</sup> Ki ai'sitsipsattseiau, ki an'iu, nimatotsipinan'a ke'tani, <sup>8</sup> Jesus otsinno'ösax, an'istsiuax, Inük'aumaitükkix, kumauk'sitsipsättseipuauaisks, kitsauo'tüksuai ke'tani? <sup>9</sup> Kiküt'taisakaisauokhtsimipuaua, kiküttaisauüsksinipuaua nisito'müksikepippix matap'pix istsisitti'ists ke'tanists, ki tsanetso'ä kitots'ipuauests isksimmatük'isokaiists? <sup>10</sup> Nistoyim'i omük'sikepippix matap'pix istokitsikaists ke'tanists ki tsanetso'ä kitots'ipuauests isksimmatük'isokaiists? <sup>11</sup> Kumauk'staiokhtsimipuauaisks kimat'sitsipsatttopuau'ats ke'tani, kökißkskatsissuuai Pharisees ki Saducees istsi'kopütsketatsisau? <sup>12</sup> Itüm'isksinimiau matsemiu'atsax möksiskatsisaie ke'tani istsi'kopütsketatsis, ki ai'semiuaxmöks'iskatsisaie Pharisees ki Saducees ots'ksinimats'tüksuaiax. <sup>13</sup> Jesus otsito'tosi Cesarea Philippi, ai'süppoötsesattsiuax otüsksinimats'ax, Tsa aniu'axau matap'pi nesto'a nin'au okku'i nök'ümsi? <sup>14</sup> Ki an'iu, stzik'ix John Baptist: stzik'ix, Elias: ki stzik'ix, Jeremias, ki stzik'ä prophet. <sup>15</sup> An'istsiuax Tsa kitak'anipuau nök'üm-si? <sup>16</sup> Ki Simon Peter noküt'anistsiuai ksësto'äkauk Christ, Ap'istotokiä ipai'tappiuük okku'i. <sup>17</sup> Jesus noküt'anistsiuai kitatsim'si, Simon Bar Jonas. Ik'sisakuyi ki aa'püni kimat'üsksinimatsok'astsau: nin'a spots'im kitusksinimats'ok. <sup>18</sup> Ki kita'atanisto, ksësto'äkauk Peter, ki am'om ok'otoküm nitak'ittokhitokoiska church; ki Hades istokh'sepistanists matakatsiu'atsiae. <sup>19</sup> Ki kitai'akokoto spots'im istsin'naiisinni itotai'kauaipixixtükioipi; ksök'kum kitai'akomianistomopipi, spots'im ak'itomopipo; ksök' kum kitai'akomianistapotsippi spots'im

ak'itapotsip. <sup>20</sup> Itüm'anıstsıuax otüsksinimats'ax mökstaitsınnikoösax'aie osto'i otüm'si Jesus Christ. <sup>21</sup> Annik' Jesus itaumütüp'anıstsınomoyiuax otüsksinimats'ax manıstakittappopi Jerusalem, manıstaks'ipuinaistoto'awpianaie omük'omüx'ımix ki omük'atoiapiekuax ki ai'sınakix, ki manıstaks'enitawpiauaie, manıstaks'ipuauıstotoawpiuaie nioks'kai ksıstsikui. <sup>22</sup> Peter itüm'o'toyiuuaie, ki aumütüp'sitsıpsattsıuuaie, ki an'iu, Nin'a kökünıstsıp'piokosi; matakittotsıu'ats ksěsto'a. <sup>23</sup> Ki itapotükau'aie, ki an'ıstsıuuaie Peter apüt'tokokit, Satan; kök'kitstsskımstküki; kimatsskımäu'ats Ap'ıstotokiüä kitsksska'tüksists annom' ksökkum. <sup>24</sup> Itüm'anıstsıuax otüsksinimats'ax Iststsı'ki matap'pi makopokiuo'össi něsto'a, ünnianıst'auütsikımatsıstotos, ki ünnianıstto'tsıs otauai'staksınni, ki ünnianıstopokiuos něsto'a. <sup>25</sup> Annök'aiakitsıkömotsepiosiuok opai'tappiisınni, akatstomaie': ki annök' itai'akatstomök opai'tappiisınni, něstoi umutak'atstomaie, ai'akokonimaie. <sup>26</sup> Tsanetso'ä matap'pi ak'okuiıstüpəsokuiüm'ats minan'attüssi könüs'ksökkum, ki atsto'si otsipaı'tappiisınni? Awx'a otaı'akokotawpiaie opai'tappiisınni? <sup>27</sup> Nin'au okku'i akototo'yınaie Un'ni ots'tsapınaınni ki oto'tokatatsıx akopokiuo'ıax, ki könai'tappıx manıstsı'piests otap'otüsksıuauıests ak'ünıstokotsıuax. <sup>28</sup> Kit au'münıstopuau stsık'ıx annom' itai'puyıau, mataksattotsım'axau eıno'sınni otsauomai'noösau nın'au okku'i otsın'aipuksipusı möks'ınaiisi.

## 17

<sup>1</sup> OTAIKSIUO'ĘSTS nauyi ksıstsikuısts Jesus mat'toyiuax. Peter, James, ki John oskün', ki itünıstüpıp'iuax spi'tummo. <sup>2</sup> Ki otsakiainoösauaie it'oketsıstümiınni; ki ostoksı'si ikkün'natsıuuaie manıst'ikkünnaısuypı nato'si, ki otsıstotos'ısts ksıx'ınatıstıtsı manısti'ksıxınatıspı ksıstsikui. <sup>3</sup> Ki sat'sit, itsına'kuaiémiau Moses ki Elias, ki ai'sıtsıpsattsıuuaie. <sup>4</sup> Peter itüm'anıstsıuuaie Jesus, Nin'ä, ökh'siu annom' nök'ittaupısiınan: ökh'sıtükkienniki, nökapıstutsısiınan annom' nioks'kai api' manısts; tuks'käii kóksinan'attosi, ki tüks'käii Moses möksinan'attosi, ki tuks'käii Elias mök sinanattosi. <sup>5</sup> Otsakiai'puyıssi, sat'sit ikkün'aisoksıstsıkuyı ituyı'künakoıaıau: ki sat'sit, epo'awsınni itots'tsiu assoksı's' tsıkui, ki an'iu, Am'o nitük'omımokos nitsekökh'sımmau; okh'tok. <sup>6</sup> Ki üsksinimats'ax otokh'tsısauaie itopı'ıau ostokso'auıests, ki eks'kaikopumıau. <sup>7</sup> Ki Jesus ito'to, ki i tsıxen'iuax, ki an'iu, Nipuauk', ki piniko'puk. <sup>8</sup> Ki ot'sıpsau matsınnuyıau'axau matappıx, kaks'ınnuyıau Jesus. <sup>9</sup> Ki nituin'moyı otsıniıssat'tosau, Jesus itsem'iuax, ki an'iu, Pinanı'stok matap'pi kitsınip'uauıests, Nın'au okku'i otsauomät'sipuausi eınsı'nı. <sup>10</sup> Ki otüs'ksıniımsax aisüppoöttsesat tsıauaie, ki an'ıau, mauk'auanııksıxau ai'sınakix ak'otomoto Elias? <sup>11</sup> Ki Jesus noküt'anıstsıuax, E'müniu, Elias ak'otomoto, ki akokönau'kómototom. <sup>12</sup> Ki kitan'ıstopuau, Elias ük'auto, ki matsksınnuyıu'axauaie ki nitsıs'tutuyıauaie manıstüp'stapiıau. Neto'yi akünıstai'puınattıauaie Nın'au okku'i. <sup>13</sup> Itüm'ıskıniımiau üsksıniıms'ax umutai'sitsıpsi John Baptist. <sup>14</sup> Otsito'tosau o'tappiisı'nı, nın'ıii otsito'taakaie itsito'topıstıuksısano'piınaie, ki an'iu, <sup>15</sup> Nin'a kım'ıs noko'a; au'atusınnau ki eks'ipuınüm: ai'kapıtsıuıopiı ıstsıi ki ai'kapıtsıuıopiı okke'. <sup>16</sup> Ki nitsıtotsıp'ıiauaie kitüsksıniıms'ax ki matokotokuttotu yiuaxauaie. <sup>17</sup> Jesus itüm'āniu, o'sauomaitükkesınnı ki otapok'apıtappısiınna! Tsanetso'a kitakopokau'pımopa? Tsanetso'a kitak'ıtsıatıtopuı aua? Puksıpıp'potokık. <sup>18</sup> Ki Jesus seıtsıp'sattsıuuaie sauum'ıtsıstaaw; ki itsüksıinai; ki annık' pokau' ikut'totoau. <sup>19</sup> Üsksıniınts'ax itüm'itotoıauaie Jesus ki an'ıau, numauk'sauokotsatüppıksıstınnan? <sup>20</sup> Ki Jesus anıstsıuax, Kitsauomai'tüksınnı: kitau'münıstopuau, kemük'enükotsıssi kitaumai'tuksınnı, manıst'omükopi mustard itotai'süpıpumauopi kitakokot'anıstop am'om netum'moyı ök'ümıstüpotosı

omim', ki ak'itüpitsiu; ki matakitsipa kiküt'taakokotsistutsipuai. <sup>21</sup> Am'oi ünanistap'pi matomai'süxiuats saiits'tsisiuau a'tsimoikani ki sauau'yisinni. <sup>22</sup> Ki otsa'kiitaupissau Galilee, Jesus an'istsiuax, Nin'au okku'i ak'okotau matap'piix: <sup>23</sup> Ki aks'inittsiauaie, ki nioks'kasi ksistsiku'ists, akütsitsipua'atsau. Ki eks'kaikikinetükkaiau. <sup>24</sup> Ki otsitto'tosau Capernaum, anniks'isk au'tujixk mix'kim, itoto'iau Peter, ki an'iau, küttomisauaiponitau'atskitsin'aim? <sup>25</sup> An'iu, A, ki otsip's'i nap'ioyis Jesus i'tomsitsipsattsuaie, ki an'iu Tsa kitsta'pa, Simon? Tükka' au'tuyiua mix'kim ksökkum istsin'ax? Otauüt'okosix, ki pie'tappix? <sup>26</sup> Peter an'istsiuai. Pie'tappix. Jesus an'istsiuai, o'kosoauax matakotümaiponitau'atsax. <sup>27</sup> Ki, nökstaisau'kosatsösau ıs'tüpuk omük'sikimi, ki suia'piksists amik'atsis, ki mammi kitotom'omikani mattos'; ki pakuiün'ainiki kitak'okonoau mix'kim: annök' mattos', ki ko'tsisiu, kitak'siponitanuni.

## 18

<sup>1</sup> AN NIK' otüsksinimats'ax itoto'iau Jesus ki an'iau, Tükka' mistüpomüksim'a spots' im istsin'naiisinni? <sup>2</sup> Ki Jesus itsin'iköttsiuai inük'sipoka ki itüt'sikipotoyiuax. <sup>3</sup> Ki an'iu, kitau'münistopuau saiisau'aitsinoeniki, ki saie'tumanistsinoeniki inük'sipokax, kimataksipi'puaua spots'im istsin'naiisinni. <sup>4</sup> Annök' aks'inüksipokaistutosiuök manist'inükstsimipi am'o pokai'i, itsis'tüpomüksim spots'im istsinnaiisinni. <sup>5</sup> Ki annök' ak'autuyiuök tuks'kai inük'sipokaiistotosiisk, něsto'i nitau'tok. <sup>6</sup> Ki annök'istssküm'skükiats'iuök tuks'kumi anniks'isk inük'sipokaxk nitau'maitokixk, ökh'siu pikiak'iokotoki kín'attossaie, ki inets'issi omük'sikimi. <sup>7</sup> Istssküm'sküksinni it'okapiu ksökkum, Istssküm'sküksists ak'itotoiau; ki annök' nín'auök paiuk'sipippotomök istssküm'sküksinni, aks'ksinimaie maka'pi! <sup>8</sup> Ün'nikiae kotsis' ki koköt'si istssküm'skükiats'otsenikiau, köksinit'au, ki mís'tüpapiksistaiau: itökh'siu kök'kitsipissi opai' tappiisinni köks'istsekaiisi ki kök'opoköksi, kökstaitüp'apixikösi küttaiaiapunstsiuasi ki kitai'akoköstsists ki kitai'aköstsists. <sup>9</sup> Ki koöps'pi istssküm'skükiatsotseniki, sauau'tos, ki mís'tüpapiksists: itökh'siu kök'kitsipissi opai'tappiisinni tuks'küm moöps'pa; kökstaitüp'apixikösi küt'taiaiapunstsiuasii, ki kitaiakoöpspix. <sup>10</sup> Mokök'ik kök'stauksistotoawsu tuks'kumä am'oksk inüks'tsimix: kitani'stopuau spots'im oto'tokatatsuauax üsks'skatsimiau Nin'a ostoksis'aie spotsim otsitau'pipi <sup>11</sup> Nín'au okkui ito'to mökitsikömots'piosaie annök' at'stauök. <sup>12</sup> Tsa kitüs'tapuau? Nin'an minan'attüssi kepip'pi emük'ikinax ki tuks'kumi itünis'tapu, küttomisauüssküsüsimiu'axau piksip'pi piksi'koputsi, ki küttomisauaitappo'ats netum'moists, ki küttomisauapsümmiuats annök' nittuppu'ök? <sup>13</sup> Ki iküm'okonoössaie, kitau'münistopuau manistse'tametükkipiax piksip'pi piksi'koputsi otsaüs'tapusax itsis'tüpskaietametükkiu annök' ikon'imaük. <sup>14</sup> Neto'i omat'sitsitanats Kin'ä spots'im tuks'kumi anniks'isk inük'tsimixk mök'saiinakuaiissau. <sup>15</sup> Stsik'i, kumu'pappiipi sauo'kömotsistotseniki, matan'istsis otsauo'kömotsitappiisinni, ksësto'a ki osto'i namis tsitappiik; ökh'totseniki kitse'motsau kumu'pappiipi. <sup>16</sup> Ki saiiokh'totseniki, tuks'küm tsöktau na'tokumix pokitappomisau, könai'poawsists möks'eikosau, otokh'tsisiuau natsitappix, tsoktau nioks'kaitappix. <sup>17</sup> Ki sauokli'toüsax, anistsis'church: ki sauökh'tsissi church, ünnianists'is sai'etükkiuä ki publican. <sup>18</sup> Kitau'münistopuau, kitsit'aiipipi ksök'kum, akitaiipip spots'im: ki kitsitapotsippi ksökkum, akütsitapotsip spots'im. <sup>19</sup> Kimat'anistopuau, netum'anistsitsitainoainiki kitak'aukömönisuai, Nin'a spots'im aks'istutomoyiuaxaie. <sup>20</sup> Natokümi tsoktau nioks'kumi nitsin'ikösim itsitomo'oaupi niit'sitaitütsikiaupi. <sup>21</sup> Peter itümitotoiae, ki an'istsiuai, Tsanetso'awtau numu'pappiipa nöksauumitsstu-tuyissi, ki

nōks'ksinnoōssi? Akokitsikaiasts? <sup>22</sup> Jesus an'istsiuiae, Kimatanistopa ikīt'sikaiēsts, ikitsikippuiēsts ikit'sikaiēsts. <sup>23</sup> Spots'im ītsin'naiisinni nitum'anistsiu omūx'īna annōk' ak'okokitsimaiāuōk otsitappim'ix. <sup>24</sup> Ki otāu'mütüpükstükkisi tuks'küm ot'sittotsippotokaie, ke'pi omūk'sikepippoyi mix'kimix otai'akokotopixaie. <sup>25</sup> Otsai'itstsissi mōkokotōsai'e, Otsin'aim an'iinaie mōk'apikosaie, ki otokem'an ki o'kosix ki otokōnai'nanists, ki mōkotoku'yīsax mīx'kimix. <sup>26</sup> Otsitappimi itopistuksisano'piinaie ki atsimmimmi'inaie ki an'iinaie Nin'a, pinane'tükkit ki kitaksūpanis'tsokoto. <sup>27</sup> Ki annōk' matap'piuōk otsin'aim kaiim'uuaie ki paio'toyiuiae ki ünnim iks'ksinnuyiuiae. <sup>28</sup> Ki neto'ök matap'piuōk sūx'iu, ki tuksküm'i otopok'apotükkimix ikon'oyiuiae otai'akokok'isk kepip'pii a'pūnasainix; ki een'uuaie, ki paiu'tsiniuaie ki an'iu, Ponitat' kitai'akokokipix. <sup>29</sup> Ki otopokapotükkim'i itoipistuksisanopiinaie, ki aukōm'önistsiuiae, ki an'iu, pinane'tükkit ki kitaksūpanistsokoto. <sup>30</sup> Ki matōkhsitükkiu'ats; ki itappo' ki itsipsts'tapiksistsiuiae itai'okiakiopi, otsauomaisūpanistsiponitasaaie mōkstaisüksaie. <sup>31</sup> Otopok'apotükkimix otsin'sax eks'kaikikinētükkiu, ki ito'toiau, ki otsin'aimoauai aiitsinikuyiuāests. <sup>32</sup> Ki otsin'aim otsin'niköttossaie, an'istsiuiae, Sauum'itapotükkiuā, kitai'akokokipix kitsin'omokitan'ikipi: <sup>33</sup> Kan's'tsikimopi kumauk'sauanistsikimaisks kitopokap'otükkimokā? <sup>34</sup> Ki otsin'aim istse'tükki'īnai, ki itsitüpumüts'kaiuaie pu'īnaitappix otsauomai'süppiponitassae. <sup>35</sup> Neto'i Nin'a spots'im kitak'anistotokoau saiisin'īminoainiki ku'sskētsipōpuauāests kumut'aukīmaupuai kumu'pappiipix.

## 19

<sup>1</sup> KI Jesus annists'isk epo'awsists otaiksiu'attosests Galilee itsistüpa'atomaie. Ki Judæa istssoots'ists, Jordan mīs'taputsim, itoto': <sup>2</sup> Ki akai'tappix ipokiuo'iuiae; ki annim' ikut'totoiyuax. <sup>3</sup> Pharisees itoto'iuiae, ki as'saksksinnuyiuiae ki an'istsiuiae, ökhsiu'ats nīn'au kōnai' nūkünistapists mōk'anistüpskoōsaie otokem'an? <sup>4</sup> Ki nokūt'anistsiuax kikütanistop'ats sinak'sin, annōk istsitsap'istutuyiuōkax ap'istutuyiuax nīn'au ki ake'u. <sup>5</sup> Ün'nikaie nīn'au itai'akskitsiu ax un'ni ki oksis'tsi, ki aī'akükommimiu otokem'an: ki akitum'anistoksisakumiau. <sup>6</sup> Ün'nikaie matsistoküm'axau, itse'tumanistoksisakumiau. Ap'istotokiuia otsipo'totopists, pinits'tsīs matap'pi mōkai'aketotosests. <sup>7</sup> An'istsiuiae, niauk'anii Moses ök'okotosi sinak'sin, ki ök'ünistüpskoawsi? <sup>8</sup> An'istsiuax Moses, kumut'sipotomokoau kitse'usskēttsipöppisuai, kōkotünistüp'skoössuai kotokem'anoauax; ki istsitsi'i matütünistsiu'ats. <sup>9</sup> Ki kitanistopuau annōk' akünistüp'skuyiuōk otokem'an, sauau'ökotasaaie, ki otai'kaokemaitaii stsik'i itau'ökotau: ki annōk' ikem'attauōk itüp'skoauōk, itau'ökotau. <sup>10</sup> Otūs ksinimatsax anistsiuiae Ünnianists'issau nīn'au ki otokem'an, matōkhsiu'ats mōk'okemsi. <sup>11</sup> Ki an'istsiuax kōnai'tappix matokot'otsimaxaie annik' epo'awsinik, anniks'isk iko'taxk nittsimiauaie. <sup>12</sup> Itsts'i'i iuai'itax itsipo'kaiiau; ki stsik'ix matappix iuai'itsiuax, ki stsik'ix iuai'itastotosiau, Spots' im istsinnaisinni umut'uaiitastotospiau. Annōk' ikot'totsimōk ünnianistots'isaie. <sup>13</sup> Inük'sipokax itotsipotoaii mōkittokhitsikins'tsaksax, ki mōkitatsimoiikasi: ki üsksinimats'ax an'istsiuax unnai'e. <sup>14</sup> Ki Jesus an'iu, Pokitsim'mokau inük'sipokax ki pinanis'tokau nōkstai'puksipaaīsau. Ün'nianistaps'iau spots' im istsin'naiisinni. <sup>15</sup> Ki itokhitsikins'tsakuax, ki itsis'tupaatomaie. <sup>16</sup> Ki, sūppit, tuks'kumi itsitotoiinaie ki an'iu, Ökhsin'ai, tsanistap'iua nōk'ökhsistutsipi, nōkkuinan'si üsk'sipaitappiisinni? <sup>17</sup> Ki an'istsiuiae, Kumauk'ainikük'iks ökh'si? Matütsitsitsipa ökhsı, nitüks'küm, Ap'istotokiuā, itökh'siu: makitsipim'eniki opai'tappiisinni, sat'sitests okök'itsimanists. <sup>18</sup> An'istsiuiae Tsistsimä? Jesus an'iu, kimataksenik'ipa,

kimatakau'ökotapa, kimataksikōmos'pa, kimatakitüp'saiepitspa. <sup>19</sup> Ükomǐm'mišau kĩn'a ki kiksīs'ta; ki, kitak'anistükomimmau kitopokau'pimau kanistük'omimmospi. <sup>20</sup> Man'iköppi an'istsiuiae. Nítokönüs' satsipiau am'ostsk nitsök'umapiisi. Tsanistap'iua niküt'tomüssatsipi? <sup>21</sup> Jesus an'istsiuiae maksüpanis'tsiminiki matap'iköttoat kitsinan'ipi ki ko'tsisau kím'atapsix, ki kitak'okuinani treasure spots'im: ki puk'siput, pokiuot' něsto'a. <sup>22</sup> Ki man'iköppi otokh'tsim'si annik' epo'awsinik, itsikikin'iistapu: tük'ka ek'akaui otsinan'ists. <sup>23</sup> Jesus itüm'anistiuax otüsksinimats'ax, kitau'münistopuau, ako'tsapsiuă ak'skotoitsipim spots'im ūtsin'naiisinni. <sup>24</sup> Ki kimat'anistopuau aks'istüpiksistspapiu'camel mökotsisüppoksűx atūnau'ksis ūtakün'ikai, ki mataksiksistspapiu'ats ako'tsapsiuă mök'itsipissi spots'im ūtsin'naiisinni. <sup>25</sup> Otüsksinimatsax otokh'tsimasax ek'skaietükkiau, ki an'iau, Tükka' akokotsikōmotse'piau? <sup>26</sup> Ki Jesus ūs'sümmiuax, ki an'istsiuax matap'pix matokotsistutsim'axau; Ap'istotokiua ikotokön'apistutsimests. <sup>27</sup> Peter itüm'anistiuiae, sat' sit, nitokönüsskipinān ki nitopokiuo'pinan ksēstu'a. Tsa nitakanistokuinan'ipinan? <sup>28</sup> Ki Jesus an'istsiuax, kitau'münistopuau, ksēsto'au kitopokiuo'puau něsto'a, Nín'au okkui otak'ittokhittaupissi ots'tsapinaiiso'pōtsis, ksēsto'au kitak'ittokh ittau pipuau na'tsikoputtuyists asso'pōtsists kōkitokök'itsimattosau Israel ūtsistsikoputsix matap'pix. <sup>29</sup> Ki anniks'isk skim'ixk oko'auests, ki anniks'isk skits' ixk umu'pappiuuax ki ot'akemoauax ki un'oauax, ki oksist'oauax ki otkem'anoauax ki o'kosoauax, kiotsin'simmanoauax, něsto'i itskim' iauests, kepip'pi ak'okuyiau, ki akokuinan'attomiau ūsk'sipaitappiisinni. <sup>30</sup> Ki akai'tappix matom'six ak'sakoissiau, ki sako'issix ak'otomsiau.

## 20

<sup>1</sup> SPOTS' IM ūtsin'naiisinni netoi'nitsiu nín'au, nap'ioyis ūtsin'aim, annök kök'könisuxiuök mök'anistosi ap'autükkix, mökapotomoyisax otsin'simman. <sup>2</sup> Ki ökh'situkkisax mökokuyisax tuks'kai ksistsikui tük'skümi apün'asaini itüp'skuyuiax otsin'simmani. <sup>3</sup> Ki nioks'kaii itai'ksistsikumiopi mat'suxiu, ki stsik'ix nan'nuyiuax nam'itaipuyiax itau'pumopi, <sup>4</sup> Ki an'istsiuax noköt'sitappoak insim'man, ki moköm'otsissi kitak'okotopuau, ki itappo'iau, <sup>5</sup> Nau'yi itai'ksistsikumiopi, ki piksu'yi itai'ksistsikumiopi, mat'suxiu, ki netoi' mat'anistsiu. <sup>6</sup> Ki nitsiko'puttuyi itai'ksistsikumiopi, itsüxiu ki ikon'oyiuax stsik'ix nam'itaipuyix, ki an'istsiuax konai'ksistsikuyi kumaukai'amitaipuisks annom'? <sup>7</sup> An'istsiauaie mats'itsipsa matap'pi nök' anikinān. An'istsiuax, Noköt'sitappoak insim'man; ki moköm'otsissi kitak'okuinanipuau. <sup>8</sup> Ki autükkus'si, insim'man ūtsin'aim an'istsiuiae otap'otomoki, niniköt'sisau ap'autükkix, ki ko'tsisau saiak'inosattaupiau, matom'okotsisau sako'issix, ki tüm'okotsisau matom'six. <sup>9</sup> Ki istoto'sau nitsiko'puttuyi itai'ksistsikumiopi itaumütüp'apotükkix, könai'inx iköno'kuyiau apün'asaini. <sup>10</sup> Ki matom'six isto'sau, ūs'taiau mökoku'yisauaie stsik'i; ki iköno'kuyiau apün'asaini. <sup>11</sup> Ki otoku'yisauaie, itüpaukape'poawtsiauaie nap'ioyis istökhsin'ai, <sup>12</sup> Ki an' iau, anniks'isk sako'issix nituk'skau itai'ksistsikumiopi itapotükkiau, ki kanistokotaiau kanist'okokipinān ki ksistsiku'i ūtsiks's'tutsissinni nitap'autükkipinān. <sup>13</sup> Ki an'istsiuiae tuks'kümi, Napi'a, kimat'omaikimatsistotopa: kiküt'tomaiökhsitükkipa tuks'kümi apün'asaini? <sup>14</sup> Matsit' kitsinan' ki mis'taput; nitak'anistokotau am'o sako'issiu kanist'okotopi. <sup>15</sup> Kütтомökhsiuats nitsinan' nanistsitsitapi nök'anistutsissi? Küttauakapiu'ats koöps'pi, mök'ökhsissi nitsinan'? <sup>16</sup> Ki sako'issix akotom'siau, ki matom'six ak'sakoissiau; tükka akaiem'ix ni'niköttaiau, ki un'natosimix mat'toaiau. <sup>17</sup> Ki Jesus otsitüpamissosi Jerusalem, na'tsikoputtsix otüs'ksinimatsax itünistüp'ip'iikax,

ki an'istsiuax, <sup>18</sup> Sat' sit aitüpamissau'op Jerusalem, ki nřn'au okku'i akitüpomüts'kau omük'atoiapiekuax ki ai'sinakix, ki akünistokökitsimüt'tsiiuaie möks'einsaie. <sup>19</sup> Ki akütsitüp'omütskau Gentiles mökitapapistotoössauaie, ki mökitstipis'ossauaie, ki mökauai'stösauaie; otsoks'kaiksistsikusi ak'ütsipuau. <sup>20</sup> Zebedee oku'ix oksis'toauai ipok'itotomiauax oku'ix, ki atsimmim'miauaie, ki au'kömönistsiauaie tuks'kaii. <sup>21</sup> Ki an'istsiuiae, Tsa kanistsitsitapa? An'istsiu aie. Anit am'ox nitai'akokosix mökittaupisau kitsin'naiisinni, tuks'kuma netots'i, ki tuks'kuma e'aksisauotsi. <sup>22</sup> Jesus an'iu, kimatsksinip'uaua kitau'kömönikipuai, Kikütaikokotsimipuau annök' kos'ök nimutai'aksimipük? Kikütaikokotütapinükipuau ūsta'pinüksinni nimutai'akütapinükipi? An'istsiauaie, nitokot'ünistspinan. <sup>23</sup> An'istsiuax kitak'ütsimipuau no'kosä, ki kitak'ütapinükipuau ūsta'pinüksinni nimut'akütapinükiipi; ki nimatsinanëstsau kôkokotosuai kôkittaupisuai netots'i ki e'aksisauotsi nesto'a, ki anniks'isk matap'pix Nin'a ūk'aisüppütsistotomoyiuax, otaksinan'oaiiau. <sup>24</sup> Ke' pix otokh'tsimsau istsimmim'miauax na'tsitappix ipapiimmotseiix. <sup>25</sup> Ki Jesus niniköt'siuax, ki an'istsiuax, kits'ksinipuau Gentiles otsin'aimoauax otain'aiiskotokoaiuax ki anniks'isk omüx'inaxk nokötai'naiiskotokoaiuax. <sup>26</sup> Ki mataketümanistsiu'ä ksësto'au: annök' ak'omüksimök, ünanistap'otüksi; <sup>27</sup> Ki annök' kitaks'innauükök ünanistap'otüksi: <sup>28</sup> Nin'au okku'i matütoto'ats mök'apotomoösaie, mök'apotomoösi umut'oto, ki mök'itatsuaumütskotosi akaitappix opai'tappiisinni. <sup>29</sup> Ki otsistüpaatosau Jericho, akai'tappix ipokiuo'iuaiae. <sup>30</sup> Ki satsit, natsitappix naps'tsix pitsiko'-otsim i tau' pix otokh'tsisaau Jesus umutak'itsscosaie awk'umiau, ki an'iau, kím'okinan, Nin'a David okku'i. <sup>31</sup> Ki o' tappiisin'na ai'semiauax mökstaie'puyisax: ki matsistawk'umiau ki an'iau kím'okinan, Nin'a, David okku'i. <sup>32</sup> Ki Jesus itsipu'yiu, ki nan'niköttsiuax, ki an'iu, Tsa kök'anistutopuau? <sup>33</sup> An'istsiauaie, Nin'a möksikauopiisaii noöps'pinanix. <sup>34</sup> Ki Jesus kaiim'iuax, ki itsiksen'iuax oöps'puauax, ki oöps'puauax kau'opiau, ki itopokiuo'iuaiae.

## 21

<sup>1</sup> OTSITASTOTOSAU Jerusalem otsitotosau Bethphage, itum'uasuaie Olives an'istop Jesus itüp'skuyiuax na'tsitappix otüsksinimats'ax, <sup>2</sup> Ki an'istsiuax, akap'ioyis astsi'üm istsipi'ik, kikitakstümkonau ūsk'omükstokiua aks'isksipistau, ki o'kosepokai ak'opokitaipuyimi: apo'tokau ki puk'sipippotokikau. <sup>3</sup> Ki sitsipsatsenoainiki matap'pi, kitak'anistaiau Nin'a au'anistsiuax; ki ak'otümütsitüpskuyiuax. <sup>4</sup> I kônan'istutsip möks'enüpanästosi otan'iipiaie prophet ki an'iu, <sup>5</sup> An'istok Sion otün'ni, Süm'mis kitsin'aimau kitsipuksipa'ak, ikini'siu, ki ūskomük'stoki itokhitopiu, ki o'kosepokai ūskomük'stoki o'cosaie. <sup>6</sup> Ki ūksinimats'ax itappo'iau, ki Jesus itün'istutsimiax manistanistopiax. <sup>7</sup> Ki itsipuksipip'piauaie ūskomük'stoki ki okose'pokai, ki itokh'itstomiau otsistotos'oauësts ki itsittokhitsi'iuaiae osto'i, <sup>8</sup> Ki ek'akaitappix saie'kuyiuaiae otsistotos'suauests moksokui; ki stsik'ix kaiak'ümiau okün'iksists ki moksoku'i itökh'tümiauests. <sup>9</sup> Ki anniks'isk matap'pix i'tomaumattoyixk ki itopokiuo'ixk, awk'umiau, ki an'iau, Hosanna ünnianistsitüp'itsis David okkui: Atsim'siu annök' aipuksipu'ök nin'a otsin'ikösim; Hosanna mis'tüpspiu. <sup>10</sup> Otsitsipis'si Jerusalem, konai'akapioyis ap'aitsitaiau, ki an'iau, Tükka'ats? <sup>11</sup> Ki akai'tappix an'iau annök'auk Jesus Nazareth istsiprophet, Galilee istauösim'im. <sup>12</sup> Ki Jesus itsipim Ap'istotokiuä otatoi'apioyis ki anniks'isk itsipst'anmütskotükixk, ki itsipstawk'pumaxk natoi'apioyis, itsai'tüpiksistsiuax, ki au'ötsuautuyixk otsit'aisinakipuauësts ima'piximësts, ki au'mütskotükixk kükku'ix otasso'pötsuauësts ima'piximësts. <sup>13</sup> Ki an'istsiuax, Sín'aip, Noko'ai ak'anistop a'tsimoiikapioyis, ki ksësto'au kanis'tutsipuau kömos'iepitsix oko'auai. <sup>14</sup> Ki

naps'tsix ki ū's'tsekaiiix itsipstotoyiauaie Natoi'apioȳs; ki ikuttotoyiuaax. <sup>15</sup> Ki omük'atoiapiekuax ki ais̄nakix, otin̄s'ests skai'piissitapists otap'istutsipists, ki pokax otsitsipst'awkkumsau natoi'apioȳs, otan'issau Hosanna ünnianistsitüp'itsis David okku'i, eks'kaaisauökhsitükkiau. <sup>16</sup> Ki an̄istsiauaie, kiküttaiaiokhtsip'ā otan'iapiau am'oxi? Ki Jesus an̄istsiuax, A; kikütтомисаuanistopä s̄naksin, pokax ki ū's'tax maau'auests kumut'totssüpanistsistutsip ̄stsak'sin? <sup>17</sup> Ki itskit'siuax ki akap'ioȳs ittüp'süxkitsimaie Bethany; ki annim' itsok'au. <sup>18</sup> Ki ks̄isküna'tünni mat'skitapposi akap'ioȳs, itun'otsiu. <sup>19</sup> Ki otsitsinno'ōsi moksoku'i omük'iniistsisi, itoto'aie ki matsitokonima'atsaie, nam'itaitsii suo'pokists, ki an̄istsiauaie, Ünnianist'sauüsksaiin as it ks̄esto'a. Ki omük'inistsisi sotüm'ikünipisuiu. <sup>20</sup> Ki üsksinimatsax otsin̄s'au, skai'etükkiau, ki an'iau, Mau'maikipikünipisuiu! <sup>21</sup> Jesus an̄istsiuax, kitau'münistopuau Aumaitükkienoainiki, saietükkienoeniki itsistuts'ipi omük'iniistsisi kimataksikaksistutsipa, ki noküt'anistominoainiki am'o nitum'moi, ünistüp'itsit, ki ünistüp'apiksistükit omük'sikimi; ak'ünistutsip. <sup>22</sup> Kitak'omianistau'kömönipuai a'tsimoiikainoeniki aumai'tükkienoeniki, kitak'okoksua. <sup>23</sup> Ki otsitsip'si natoi'apioȳs, omükatoiapiekuax ki matappix ot'omükimoauax otüs'ksinimatstüksi ito'toiauaie, ki an'iau, Tsan̄istapotümapsin'na kumut'anistutsipiau am'ostsk? Tükka' kit'okokaii am'ok otümapsinnik? <sup>24</sup> Ki Jesus an̄istsiuax kitak'oksüppoötsesattopuau tuks'kaii anik'ienoainiki kitak'ötanistopuau otümap'sinni numut'auanistutsipi am'ostsk. <sup>25</sup> John ötüs'tapinüksinni, Tsema itotstsiu'ats? Spots'im, ki matap'pi? Ki ai'sitsipsattseiau, ki an'iau, mak'aninaniki spots' im; nitak'anikinan, kumauk'stauauamaitoauaiiüsksix? <sup>26</sup> Ki mak'aninaniki ma tap' pi, nitstünnauünaniau matap'pix; tük'ka ikön'auaniau John mökoprophetsi. <sup>27</sup> Ki an̄istsiauaie Jesus, ki an'iau, Nimatokot'anipinan. Ki an̄istsiuax, kimatokot'anistopuau otümap'sinni nimut'auanistutsipiau am'ostsk. <sup>28</sup> Ki Tsa kit'staluau? Tuks'kumi matap'pi, na'toküm o'kosix; Ki matom'sii itoto'aie, ki an'iu, noko'ā, matap'otük kit annok' ks̄istsiku'i nitsin'simman. <sup>29</sup> An'iu Nimat'akittappopa: ki itsako'isauaitsitau ki itsitap'po. <sup>30</sup> Ki matstsik'i itoto'aie ki mat'anistsiuiae. Ki an'iu nitak'ittappo, nin'ā; ki matsitappo'atsaie. <sup>31</sup> Tüma' amoxi ū'satsima un'ni otsitsi'taniaie? An̄istsiauaie, Matom'siuā. Jesus an̄istsiuax, kitau'münistopuau kitsauomai'pisuai Apistotokiüa ̄stsin'naiisinni publicanix ki mats'akex ai'aksipimiau. <sup>32</sup> Tük'ka John kitsitota'akuau mokom'otsitappiisinni istokh'sokui, ki kimataumaitoauau'ats: ki publicanix ki mats'akex au'maituyiauaie: ki ks̄esto'au kitsin̄s'uai kimatsakoisauaitsitapuaua kökaumai'toausuai. <sup>33</sup> Okh'tsik stsik'i parable, itsitsiu' tuks'kumi n̄n'au, nap'ioȳs ̄stsin'aim, itsüppipumattomaie insim'man min'itsix, ki itsistse'piskünattomaie, ki itatun'iakiu itsin'iokeimmskaipi, ki spiap'ioȳs itap'istutsiamaie, ki itök'umatokuyiuax ai'insimax ki itsi'pio: <sup>34</sup> Ki otas'tsissi m̄n'ists otai'akitssetspiests itüp'skuyiuax otap'otomokix ai'nsimax mök'okuyissi ̄stsins'ists. <sup>35</sup> Ki ai'insimax mat'tuyiuax otap'otomok-ix, ki tuks'kumi, itauaiak'iauaie, ki stsik'i initsi'auaie, ki stsik'i okotokix itau'aiakiauaie. <sup>36</sup> Ki mats'itüpskuyiuax stsik'ix otapotomokix: ki netoi' an̄istutuyiauaax. <sup>37</sup> Ki sako'okhtsim, itüp'skuyiu okku'i, ki aniu, ak'atsimmimmiau noko'a, <sup>38</sup> Ki ai'insimax otsinno'ōssau okku'i an̄istseiau Am'o otak'sinan; ki, öks'enitai, ki nöksinan'attopinaniau otsinan. <sup>39</sup> Ki een'iauaie, ki itsai'tüpiksistsiauaie insim'man, ki initsi'auaie. <sup>40</sup> Oto'si insim'man istsin'aim, Tsa' akanistutuyia'atsax anniks'isk ai'insimax? <sup>41</sup> An̄istsiauaie, ak'saiinaknaiatsistutuyiuax anniks'isk sauum'itsitappix, ki ai'akökumatuyiuax otsin'simman stsik'ix ai'insimax, anniks'isk aiakokotsiauaie ̄stsins'ists aits'isau. <sup>42</sup> Jesus an̄istsiuax, kiküttomaisauanistopuaiüsksix natoi'sinaksists, Ok'otoki, annök itsis'tüpapiksistauük aiokotoksapiokoïskaiau, netoi'nitsiu koke'i istotom'okotok;

am'ok Nin'a ot'apistutüksinni ki skaie'tsip noöps'přinanists? <sup>43</sup> Ũn'nikiae kumut'anistopuau Spots'im istsin'naiisinni ak'otsip ksěsto'au ki ak'okotau noke'tappix, anniks'isk aks'inasiixk. <sup>44</sup> Ki annök' ai'akittutütsinnissiuük annök' ok'otoki, aksi'ksisiu, ki annök' matap'iuk ai'akittutütsinissiuük okotoki aksipin'iau. <sup>45</sup> Ki omük'atoiapiekuax ki Pharisees otokh'tsimsau parables, īksinim'iau osto'auai umutai'puyisaie. <sup>46</sup> Ki otap'sümmösax mök'sixenösax, ūs'stünnuyiauax akai'tappix, tük'ka ū, 'taiau mök'siprophetsi.

## 22

<sup>1</sup> KI Jesus mat'anistsiuax parables, ki an'iu, <sup>2</sup> Spots'im istsin'naiisinni netoi'nitsiu tuks'kumi omux'inau, okuyi otokem'si. <sup>3</sup> Ki itüp'skuyiuax otap'otomokix moksinköttosaxax anniks'isk otüm'axk: ki matuskak'sipuksiuax. <sup>4</sup> Ki mats'itüpskuyiuax stsik'ix otap'otomokix, ki an'istsiuax anistok'au anniks'isk üm'axk, Sat'sik, nikaw'apastutsip nitso'össin: nitap'otskínamix ki nitunistikhtsimix ükainitaiau ūk'okönaiksistsiaiu: Puksipa'atok okem'sinni. <sup>5</sup> Ki ap'etsimiauaie, ki oksoku'oauests itappoiau, tuks'kumi otsin'simman, stsik'i otsit'aumütskotükkipi: <sup>6</sup> Ki stsik'ix mat'tuyiuax otap'otomokix, ki au'ksistutuyiuax, ki initsiu'ax. <sup>7</sup> Ki omux'ina otokh'tsimsi, itsis'tsetükkiu: ki itüp'skuyiuax otseën'akemix, ki itsaiänakuaiistutuyiuax anniks'isk inik'ixk, ki itsin'simae otakap'ioyimoauaie. <sup>8</sup> Itüm'anistsiuax otap'otomokix, ūk'aiksistsiu mak'okemsinni, ki anniks'isk üm'axk matsipumapsiu'ax, <sup>9</sup> Itap'poak moksoku'ists ki kit'okönaukonoaxk üm'mokau mak'okemsinni. <sup>10</sup> Ki anniks'isk apotükkixk itsitap'poiau moksoku'ists, ki ikönau'moipiauax ot'okönokonoauax makap'six ki ökh'six: ki itsüpanis'tsimiau üm'max. <sup>11</sup> Ki omux'ina otsipis'si möks'ìnnoössax ümmax, nan'nuyiuiae nin'aii ikem'sinni istsiso'kösimi, mat'süpskösattomaie; <sup>12</sup> Ki an'istsiuiae, Napi'a, Tsa kanis'tsipipa kitsauomai'süpskösattosi ikem'sinni istsiso'kösimi? Ki matsepuyiu'ats. <sup>13</sup> Omux'ina itüm'anistsiuax otap'otomokix is'ksipistok otsists' ki oköt'sists, ki is'tüppippis, ki satüp'iksistsis ski'natsi; ak'itsiuu asain'sinni, ki papux'ekinikan. <sup>14</sup> Akai'tappix naniköttaiau: un'natosimix mat'toaiau. <sup>15</sup> Itümis'tapuaiau Pharisees, ki itauüt'ünistsiaiu mökítokonimösauiae ote'poawsistsaie. <sup>16</sup> Ki ipokitüp'skuyiuauax otüsksinimatsauauax ki Herodians, ki an'istsiuiae, Nin'a, niits'ksinipřnan kitau'muni ki kitau'münisksinimatstükki Ap'istotokiuä oksoku'i, ki kimatsümmman'ax matap'pix: tük'ka, kimatsatsipats manistüp'apitappiopiau. <sup>17</sup> Anik'inan, Tsa kit'sapa? Ökh'siuats mök'otsiponitasi Cæsar, tsöktau mat'oksieuats? <sup>18</sup> Ki Jesus nan'imaie otsau'okömotsitappiansuai, ki an'iu kumauk'saksksinokipuauaiists kitsiksits'tapokömotsitappiansuai? <sup>19</sup> Ünis'tsinümmokik mixkím, kumut'siponitapi. Ki ito'tsipotuyiuiae nitai'pünasainiini. <sup>20</sup> Ki an'istsiuax, tükka' am'o ostoksis'ä, ki tükka' osinaksin'ats? <sup>21</sup> An'istsiuiae, Cæesar otsinan'. Itüm'anistsiuax kotok' Csesar otsinan'ists, ki Ap'istotokiuä kotok' otsinan'ists. <sup>22</sup> Otokh'tsimsau annists'isk epo'awsistsk itskai'etükkiu, ki itskit'siuiae, ki oksoku'auai itappo'iau. <sup>23</sup> Neto'ik ksistsiku'ik, Saducees, anniks'isk an'iisk matsitstipats matsipuau'osinni itoto'iuiae, ki ai'süppoötsesattsiaue, <sup>24</sup> Ki an'iu, Nin'a, Moses itüni'u enis'si nin'au, ki saitstsissi pokax, oskün' akokem'attsi'ınaii otokem'an, ki ak'ksistauüttomuyiuiae us'i pökax'. <sup>25</sup> Annok' ikit'sikümiau umu'pappiipix; ki matom'si otokem'attosi, its en'iu, ki otsai'itsstsissi o'kosix itskit'siuiae otokem'an oskün' mök'okemattosaie: <sup>26</sup> Neto'initsiu oskuni enis'aie, ki omat'oskuni ki ikit'sikümiau ikönen'iau. <sup>27</sup> Ki itsako'ieniu ake'u. <sup>28</sup> Matsipuau'osinni tükka' otakokeman'atsiae, ikit'sikümix? Tük'ka ikönau'tuyiuiae. <sup>29</sup> Jesus an'istsiuax. Kitai'patsistutsipuau kimatsksinipuauests natoi'sinaksists ki ototümap'sinni Ap'istotokiuä. <sup>30</sup> Matsipuau'sax matokemiu'axau matapikau'axau. Netoi'nitsiau

Ap'istotokiuă otatsim'otokatatsix Spots'im. <sup>31</sup> Annik' matsipuau'awsinnik kiküttomisauan'istop'ats annik' kitani'iipik Ap'istotokiuă. <sup>32</sup> Něsto'akauk Abraham otsinan Ap'istotokiuua ki Isaac otsinan' Ap'istotokiuă, ki Jacob otsinan' Ap'istotokiuă Ap'istotokiuă enix' matsinan'oauats, sa'kiaitappiix otsinan'oauax Ap'istotokiuă. <sup>33</sup> Ki akai'tappiix otokh'tsimsau skai'etsimiau otusksinimats'tuksin. <sup>34</sup> Ki Pharisees otokh'tsimsau ot'omaupütsössax Saducees, itauütomoi'piotseiau. <sup>35</sup> Ki tuks'kümi, lawyer, ai'süppoöttsesattsuiae, ki as'aksksinuyiuiae, ki an'iu, <sup>36</sup> Nia'a, tse'a omük'o okök'itsimani īstse'poawsists? <sup>37</sup> Jesus an'istsiuiae, Kitak'ükommimmau, Nin'a Ap'istotokiuua kitokönai'uskëttsipöppi, kitokönai'staaw, ki kitokönai'tsitani. <sup>38</sup> Am'oi matom'iu ki omük'o epo'awsinni. <sup>39</sup> Ki pok'iotomi netoi'nitsiu, Kitak'ünistükommimmau kitopokau'pimok kanistük'omimmospi. <sup>40</sup> Annists'isk na'tokaistsk epo'awsists, ikönaukökitsimanists ki prophetix otan'ipists ikön'itaitsiiests. <sup>41</sup> Otsakiaumoi'piotseisau Pharisees, Jesus süppo'öttsesattsuax, <sup>42</sup> Ki an'iu, Tsa kitstatau'ats Christ? Tükka' oko'atsaie? An'istsiuiae David okoai'e. <sup>43</sup> An'istsiuax, David umut'ainistainiköttaupiae Nin'a, otanipi, <sup>44</sup> Ap'istotokiuă an'istsiuiae nin'a, netots'i tupo'piit, nök'ünistutoösau kikatum'ix kitsitautütsekau'pipi? <sup>45</sup> David niniköt'tüssi Nin'a, Tsa otak'anistoko'atsaie? <sup>46</sup> Ki matap'pi matsitstsipa mök'okotsitsipsättosi tuks'kai epo'awsinni, ki annik' ksistsiku'ik matap'pi matokot'sakosüppoöttsesattau.

## 23

<sup>1</sup> JESUS itüm'sitsipsiuax akai'tappix ki otusksinimats'ax, <sup>2</sup> Ki an'iu, Ai'sinakix ki Pharisees, Moses otsiso'pötsisaie itau'piau: <sup>3</sup> Ünnikaie kitomian'istaniipuai sat'sik ki ništutsik'. Ki manistsis'tutsipiau, pinan is'tutsik: tük'ka itan'iau, ki matsistutükkiu'axau. <sup>4</sup> Issoksüs'tsists itau'monimiauësts soku'ësts mökopa'tosau ki matap'pix otsistsoauësts itotom'iauësts; ki osto'auai matakotsistüpakiotsim'axauësts tuks'kümi okit'suaauax. <sup>5</sup> Otokönap'otuksuauësts itsistuts'imiäuësts möksinnu'yisau matap'pix: itopük'istutsimiauësts phylacteries, ki itomük'istutsimësts otsaieno'tuksuauësts, <sup>6</sup> Ki ükome'tsimiauësts oye'tanists istotom'iapioyists, ki natoi'apioyists istotom'isopötsists. <sup>7</sup> Ki otsitau'pisau itau'pumaupi aiksemattsini'otseisinni, ki möks'äniköttośau, Rabbi, Rabbi. <sup>8</sup> Pinis'tsänikükik Rabbi: tuks'küma kitsin'aimoauä, Christ: ki ksësto'au kitokönaix'okoauax. <sup>9</sup> Ki Pininiköttośau matap'pi, annom' ksök'kum, kín'a; tuks'küma kín'oaua annök' spots'im itau'piuöök. <sup>10</sup> Ki pinitsin'ikükik Nin'ax: tuks'küma kitsin'aimoaua, Christ. <sup>11</sup> Annök' omük'ämök ksësto'au, kitak'apotomokoau. <sup>12</sup> Annök' ak'omuxistatosiuök, aks'inüxistutoau; ki annök' aksinük'istatosiuök, ak'omuxistutoau. <sup>13</sup> Kitaks'ksinipuau maka'pi ksësto'au ai'sinakix ki Pharisees, kitsiks'stapokömotsitappiansuai! Kitsitaiok'iauaiau matap'pix Spots'im ītsin'naiisinni: ksësto'au kimatsitaipipuau'ats, ki aiaksipimix kimats'epokkitsetomauaxau mök'itsipisau. <sup>14</sup> Kitaks'ksinipuau maka'pi ksësto'au ai'sinakix ki Pharisees, kitsiks'stapokömotsitappiansuai! Nam'akex oko'auësts kitau'attopuaiau, ki kitaisümiksistapatsimoiikapuau: mís'tüpkapii kitakoku'yisuai. <sup>15</sup> Kitaks'ksinipuau maka'pi ksësto'au ai'sinakix ki Pharisees, kitsiks'stapokömotsitappiansuai kitotka'atau ksök'kum ki omük'sikimi kök'itokonoösi tuks'küma matap'iuä mökitanis'tsitsitasi kanistsitsi'tawpi kitau-maitu'yissi, kanistüm'ipuau ksësto'au Hell oku'yix kitak'anistsistokiaistutoau. <sup>16</sup> Kitaks'ksinipuau maka'pi ksësto'au kitsaps'tsiotüpünükipuau, kitani'ipuau annök' akitup'ütauüniuök omük'atoiapioyis matsikiu'ats, ki annök' akitup'ütauüniuök omük'atoiapioyis īsto'tokuiixkim, aks'istutsimiae! <sup>17</sup> Kitüt'tsapspuau, kitsaps'tsiipuau: Tsima' omük'o. Otku'iixkim, ki omük'atoiapioyis annik'

itatsim'miimmiik otoku'iixkim. <sup>18</sup> Ki annök' akitüp'ütauüniuök altar, matsikiu'ats; ki annök' akitüp'ütauüniuök kotük'sinni altar itokhits'tsipi, ai'aksistutsimaie. <sup>19</sup> Kitüt'tsapspau, kitsaps'tsipau Tsima' omük'o, kotük'sinni, ki altar annök' itatsim'etsimök kotük'sinni? <sup>20</sup> Annök' aiakitüp'ütauüniuök altar, itup'ütauüniu altar ki mian'isttokhítstsii. <sup>21</sup> Ki annök' aiakitüp'ütauüniuök omük'atoapiyis, itüp'ütauüniu omük'atoapiyis ki annök' iko'attomök. <sup>22</sup> Ki annök' aiakitüp'ütauüniuök spots' im, itüp'ütauüniu Ap'istotokiua otspiso'pötsis ki annök' itokhittaupiuök. <sup>23</sup> Kitaks'ksinipau makapi ksësto'au ai'sinakix ki Pharisees, kitsiks'stapokömotsitappiansuai! Kitai'ponitasuai mint ki anise ki cummin, ki issoku'ists kimatsatsipauüestsau, okök'itsimanists, küm'apiisinni ki aumai'tüksinni: am'osts ökh'si kök'satsösuaiau; ki mat'öksiuats kök staiistutissuau stsiök'ists. <sup>24</sup> Kits' apstsiotüpünküpuau, kitai'soautsauau inüx'soïksissi, ki kitaits'isssttimauau camel: <sup>25</sup> Kitaks'ksinipau maka'pi ksësto'au ai'sinakix ki Pharisees, kitsiks'stapokömotsitappiansuai! Kös'ä ki saiëtso'kosi sauauts'i kitüs'siipuaiau, ki pistots'im itui'tsiau minik'otüksinni ki auüt'tseisinni. <sup>26</sup> Kitsaps'tsii Pharisee, matom'siitau pistots'im kos'ä ki saiëtso'kosa mök'ütsitsiksixssi sauauts'i, <sup>27</sup> Kitsaks'ksinipau maka'pi ksësto'au ai'sinakix ki Pharisee kitsiks'stapokömotsitappiansuai! Ksikoken'imanists kine'tümanistspau ai'ökhnsinipiau sauauts'istsi, ki pistots' im itui'tsiau enix' okin'oauësts ki makap'ists. <sup>28</sup> Netoi'nitsiii ksësto'au kito'kömotsitappiinipauu matap'pi, ki pistots'im kitotuitskitsipau ksüs'tapokömotsitappiisinni ki sauum'itsitappiisinni. <sup>29</sup> Kitaks'ksinipau maka'pi ksësto'au ai'sinakix ki Pharisees, kitsiks'stapokömotsitappiansuai! Kitap'istutspau prophetix oto-ken'imanoauësts, ki kita'nütsistutspau moköm'otsitappix otoken'imanoauësts, <sup>30</sup> Ki kitanipau nitsa'kiaitappiipinanopi nñ'anix otsa'kiaitappiisau nis'tasauopoksistokemaumünanopiau prophetix otsa'apünoauësts. <sup>31</sup> Ün'nikaie kit'auütanipau, ksësto'auükauk anniks'isk matap'pixk initsixk' prophetsix o'kosoauax. <sup>32</sup> Tu'itok kín'oauax otsauum'itsitappiisauësts. <sup>33</sup> Pitseksinax, opix'exinasinna, Tsa'a kitakanistupis'tapixsattopats Hell istokök'itsimani? <sup>34</sup> Ün'nikaie, sat'sik kitakittüp'skoaiu ksësto'au prophetix, ki mokök'ietappix ki ai'sinakix: ki stsiök'ix kitax'enitauaiau ki kitiiikau'aistauaiau; ki stsiök'ix kitakitsipstütsipis'auaiau kitatoi'apiyimoauests, ki kitak'auksistutuauaiau amian'istakap'ioyists otai'akitsipisau: <sup>35</sup> Mökittokh'ittaitsissi ksësto'au kónau'kömotsitappaapüni ksök'kum itsai'kimskaii. Abel moköm'otsitappiuä otsa'apün itüpots'tsiuiae Zacharias, Barachias okku'i otsa'apüniaie annök', kitsitsenitauauök itüt'sikatsi omük'atoapiyis ki altar. <sup>36</sup> Kitau'münistopauu kónai'sistskä aunok' o'tappiisinnna akítotu'iests. <sup>37</sup> Jerusalem, Jerusalem ksësto'auä kitai'nitauaie prophetix, ki anniks'isk itüp'skuaxk ksësto'auä ok'otokix kumutauauaiaak'iauaiau, nökstanistsikapumoi'piauopi ko'kosoauax nippau'ä manistau'moipiopi o'kosix ki kimat'ökhnsipau'ats! <sup>38</sup> Sat'sik, Koko'auai nam'itaitsiu kit'skitomoko. <sup>39</sup> Kitan'istopauu, issoots'i kimatakainokipuaua sauanoenoainiki Atsim'siu annök' paiukspu'ök Ap'istotokiua otsin'ikösim.

## 24

<sup>1</sup> KI Jesus itsüx'iu ki itsis'tüpaatomaie omük'atoapiyis ki otüsksinimatsax itoto'iauaie mökanis'tsinnomoösauaie omük'atoapiyis istap'istutüksinni. <sup>2</sup> Ki Jesus an'istsiuax kiküttaisauainipauuastsau kónai'istsk? Kitau'münistopauu, matakskit'aupa okotoki mökstaiina'piksistosi. <sup>3</sup> Otsit'tokhitaupissi nitum'moyi Olives, üsksinimats'ax isimitoto'iauaie, ki an'iau, Anik'inan Tsanistsis' akanistsiu'astsau? Ki tsa akanistsiu'a kitsipusipusinni, ki punksök'kuasisi? <sup>4</sup> Ki

Jesus an'istsiuax Iskskats'ik kökstaipistsiksistetu'yisuai. <sup>5</sup> Akai'tappix ak'ütsitotoiau nitsin'ikösim ki ak'aniau Christ něsto'akau; ki ak'sipistsiksistutuyiauax akai'tappix. <sup>6</sup> Ki kitakokhtsimattopuaii auakaw'tseisists ki mak'auakawtseisists: Sats'sik kökstai'apaitsitasuai; konai'istsk ak'itstsiau; ki umut'aketsñikawpi matomoto'ats. <sup>7</sup> Aiok'auua aksipua'tseiau aiokauai'i ki nin'naiisinni aksipua'atomiau nín'naiisinni; ki ak'unnatosiu aaú'össinni, ki ak'itstsio okh'tokosists, ki ksök'kumä otaks'ikauopiisists, ki akokönau'toitstsiiu. <sup>8</sup> Am'osts Istokönau'mütüpipuünawkuyii' sists. <sup>9</sup> Kitakaumüts'kakipuau kökítapauksistutoksi, ki kítaks'enikoiau: ki kónai'okaauua kumutaks'tsimmimmokoau nitsin'ikösim. <sup>10</sup> Ki akai'tappix akístskimskükiau ki akaumüts'katseiau, ki akau'kimotseiau. <sup>11</sup> Ki akaiëm'ix ksís'tapsix prophetix aksipuauiu ki aksipišksís'tutuyiuax. <sup>12</sup> Ki sauo'kömotsitappiisinni otakau'osi, akai'tappix otükome'tüksuuii akstuyiuiae. <sup>13</sup> Ki annök' eikak'ímauöök umuk'itsipi aksikömotse'piau. <sup>14</sup> Ki am'ok nín'naiisinni istókh'sitsiniksinni ak'anístop kónüs'ksökkum, kónai'okoaua möks'ksiniisaue; ki umuk'itsipi ak'otümitoto. <sup>15</sup> Niním'ìnnoainiki üs'tsimetsipi Daniel otan'istopi atsim'apii istai'puyissi (annök' an'istomök ünnists'ksinissi:) <sup>16</sup> Anniks'isk Judæa itau'pixk ünnianistitüpoks'kasau nitum'moists: <sup>17</sup> Annok' itokh'itaupiuök oko'ai pínünists'ínissaatos mök'sauautsíssi itsipsts'tsii oko'ai: <sup>18</sup> Annök' insímmman itau'piuöök pinüt'ünistsskos mök'otsíssi otsistotos'ísts. <sup>19</sup> Anniks'isk ipitap'piixk ki üs'takataxk aksksinímiau makapi annists'ísts ksístsiku'ísts! <sup>20</sup> Atsimoiikak kök'stautsímutasuai stuyissi, ki issik'opiiksístsikui. <sup>21</sup> Annik' omük'ipuünasinni ak'itstsio, istsits'si ksök'kum, ki annok' manists'ipuünapsipi, aksis'tüpünistsipuünapsiu, ki ís'sotsk matakotúmanistsipuünapsiu'ats. <sup>22</sup> Ki annists'ísts ksístsiku'ísts sauun'natsistutsíests mat'akitsipsipa matap'pi itsikömotse'piaiau; aumai'tükkiixk, osto'auai itunnats'istutsímests annists'ísts ksístsiku'ísts. <sup>23</sup> Kümíts'tsiki matap'pi kitai'akaniki Süm'miš, am'auk Christ, ki om'auk; pinau'maitos. <sup>24</sup> Ksís'tapsix Christix akitsipuau'iau ki ksís'tapsix prophetix, ki akanis'tsinnükiau omük'apstosists ki písats'kasists; ki iküm'itstsiki aks'ipistsiksistutuyiauax aumai'tükkiixk. <sup>25</sup> Sat'sik, kikau'anístopuau. <sup>26</sup> Küm'anístsenikiau sat'sit ksís'tapsksökkuyi ün'amauk; pini'tappoat; Sa'sit, simiap'ioyists ün'amauk; pinaumai'tükkiik. <sup>27</sup> Ksístsikum' manísttotsipukspipu umut'autstsipi apinök'kuyi, ki manistsitüpikünatsspi ame'totsi; netoi' ak'üniststsio nín'au okku'i otos'aie. <sup>28</sup> Míksinii otsits'tsipi, ün'nim pi'tax akomooi'iau. <sup>29</sup> Annists'ísts ksístsiku'ístsksipu'ínasists otaiksiuos'au, nato'si akski'ínüm, ki kokum'ikesüm matakanañkímauats, ki kök'atosix akotots'ínissiau, ki spots'im otsis'köpsinni akauüt'apixip: <sup>30</sup> Ki Nin'auä okku'i otap'stosínni akitsinakoae spots'im: ki ksök'kum istokönai'tappix ak'otümauyesiau, ki aks'innoyeiau Nín'au okku'i spots'im istsíssoks'stsiku'ísts itsipsts'otosi, otümap'sínni ki omük'künnañsinni akopoto. <sup>31</sup> Ki ak'itüpskuyiuax otatsim'otokatatsix ak'soksikkiax, ki aumai'tükkiixk akitotomoi'piiuaax, níssoo'ísts sopu'ísts ki spots'im umuk'itsipi: <sup>32</sup> Annok', isksinik parable omük'ínistsis; okün'iksi otsa'kiükkiñisíssi, ki otsuio'pokassi, kitsksinipuau nepu'yi itasts'tsio; <sup>33</sup> Neto'i maks'ínímenoainiki annists'isk, isksinik, mökaststsíssi, ito'to okh'sepístanists. <sup>34</sup> Kitau'münistopuau am'oi o'tappiisínaii matakstapu'ats otsauomaisüpanis'tsiosau annists'isk. <sup>35</sup> Spots'im ki ksök'kum ak'eitsníkau, ki nitse'poawsists matakeitsníkau'ěstsau. <sup>36</sup> Annik' ksístsiku'ík ki annik' itai'ksístsikumiopik matsksinim'ats matap'pi, Spots'im istso'tokatatsix matsksinim'axauaie, Nin'a nits'ksinímaie. <sup>37</sup> Noe otsiks'stsikumists manists'iésts, netoi' ak'aníststsiiésts Nín'au okku'i oto'saie <sup>38</sup> Otsauomo'könaiokkeuasi ksökkum manistau'yipiau ki manistai'simipiau, manistok'kemipiau manista'piköttükkipiau, itüp'itsiu annik' ksístsikuik, Noe

otsit'süppopissi akh'iosatsiš. <sup>39</sup> Ki matsksinim'axau otsauomo'könaiokkeuasi ki itsau'inakuaiistutuaiau; netoi' ak'anistsiu Nín'au okku'i oto'saie. <sup>40</sup> Natsitappiix akotümitau'piiā insim'man: nituks'kümi ak'otoau, ki stsik'i ak'skitau. <sup>41</sup> Natsitappiix akex' akitaipik'iakiau; nituks'kümi ak'otoau, ki stsik'i ak'skitau. <sup>42</sup> Ün'nikaie mokökik: kimats'ksinipuau annik' itai'ksistsikumiopik kitsin'aimoau otai'akitotopik. <sup>43</sup> Am'okä īksinik', Napioyis īstökhsin'auä otsksinim'opi annik' itai'ksistsikumiopik otai'akitotosi kōmos'iepitsiuä ī'staiuskskumioppi, īstai'saiepukitsetsimopi oko'ai īstokitsim'i mōkopokse'isaie. <sup>44</sup> Ün'nikaie ük'aisüppiapistotosik; kitsit'sisauaitatopuai, Nín'au okku'i ak'itoto. <sup>45</sup> Tükka' aumai'tükki ap'otükkiuä, ki mokök'i apotükkiuä annök' otsin'aim otinaiäts'okök oko'ai īstsitappim'ix, mōk'okömötökötösax ots'oösinoauësts? <sup>46</sup> Atsim'siu annök ap'otükkiuöök, otsin'aim oto'saie otak'okonokaie netoi' it'ünistsistutsimaie. <sup>47</sup> Kitau'münistopuau, akokönitainaiäts'iuiae otokönai'nanists. <sup>48</sup> Ki annök sauum'itapotükkiuöök, makotots'anissi u'skëttsipöppi ai'sümsiu nitsin'aim; <sup>49</sup> Ki makaumütüpauaiak'iüssi ot'opokapotükkiimax, ki makopoks'oyimüssi ki mak'opoksimimüssi ai'simix; <sup>50</sup> Annök' ap'otükkiuöök otsin'aim ak'oto annik' kustsiku'ik otsauomüsks'kümosaie, ki annik' itai'ksistsikumiopik otsauomüs'ksinniissi, <sup>51</sup> Ki akaiketsin'iuiae, ki aiakokotsiuiae mōk'itaupissaie otsitau'pipiax ksistapokömotsitäppiansix: annim' ak'itstsiu asain'sinni ki satse'kinani.

## 25

<sup>1</sup> SPOTS' IM īstsin'naiisinni aketum'anistsiau ke'pix ake'kuax, anniks'isk mat'tuyixk ot'anakimatsuauësts, ki itsux'iau mōkota'tsemösau annök' ai'akokemiuöök. <sup>2</sup> Ki nis'itsix mokök'iau, ki nis'itsix mat'tsapsiau. <sup>3</sup> Anniks'isk mat'tsapsixk nito'tsimiau ot'anakimatsuauësts, ki, mattotükkiu'axau okke'anakimatsis: <sup>4</sup> Ki mokök'ixk ipok'iotscmiau otanakimatsuauësts okke'anakimatsis, kos'ix itsüp'pitükkiuau. <sup>5</sup> Annök' ai'akokkemiuöök otai'sümsi, ikönai'okano'piiā ki ikönai'okax. <sup>6</sup> Ki itüt'sikiikkokoi ikum'iüstutsip, sat'sik, ak'okemiuä ai'puksipu; Sūksik' kōkotatsemössuai. <sup>7</sup> Itümokönaipuau'iau am'ox ake'kuax, ki ikön'itaisüppasuyinükiau otanakimatsuauësts. <sup>8</sup> Ki mat'tsapsix an'īstsiauax mokök'ix, kok'inan kitök'keanakimatsuai; tük'ka, nitan'akimatsinänests ük'aiitsinikaiau. <sup>9</sup> Ki mokök'ix an'īstsiauax, Sa; matakakauo'ats kséstün'un: Is'tapuk aumüts'kotükkiix kōk'opumattosuai. <sup>10</sup> Ki otsakaitapposau mōk'opumattosau, aiakokemi ito'to; ki anniks'isk sopuiap'istotosixk ipok'sipimiauaie okkem'sinni: ki ai'okip. <sup>11</sup> Sako'okhtsi mat'tsapsix noküt'otoiau ki an'iau, Nin'a, nin'a, kauai'pixkinan. <sup>12</sup> Ki an'īstsiauax, kitau'münistopuau kimats'ksinopuauats. <sup>13</sup> Ün'nikaie mokök'ik', tük'ka, kimats' ksinipuauats annik' ksistsiku'ik ki annik' itai'ksistsikumiopik Nin'au okku'i otai'akitotopik. <sup>14</sup> Spots'im īstsin'naiisinni netum'anistsiu nín'au annök' piuo'ök, ki niniköt'tsiuax otap'otomokix, ki ikotsiu'ax otsinan'ists. <sup>15</sup> Ki tuks'kai ikotsiu'aie nisitsi'i itawk'pumaupix ki stsik'i na'tokai, ki stsik'i nituks'kai; ki könai'tappix itanistokotsiu'ax manist'okotsistutsipiau; ki itau'matto. <sup>16</sup> Annök' ikuyiu'ok nisitsi'i itawk'pumaupix itsis'tapu, ki itau'mütskotükkiu, ki ikuyiu' stsik'ix nisitsix itawk'pumaupix. <sup>17</sup> Ki netoi annök' ikuyiu'ok na'tokümi, ikuyiu' stsik'ix na'tokümix. <sup>18</sup> Ki annök' ikuyiu'ok nituks'kümi itsis'tapu, ki itatün'akiu ksök'kum, ki ai'ksasattomaie otsin'aim otsixkímim'iaie. <sup>19</sup> Otaisümmosi, am'ox ap'otükkiix otsin'aimoauai itoto'yinai, ki ipokoks'tükkiuax. <sup>20</sup> Ki annök ikuyiu'ok nisitsi'i itawk'pumaupix ito'to ki ito'tsipatopiau stsik'ix nisitsix itawk'pumaupix, ki an'iu, Nin'a, kit'okök nisitsi'i itawk'pumaupix: Sat'sit nitokuinan' matsis'itsix. <sup>21</sup> Otsin'aim an'īstsiauie,

kitōkhs'istututükki, ökhs'apotükkiuă ki emün'apotükkiuă: kitse'münüssatsipiau un'natosests, kitakinai'atso akauo'iěsts: Kitsin'aim otse'tametüksinni īstsipi'it.

<sup>22</sup> Annök' iku'yiuök natoküm itawk'pumaupix ito'to ki an'iu, Nin'a, kit'okok natoküm itawk'pumaupix: Sat'sit, nimat'okuinani mats'istokai itawk'pumaupix.

<sup>23</sup> Otsin'aim an'īstsuaie, kitōkhs'istutükki, okhs'apotükkiuă ki emün'apotükkiuă; kitse'münüssatsipiau un'natosests, kitakinai'atso akauo'iěsts: Kitsin'aim otse'tametüksinni īstsipi'it.

<sup>24</sup> Annök' ikuyiu'ök tuks'kümi itawk'pumaupi ito'to ki an'iu, Nin'a kits'ksino ksěsto'a kitse'īnai, kiküt'tomaisüppipumattopi kitai'pokiaki, ki kikütтомаuanit'apixipi kitomoi'pitükki;

<sup>25</sup> Ki nitsiko'pum, ki nitsit'tappo ki nitai'ksasattop ksök'kum kitsinană itawk'pumaupi: Sat'sit, k̄tsinan.

<sup>26</sup> Otsin'aim an'īstsuaie, kitsauum'apotükkiuă ki kitsistap'apotükkiuă, kitsksinoki nitai'pokiaki nikütтомаianit'apixipi, ki nitomoi'pitükki, ni kütтомаuanit'apixipi:

<sup>27</sup> Kumaukstauokotaiisksixau au'awtsoomütskotükkix nitsix'kímimix, ki nitsitotopi nök'staitokuyitopi nitsinan'ix ki umut'okuyesix.

<sup>28</sup> Mattomok'aie itawk'pumaupi, ki kotok' annök iku'yiuök ke'pix itawk'pumaupix.

<sup>29</sup> Anniks'isk iku'yixk ak'okotaiau, ki otaksinanoaiau akauo'i: ki annök' itsau'okuyiuök ak'otomoau annik' ooko'ös̄nik.

<sup>30</sup> Ki īstüp'satüpiksıstsıs ap'otükkiuă itsau'okuyiuă ski'natsii: ak'itstsui asain'sinni ki satse'kınani.

<sup>31</sup> Otak'ítotosi Nin'au okku'i ottsa'pınasinni ipokom'össau otokönatsım'otokatatsix, ak'otümotokhitaupi ıotsıstsapıssı'pötsıs:

<sup>32</sup> Ki akokönipotamoi'piaiau ikönai'okauaua: ki aiakanıstaiaketaipiksıstaiau emük'ikınaikuün manistai'aketaipiksıstopiax emük'ikınax ki apomük'ikınax:

<sup>33</sup> Ki akotüpıpiuax emük'ikınax onet'otsıs ki ap'omükikınax otse'aksıssauotsıs.

<sup>34</sup> Omük'ina akotüm'anıstsuaux anniks'isk onetotsıs itau'pixk, Puk'sipuk, Nin'a otat-sims'imix, ki nín'naiisinni matsık' annik' kitapıstutomokiiik, ıotsauomap'astutoössi ksök'kum.

<sup>35</sup> Nitse'nots, ki kit'okokipuau aa'u'ös̄in; nitse'naki, ki kitsit'tutokokipuau: nitsi'piitappi, ki kito'tokipuau:

<sup>36</sup> Nimatsıstotospa, ki kitsıs'totosatskokipuau; nitokh'tokos, ki kitsıpis'kotokipuau; itai'okiakiopi nitsitau'pi, ki kitsittotaakipuau.

<sup>37</sup> Moköm'otsitappix akotüm'anıstsuaie, Nin'a, tsanıstsı'i kit sits' In o pin an kitau'nots, ki kits is' so pi Q an? Ki kitse'naki, ki kitiitakopinan.

<sup>38</sup> Tsanıstsı'i kitsıts'īnopınan, kitsı'piitappiisi ki kito'tosınin? Ki kimatsıstotospa, ki kitsıstotos'atskopinan?

<sup>39</sup> Tsanıstsı'i kitsıts'īnopınan kitai'okhtokos, ki kitsitau'pıssi itai'okiakiopi ki kitsito'taatosınan?

<sup>40</sup> Ki omük'ina ak'anıstsuaux, kitau'münıstopuau kanıstitüpıstutsipuai tuks'küma inüx'tsıma am'ox nıx'okoax, kitanıstsıstutomokipuau.

<sup>41</sup> Akotüm'anıstsuaux anniks'isk ote'aksısaıotsıs itau'pixk, ıstapuk emütskax mökseınsau, üskıstsısinasıi ıstapuk, ek'aisepütsıstotomoıiauax au'tutsokiuă ki oto'tokatatsix:

<sup>42</sup> Tük'ka, nitau'nots, ki kimatsıssok'ipuaua: nitse'naki, ki kimat'tutukkokipuaua:

<sup>43</sup> Nitsi'pitappi, ki kimat'otokipuaua: nimatsıstotospa, ki kimatsıstotosats'kokipuaua: nitokh'tokos, ki nitsitau'pi itai'okiakiopi, ki kimat'sipıskotokipuaua.

<sup>44</sup> Osto'auai ak'otümanıstsıuaie, Nin'a Tsanıstsı'i kitsıts'īnopınan kitau'nots, ki kitse'naksi, ki kit'sipitappi, ki kitokh'tokosi, ki kitsitaupıssi itai'okiakiopi kökstaikawak'anıstotös̄inan?

<sup>45</sup> Ai'akotümanıstsuaux, kitau'münıstopu au kanıst'saıitüpıstutsipuai tuks'küma inüxtsıma amox, kimat'anıstsıstutomokipuaua.

<sup>46</sup> Ki am'oxi aksıstüpıtappo'ıau üsk'sıtaıksıstototspi: ki moköm'otsitappix akittappoiau üsk'sipaitappiisınni.

## 26

<sup>1</sup> KI itünıstsıu, Jesus otaıksıste'poattosests am'osts epo'awsısts, itün'īstsuaux otüsksıñımatsax,

<sup>2</sup> K̄tsksıñipuau aisto'küssi ksıstsiku'ısts ak'itstsui passover, ki Nin'au okka'i itaumüts'kau mök'ıtsıksıstoxösi.

<sup>3</sup> Omük'atoiapiekuax, ki aisınakix, ki matap'pix otsın'aimoauax itümıtüpıpaumooiau sp'a'toiapiekuün Caiaphas oko'aii.

<sup>4</sup> Ki

ai'sitsipsattseiau mōk'anistokotsisimmiotoǒsauaie Jesus, ki mōk'itsenitǒsauaie.  
 5 Ki an'iau, pinits'tsīs oye'tani īstsiksīs'tsikui ökskakǔmǐstsikiniau matap'pix.  
 6 Jesus otsitau'pissi Bethany, Simon leper oko'ai otsitsipsts'taupissi,  
 7 Ake'ua itoto'aie, ipa'tükkiu alabaster atūxak'sin puye' itsǔp'patomaie,  
 akai'inxkǐmasiuiae, ki otau'yisaie itsita'suyinǒnmaie otokǒn'iaie. <sup>8</sup> Ki  
 otuksinǒmats'ax otsinǒs'saxaie, īstse'tükkiax, ki an'iau mauk'etsinikatopi? <sup>9</sup> Am'ok  
 ipum'atotopi īs'taiekekaiixkǐmasiuopi, ki kǐm'atapsix īs'tauokotaupiauaie.  
 10 Jesus otokh'tsimsi, an'īstsiauax, kumauk'sauaiksixinoauaiisksix ake'uā ökh'siu  
 nitapistutu'yipi. <sup>11</sup> Ksēsto'au, kimatapsix kitusk'sauopoksemokoiau; ki  
 něsto'a kimat'usksauopoksemokipuaua. <sup>12</sup> Am'ok puye' nostǔm'i otsita'suyinǒssi  
 itsistuts'imaie mōkitsopuapiapistutuyiissi nōkitak'itsasi. <sup>13</sup> Kitau'mǔnistopuau  
 am'oi ökhs'itsiniksinni amianistán'istopi kōnǔs'ksökkumǎ, am'ok, am'o ake'uā  
 otap'istutsipi ak'utanistomaie, mōk'itüsksinoösi. <sup>14</sup> Na'tsikoputsix, tuks'kǔmǎ,  
 anistau Judas Iscariot, itappo omük'atoiapiekuax, <sup>15</sup> Ki an'iu, tsanistap'pi  
 kitak'okokipuaii, ki nitakitüp'omutskau ksēsto'au? Ki nitsi'tuyiauaie niip'pii  
 ksixix'kǐmǐx. <sup>16</sup> Ki annik' itot'apsatsim mōk'itamütskōsaie. <sup>17</sup> Ke'tani  
 küt'taikopütstsii, īstotom'iksīs'tsikui, usksinǒmats'ax itoto'iau Jesus, ki  
 an'īstsiauiae, Tse'a kit'stapa kōk'sopuapiapistutosinān kōk'kitsoyisi passover?  
 18 Ki an'iu īs'tapuk akap'ioyǐs, ki om'ümǎ nin'auümǎ anistok', Nin'a, an'iu,  
 nitsiksistsikum'i aststsi'u: koko'ai nitǔs'ksinǒmatsax nitak'opoksoyimaiau passover.  
 19 Ki usksinǒmats'ax manistán'istopiax itan'isttutsimiax; ki itso'poütsistutsimiau  
 passover. <sup>20</sup> Ki otau'tükkiu, ipokitau'pimiuax na'tsikoputsix. <sup>21</sup> Ki otau'yisau,  
 an'iu, kitau'mǔnistopuau tuks'kǔmǎ ksēsto'au kitakaumüts'kauki. <sup>22</sup> Ki  
 eks'kaiikikin'etükkiu, ki ikonau'mütüpānistsiauiae, Nin'a něsto'akats? <sup>23</sup> Ki  
 an'iu, annök okit'sis nitopoksistapimakemauok kos'i nitakaumüts'kau. <sup>24</sup> Nin'au  
 okku'i itanists'itappo nitsin'awpi: ak'itüpokapiu annök' nin'auök imüts'kaiuök  
 Nǐn'au okku'i! Küt'taipokaiiuopi annök' nin'auök, īs'taökhsiuopi. <sup>25</sup> Judas anni'isk  
 itse'mütskaukisk, itüm'anistsiauiae, Nin'a něsto'akats? An'īstsiauiae, kitani'. <sup>26</sup> Ki  
 otau'yisau Jesus ito'tsimiae ke'tani ki itatsim'isttutsimiae, ki itaumin'imaie, kǐ  
 ikotsiu'ax usksinǒmats'ax, ki an'iu, Matsik', oyik'; am'oriauk nostǔm'i. <sup>27</sup> Ki  
 mat'tuyiuiae kos'i ki thanks ikotük'kui, ki ikotsiu'ax, ki an'iu kōnai'simattok;  
<sup>28</sup> Am'okauk nitsa'apǔn, mananists'etoksinni itüp'itsiu itsai'kimskau akai'tappix  
 otsauum'itsitappiisuauěsts mōk'sinisěsts. <sup>29</sup> Ki kitani'istopuau nimatakütsimattopa  
 am'ok mǐniokke sauomo'pokitsipstsimattomǐnaniki manis'si nin'a ots'innaiisinni.  
<sup>30</sup> Ki otinik'sau natoi'iniiksinni itüp'sǔxiau nitum'moyi Olives. <sup>31</sup> Jesus  
 itüm'anistsiauax, něsto'a kitak'okönüsskǐmskǔkipuau annok'ā koko'ikǎ:  
 tük'ka, sǐn'aip, nitak'auaiakiau annök' usks'kǔmieuök emük'ikinax, ki  
 ot'omükikinauǎsinna īsto'mükikinax aküneto'iau. <sup>32</sup> Aiksistatsipuau'eniki  
 kitakitüpötoma'topuau Galilee. <sup>33</sup> Peter an'istsiauiae, ikum'okönüstsskǐmskǔkissau  
 ksēsto'a, nimat'akistsskǐmskǔkipa. <sup>34</sup> Jesus an'īstsiauiae, kitau'mǔniisto, Annok'  
 koko'ik otsauomit'awkkumsi nippau'ā nioks' kai kitakani kimatsksinok'ipa.  
<sup>35</sup> Peter an'īstsiauiae ökskakǔmopoks'eniop, nimat'akanipa kimatsksinopa;  
 neto'i ikonau'aniiax usksinǒmats'ax. <sup>36</sup> Jesus itümítüpōpopokomiuax Gethsemane  
 an'istop, ki an'īstsiauax otuksinǒmatsax, annom' stau'pik, nitakittappo omim'  
 nōkitüt'tsimoiikasi. <sup>37</sup> Ki mat'tuyiuax Peter, ki Zebedee otsistok'iokuyix,  
 ki itaumütüpikikin'etukki ki itau'mütüpēpeikapitsitau. <sup>38</sup> Itüm'anistsiauax  
 nitsitüpikikinetukki e'insinni: annom' stau'pik, ki ök'itüskskatükkiop. <sup>39</sup> Ki  
 pa'tsiistüpāatsiauax, ki īsstokopi'u ostoksīs', ki itüt'tsimoiikau ki an'iu, Nin'a,  
 ikum'okotsitsstsissi am'oi kos'a ünnianistis'tüpipotoössi; nimatakitsitan'ats,  
 ksēsto'a kitak'itsitan. <sup>40</sup> Ki matskitoto'ax otuksinǒmats'ax, ki ikon'oyiuax

oto'kaniax, ki an'istsiuiae Peter, Awx'ats? Kiküttaukotuskskümmokipa tuks'kai itai'ksıstsikumiopi? <sup>41</sup> Mokök'etsık ki a'tsimoiikak, kökstaitsipi'ssuai issaks'ksinüksinni; sta'aw itsitsi'tatomiae ki ix'isakuyi matsi'uats. <sup>42</sup> Ki mats'istapu ki itüt'tsimoiikau, ki an'iu, Nın'a, am'oi kos'a sauomot'aisimmieniki sauomis'tüpapotomokoeniki, kitak'itsitan. <sup>43</sup> Ki mat'oto ki mat'okonoyiuax tsok'asax: tük'ka issoksım'au oöps'puauax. <sup>44</sup> Ki itskitsiuax, ki mats'istapu, ki nioks'kai itüt'tsimoiikau, ki netoi' au'aniu. <sup>45</sup> Itüm'itotoiax otüsksinimats'ax ki an'istsiuax okak' annok, ki issık'sıstsikok: sat'sik aststsii' itai'ksıstsikumiopix, ki Nin'au okku'i itüp'aumütskau sauum'itsitappix otsu'auests. <sup>46</sup> Nipuak', ökittäppau'op: annök' nitakaumüts'kaukök aststsii'. <sup>47</sup> Ki otsa'kiai epuyissi, Sat'sik, Judas, na'tsikoputsix tuks'kümä ito'to ki akai'tappix ipokom'iauaie inus'stoanix ki söksis'tsists ipa'tükkix, itototoiau omük'atoiapiekuax ki matap'pix otsin'aimoauax. <sup>48</sup> Ki annök' imüts'kaiuökaie ikotsiu'ax apsto'sinni, ki an'iu, annök' nitak'sinnauskippauök, an'nökauk: mi'eenok. <sup>49</sup> Ki ikóm'itoto Jesus, ki aniu, Hail, Nin'a; ki itsin'nauskippiuaie. <sup>50</sup> Ki Jesus an'istsiuiae, Napi'ä, kumauk'sipuksipuksiks? Itümitoto'iauaie ki een'iauaie Jesus, ki mat'tuyiauaie. <sup>51</sup> Ki sat' sit, anniks'isk ipokom'iskaie Jesus, tuks'küma itsitüpikins'tsakiuaie otsin'usstoan itsau'tuyiaue, ki sp'a'toiapiakeuün tuks'kümi otap'automok ot'auaiakiokaie, ki kök'sinimaie okhtok'isaie. <sup>52</sup> Jesus itüm'anistsiuiae, kitsin'usstoanä otsits'tsipi iststsi'is; anniks'isk matap'pix mat'tuyixk inus'stoan, inus'stoan itax'enittaiau. <sup>53</sup> Kit'stapa nöküttokotsitüp'atsimoiikani nin'ä, ki annok' nök'okuyissi otsıtsksıstsikoputsix legionix otatsım'otokatatsix? <sup>54</sup> Tsa akokototümunistsıstutsipa natoi'sinaksısts, mök'itünıstsıssi? <sup>55</sup> Neto'ik itai'ksıstsikumiopik Jesus an'istsiuax akai'tappix, kiküt'anıstsipuksipa'akipuaua kanıst'sitappopuau kōmos'iepitsi annök' pa'tükkiuök inus'stoax ki söksis'tsists, kök'otoksuai? Anıs'tsiksıstsikuısts kitopokau'pimopuau omük'atoapioyıls köküsksinimats'opuau ki kimatseen'okipuauă. <sup>56</sup> Ki am'ostsk ikönaiıstutsipi möks'enüpanıstosau prophetix osınak'suauests. Ikönüsksinimatsax itüm'skittsiau ki ai'tsimmutaiau. <sup>57</sup> Ki anniks'isk een'ixkaie Jesus itüpıapiaue Caiaphas, sp'atoiapiekuün, itomoi'piawpiau ai'sınakix ki omüks'imix nın'ax. <sup>58</sup> Ki Peter piaapütsitüp'a'tseuaie sp'atoiapiekuün oko'ai, kiitsipim' ki ipokau'pimiuax ap'otükkix mökitokönai'nisi. <sup>59</sup> Annok', omük'atoiapiekuax ki omüks'imix nın'ax ki ikönau'kökitsimax, istüp'iksıstapenüpanıssinni ap'satsımiau möks'enitösauaie Jesus; <sup>60</sup> Ki matokonim'axau; otsito'tosax akai'tappix aiksıstapenüpanix, matokonım'axau. Sako'okhtsim ito'toiau na'tsitappiix ai'tapksisenüpanix, <sup>61</sup> Ki an'iau, am'o nin'au an'iu nitokot'opüksinip Ap'istotok'iuä otatoi'apioyis ki nitokot'sokapıstutsip nioks'kai ksıstsiku'i. <sup>62</sup> Ki Sp'atoi'apiekuün itsipuau', ki an'istsiuiae, kitakstaie'puyipa? Tsanıstapiu'a am'ox kitse'nüpanipiau? <sup>63</sup> Ki Jesus matsepuyiu'ats. Ki Sp'atoi'apiekuün mat'anıstsiuiae, kita'tauünısto Ap'istotokiuua ipai'tappiuă, kök'aniksınan iküm'ümeniki Christ, Ap'istotokiuă okku'i. <sup>64</sup> Jesus an'istsiuiae, kitsemüniani; ki kitan'ısto sako'okhtsim kitaks'inoauai'ini Nin'au okku'i, otsitau'pıssi otümap'sinni istset'otsisi ki umutsipuk'sipusi Spots'im ıstsısoxsıstsikuısts. <sup>65</sup> Sp'atoi'apiekuün itümali'pinotsıměsts otsıstotos'ısts ki an'iu, itüpepo'atomaie Ap'istotokiuă; nitak'otsikipınana stsik'ix e'enüpanix? Sat'sik, kikai'okhtoauau oksıls'tapiniköttsimani. <sup>66</sup> Tsa kit'stапuauă? An'iau, möks'einsi. <sup>67</sup> Itüm'itaisokuttütsiauaie ostoksıs'aie, ki oto'auests itsitauaiak'iauaie: ki stsık'ix omi'tsıxikinıstspuauests itsitauaiak'iauaie. <sup>68</sup> Ki an'iau, ksıesto'a Christ e'enüpanikinan, Tükka' kitauaiak'ioka? <sup>69</sup> Annok' Peter sauauts'im itau'piu, istokitsım'i pıstots'im: ki ake'kuün itoto'aie, ki an'iu, ksıesto'a kitopokom'au Jesus Galilee ıstsitappim'i. <sup>70</sup> Ki paoit'anıstsiuax matap'pix nimatsksınoau'ats

nimatsksinipa kitan'ipi <sup>71</sup> Ki otsitüp'süksi kitsim'iapioyis, stsik'i ake'kuün nan'nuyenae ki an'istsiuax anniks'isk matap'pixk itau'pixk, ani'o nin'au noküt'opoksimiuiae Jesus, Nazareth istsitappim'i. <sup>72</sup> Ki mata'toüniu, ki an'iu, nimatsksin oau'ats nin'au. <sup>73</sup> Ki otai'piestsiksismosu anniks'isk itai'puyixk itoto'iauaie, ki an'istsiauaie Peter, E'müniu, ksesto'akauk tuks'kumä: kitse'poawsists kitse'ënüpaniki. <sup>74</sup> Itümaumütüpipako'sinepuyiu, ki itaumütüpütau'üniu, nimats'ksinoau'ats nin'au. Ki nippau'ä sokit'okumi. <sup>75</sup> Ki Peter isksinim'aie Jesus ote'poawsinniae, annik' itanis'tsiuaie, otsauomokh'kumsi nippau'a nioks'kai kitak'ani kimatsksinokipats. Ki itsüx'iu, ki itsok'auasainiu.

## 27

<sup>1</sup> OTAP'INÖKKUSI, känau'mükatoiapiekuax ki matap'pix otsin'aimoauax itüp'okökitsimaiau Jesus möks'enitössauaie; <sup>2</sup> Ki otai'isksipistössauaie, itünistüppip'iauaie, ki itüp'aumütskaiuaie Pontius Pilate, anni'isk ninai'isk. <sup>3</sup> Judas, anni'isk otse'mütskaukisk, otsinno'ösaie, otanis'sax möks'einsi, itsisauai'itsitau, ki mat'skittotsipotuyiuax omük'atoiapiekuax ki omüks'imix nin'ax niip'pix ksixix'kimix, <sup>4</sup> Ki an'iu, nikai'sauumitsitappi nitse'mütskatop moköm'otsaapünni. Ki an'iau, Tsanistappi nitokanistappikipin'an'a? Ksesto'a kitak'satsip. <sup>5</sup> Ki itsipsts'istüppapiksistsiuax ksixix'kimix omük'atoiapioyis, ki itsis'tapu, ki itsiko'köpsiu. <sup>6</sup> Ki omük'atoiapiekuax mat'tuyiuax ksixix'kimix, ki an'iau, matökhisiu'ats ök'itsüppitsösau atsim'isokai, tük'ka aa'pünni ipum'attomiau. <sup>7</sup> Ki itau'kökotomotseiau ki itopum'attomiau potter otsin'simman, pie'tappix mok'itstsösau. <sup>8</sup> Ün'nikiae itüsks'unniştainiköttop a'apünni itüsön'simman. <sup>9</sup> Itümeenüpanistomaie annik' otan'ipikaie Jeremy prophet, ki an'iu, Ki mat'tuyiuax niip'pix ksixix'kimix, umutopum'attopiaie annök' Israel itüniau ünni mökanistsixkimi. <sup>10</sup> Ki itopum'attomiauai potter otsin'simman, nanistün'ik Ap'istotokiua. <sup>11</sup> Ki Jesus paio'tsipuyimiaie, nin'aii; ki nin'auä ai'süppoöttsesattsiaue, ki an'iu kikütam'ipa Jews otsin'aimoauai? Ki Jesus an'istsiuiae, kitan'i. <sup>12</sup> Ki Omük'atoiapiekuax ki omux'inax ote'ënüpanistössauaie, matsepuyiu'ats. <sup>13</sup> Pilate itüm'anistsiuiae, kiküttaisauokhtoau'axau akauo'yi kitse'nüpanikoists? <sup>14</sup> Ki tuks'kai epo'awsin matanistsiu'atsiae; ki Nín'auä eik'skaietükkiu. <sup>15</sup> Annok' oye'tani nin'aua itüsksaipotoyiuiae tuksküm'i eën'naii ot'statauaie matap'pix. <sup>16</sup> Annik', nannan'attsiau tuks'kumi eën'naii, Barabbas an'istau. <sup>17</sup> Ün'nikiae otokänau'moösax, Pilate itünis'tsiuax, Tükka' kit'statauä köks'ipotomosuai? Tsöktau Barabbas, tsöktau Jesus, annök' anistauök Christ? <sup>18</sup> Tük'ka isksinim'aie umutsiksissat'siuösau, itaumüts'kau. <sup>19</sup> Otsitau'piissi okök'itsimani istsiso'pötsis, otokem'an itüpüt'oköttsiuiae ki an'istsiuiae, pinotokan'istappikit om'ä moköm'otsitappiuä: tük'ka akauo'ieests nit'okuyipists pu'inasists ni'papaukanists annok' ksistsiku'ik, osto'i itots'tsiests. <sup>20</sup> Ki omük'atoiapiekuax ki omux'inax eikakimattsiauax matap'pix mök'aukömönistössauaie Barabbas, ki Jesus möks'einsaie. <sup>21</sup> Nin'auä an'istsiuax, Tükka' na'tokümix kitstatauau'a köks'ipotomoössuai? An'iau Barabbas. <sup>22</sup> Pilate an'istsiuax Tsa nitakünnistutoau'ats Jesus, anistauök Christ. Ikön'auanistsiuiae, ünnianistauai'ista. <sup>23</sup> Ki nin'auä an'iu, kumauk'anistauaisksiks? Tsanistapiu'äts otsauum'itsistutüksin? Ki akauo'yi itsokse'puyiau ünnianistauai'ista. <sup>24</sup> Otsinis'si, otsau'otokanistappikissaie, ki otai'akitsstsissi äsinata'pii ito'tükkiu okke', ki itüs'tsimmiu otsipot'aipuyimösax matap'pix, ki itünui, nimat'ototoimoko'ä am'o moköm'otsitappiaä otsa'apünni: ksesto'auä sat'sik. <sup>25</sup> Itümokönai'puyiau matap'pix, otsa'apünni ünnianisttots'tsiuaie nestrün'an ki no'kosinanix. <sup>26</sup> Itümipo'tomoyiuax Barabbas: ki otai'ksistütsipösäie Jesus, emüts'kaiuaie öksiks's toxösäie. <sup>27</sup> Ninauä

otseěnnakem'ix itüp'ip'iauaie Jesus itokǒno'paupi, ki itokǒnaumoi'piiāu eěn'nakex.

<sup>28</sup> Ki itsau'tomoyiauaie otsistotos'istsaie, ki mawks'isokösimi itsüps'kaiauaie.

<sup>29</sup> Otai'amitsnissau ksissiüstsümmoköni, itsis'tsümmokiauaie ki apai'i itstom'iauaie onet'otsisaie: ki auanaukopistuksis'aköttsiauaie, ki ai'ksistapanistsiauaie, ki an'iau, Hail, Jews otsin'aimoauai! <sup>30</sup> Ki ai'sokotuttsiauaie, ki matsimiau apai'i ki otokön'iaie itsitau'aiak iauaie. <sup>31</sup> Otai'ksistsiksistapanistüsauaie, asso'kösimi itsauts'imiauaie, ki otau'ütsisokösimaie itsüps'kaiauaie, ki itsistapip'iauaie mök'auaiistasauaie. <sup>32</sup> Ki otsüks'au, ikonoyiauaie nín'aii Cyrene istsitappim'i, otsinikösim Simon: isskuopa'atsiauaie otauai'staksin, <sup>33</sup> Ki otsito'tosau Golgotha an'istop, itokisasiik, müksikinükotokönik, <sup>34</sup> Ikotsi'auaie moksimatossaiaii' istsipoku'yi ki gall ipa'sokasuyinimiauaie: ki otüt'totsisaie, mat'skaksimattom'atsaie. <sup>35</sup> Ki itau'aiistaiuaie, ki otsistotos'ists, ki aiaketotsipiests, itsi'kötsotsiests: möks'eěnüp'anistosi annik' otan'ipik prophet, itai'aketotsipiests nitsistotos'ists ki itsi'kötsopnaaiua. <sup>36</sup> Ki ito'piiāu ki ūs'sümmiauaie annim'; <sup>37</sup> Ki itstom'iauaie otokön'i spots'i ksis'tapanissinni sinaip', Am'ok Jesus, Jews otsin'aimoauai. <sup>38</sup> Na'tsitappix kōmos'iepitsix ipauai'istauax tuksküm'i onet'otsisi ki stsik'i otse'aksissautsisi. <sup>39</sup> Ki anniks'isk itsits'skuixk au'kapsitsipsattsiauaie, ki auauükia'pixiau, <sup>40</sup> Ki an'iau ksěsto'a annök' ipüxin'ímök omükatoi'apioyis, ki nioks'kai ksistsikuists itsiksist'apistutsimök, kōmotse'piosit. Iküm'ümeniki Ap'istotokiua okku'i īnisa'atoat auai'staksin. <sup>41</sup> Neto'i omük'atoiapiekuax netoi'nitaiksistapanistsiauaie, kiai'sinakix ki omux'ímix ipokaniau, <sup>42</sup> Kōmotse'piuax stsik'ix ki matokotsikömötsepriosiu'ats. Ikümüm'issi Israel otsin'aim, ünanistsinnisa'atos auai'staksin, ki nitakaumai'tauūnan.

<sup>43</sup> Au'maituyiuuaie Apistotoki'i: annok' ünnianistsikömötse'piosaie, maksinan'attusaie: tük'ka iünui', něsto'akauk Ap'istotokiua okku'i. <sup>44</sup> Kōmos'iepitsix ipok'auaistapixk neto'yistsk nokütsitüp'apiximiauests okhpe'kists. <sup>45</sup> Nau'yi itai'ksistsikümiopi konüs'ksökkumä itüp'skinatsiu piksu'yi itaiksistsikumiopi.

<sup>46</sup> Ki otsipik'susi itai'ksistsikumiopi, Jesus aisokse'puyiu. Ki itüni'u, Eli, Eli, lama sabachthani? Annik' ito'kisasiik, Nitap'istotokim, Nitap'istotokim, kumauk'skikiks?

<sup>47</sup> Stsik'ix itai'puyixk, otokh'tsimsau', an'iau, Am'o nřnau nan'niköttsiuuaie Elias.

<sup>48</sup> Ki tuks'kümä itauks'kasiu ito'tukkiu ai'ksippuyinip, ki ito'kimiuiae istsipoku'yi, ki itstom'aie apai'i, ki ikotsiu'aie möksimattosaiai'i. <sup>49</sup> Stsik'ix an'iau, ki'ka, ök'satsip maks'ikümpuksipusi möksikömötse'piisaie. <sup>50</sup> Jesus ota'atsoksepuyissi, itaumüts'kaiuaie Sta'aw. <sup>51</sup> Ki Sat'sit, omük'atoiapioyis itsi'koksk'iakiopi ai'aketsnínikau, spots'im itots'ipinikau; ki ksök'kumä itsi'papuyiu, ki ok'otokskuists ai'aketopiau; <sup>52</sup> Ki a ken 'i man ists kau'opiiau; ki atsim'six anniks'isk ai'okaxk akaiěm ostüm'oauests itsipuau'ax, <sup>53</sup> Ki ota'atsipuawsı Jesus, itsux'iau aken'imanists, ki itüp'ipimiau atsimakap'ioyisi, ki otsinok'oaiau akai'tappiix. <sup>54</sup> Annok' eěnakin'au'ä, ki otopokom'ixk, otopoküs'satükkimaxk Jesus, otsinno'ösau ksök'kumi otsi'papuyiisi, ki otsin's'sau annists'isk istutsip'istsk, eks'kaikopumiau, ki an'iau am'o emün'iümu Ap'istotokiua okku'i. <sup>55</sup> Ki akai'tappix akex' pie'tsi itüs'sümmiauaie, anniks'isk itotopokiuo'iixk Jesus Galilee, ki apotomoyiixkaie: <sup>56</sup> Ki ipokom'iauax Mary Magdalene, ki Mary, James ki Joses oksis'toauaiai, ki Zebedee okku'ix oksis'toauaiai.

<sup>57</sup> Otau'tükussi, akotsin'auä Arimathaea istsitappim'i anistau Joseph, ito'to, tuks'kuma Jesus otüsksinimats'aie: <sup>58</sup> Itappo' Pilate, ki iköm'önistomaie Jesus stüm' i aie. Pilate itümün'iu mökaumütskatosae mostüm'i. <sup>59</sup> Ki Joseph otots'issi mostüm'i, itsisso'monimiae ksixistokh'aipistsi, <sup>60</sup> Ki itsipststotomaie otauüt'sinani aken'iman, maniu'aie, annik' itatün'ipik ok'otokskui: ki omük'okotoki itüp'auapimiuiae aken'iman ištokitsim'i, ki itsistapu. <sup>61</sup> Ki Mary Magdalene, ki stsik'i Mary, itotau'piauaie aken'iman. <sup>62</sup> Ki annik' ksistsiku'ik otökhs'apistutitosau,

mat'apinōkkusi, omūk'atoiapiekuax ki Pharisees ikōnitoto'iauaie Pilate, <sup>63</sup> Ki an'iau, Nin'a, nitūskks̄nipānan om'ā ai'piests̄iks̄istutūkkiuā otan'ipi, otsakiaitap'piisi, nioks'kai ks̄istsiku'i nitak'aatsipuau. <sup>64</sup> Anit' ökhs'istutsissi aken'imani nioks'kai ks̄istsiku'ists, otūs'ks̄inimatsax mōkstai'sepiotosax, mōkstai'kōmosai'isax, mōkstai'anistosauax matap'pix, ūk'aipuau: ki sako'ipats̄istutūks̄inni aks'istūpsk̄its top matom'ipats̄istutūks̄inni. <sup>65</sup> Pilate an'istsiuax mattok'au eēn'akex; is'tapuk, mi'istutsik. <sup>66</sup> Ki itappo' iau, ki mi'istutsimau ake'niman, isksk̄um'iauaie ok'otoksōkh'sepistan, ki istsi'iauaie eēn'akex.

## 28

<sup>1</sup> ISSĪK'SĪSTSICUYII ks̄istsiku'i otai'ksiuosaie, otaumütüpapinōk'kusiae issīk'atoiks̄istsikui, Mary Magdalene ki stsik'i Mary itoto'iau mōks'iniisau ake'niman. <sup>2</sup> Ki, sat'sit, ks̄ök'kumā ai'papuyiu: tük'ka Ap'istotokiua oto'tokatatsis spots' im itsinnisso'iinai, ki ito'to ki matskoap'imiuiae ok'otoksōkh'sepistan ki itop'iauaie. <sup>3</sup> Ostoks̄'si netoinitai'natsiuiae popos'ists, ki kaii'ks̄istotosiu neto'i kon'skui: <sup>4</sup> Ki ūks'katūkkix stun'noyiauaie, ki ai'papuyeian netoi'nitsiiau enix'. <sup>5</sup> Ki oto'tokatatsis an'istsiuax a kex', piniko'puk; nits'ks̄inip kitap'üssümmaauau Jesus annōk' kaii'stoksauōk. <sup>6</sup> Mats̄inakuaiēm'ats: tük'ka, ūk'aipuau otan'ipi. Puk'sipuk, sat'sik otsit'sipi Nīn'ā. <sup>7</sup> Ki kipi'tappoak, ki anistok'ax otūs'ks̄inimatsax otse'insinni ūkaipua'atomaie; ki, sat'sit, kitse'tomomattaak Galilee; omim' kitak'itsinnoauau: sat'sik, kikau'anistopuau. <sup>8</sup> Ki itsikip'istupaatomiauaie ake'niman ai'kopumau, ki eks'kaetametūkkiau; ki auks'kasiau mokitots'ipotosauiae otūs'ks̄inimatsaxaie otse'poawsiniaie. <sup>9</sup> Ki otsitappo'sauax mōkitsinnikoōsauax otūs'ks̄inimatsaxaie, sūm'mis, Jesus ito'tatsemiuax ki an'istsiuax All hail! Ki ito'toiauaie ki ein'imiuaie okōt'sistsaie, ki ita'tsimmimmiauaie. <sup>10</sup> Jesus itūm'itūnistsiuax, Pinikopuk; mis'tapuk, anistok'au nīx'okoax mōk'ittapposau Galilee, ki omim' nitak'itsinokiau. <sup>11</sup> Annok' otsa'kiaitapposau, sūm'mis, stsik'ix ūks'katūkii itoto'iau akap'ioyis, ki aitsin'nikoyiauax omūk'atoiapiekuax nitap'ii. <sup>12</sup> Kiotokönau'moōsau ki omūx'īnax otokōnai'puyisau, ikotsi'auax eēn'akex akaiēm'i itawk'pumaupix, <sup>13</sup> Ki an'istsiuax, ünnik' otūs'ks̄imimatsax nitsa'kiaokasīnan, sepioto'iax ki itsikōmos'attsiauaie. <sup>14</sup> Ki nīn'a okhts̄'saie, nitaksemūnan ki kitakitsikōmotse'piopinān. <sup>15</sup> Mat'toyiauax itawk'pumaupix, ki otsks̄inimatseipuauaiax iia'tutsimiau ki annik' anissin'nik Jews sa'kiauanistomiax. <sup>16</sup> Nitsi'koputsiax otūs'ks̄inimatsax itappo'iax Galilee nitum'mo, Jesus otan'istopi. <sup>17</sup> Ki otsinno'ōsauaie itatsim'mimmiauaie: ki stsik'ix sai'etūkkiax. <sup>18</sup> Ki Jesus ito'toax ki ai'sitsipsattsiuax, ki an'istsiuax, kōnau'tūmapsinni spots'im ki ks̄ök'kum nit'okoko. <sup>19</sup> Ün'nikaie, is'tapuk, isks̄inimats'okau kōnau'mianistsitappi, ūs'tapinokau niniköt'tokēsts otsin'ikōsīmēsts kīn'un, ki okku'i, ki atsim'istaaw: <sup>20</sup> Isks̄inimats'okau mōk'satsisauēsts kitān'istopuauēsts; ki sat'sit, kitusks'opoksemopuau anistsiks̄'tsikuists aiksiuo'si ks̄ök'kum.